



10866

I

Mag. St. Dr.

P

~~Hist. p. 1000.~~

~~181, 182, 183,~~

~~184, 185, 186.~~



10866

..VI. 1. 40.

Rudimenta Historica

C. A. Libris  
D. Dabrowski

Rudimenta Historica

Apprentice 1400

Calisii 17.

1744.



108667

# RUDIMENTA GEOGRAPHICA

*SIVE*

Brevis, facilisque Methodus  
Juventutem Orthodoxam notitiâ  
Geographicâ imbuendi,

*Pro*

Gymnasiis Societatis JESU:


*AUTHORE*

*Ejusdem Societatis Sacerdote.*

# OPUSCULUM QUARTUM,




Juxtâ Exemplar Vratisl: & Brunsbergense  
cum auctuario.




*CALISSII,*

Typis S.R.M. Coll: Soc: JESU. A. Domini 1745.



LAUDETUR  
JESUS  
CHRISTUS.





## PRÆFATIO.

**C**Um Geographia alter Historiæ sit oculus, nec parùm lucis afferat Pœsi, quartum hoc Opusculum Geographicum eorum potissimum usui destinandum censuimus, qui in Gymnasiis nostris quartæ Classi sunt adscripti, ac proinde historiæ simul ac Pœticiæ peculiarem dant operam. Equidem haud desunt, hoc præsertim tam eruditò sæculò, Libri, & Institutiones Geographicæ omnibus sanè numeris absolutæ. Verùm ob id ipsum ad tyrõnum captum minùs sunt accommodatæ. In primâ tamen Opusculi hujus parte Quæstiones quasdam Mathematicas de Geographia præmittendas duximus; non ut in iis enodandis accuratiusquæ excutiendis multum laboris ac temporis ponant Discipuli; sed ut radi saltèm rerum istarum notitia imbuti, quæ in altera ejusdem Opusculi parte proponuntur, faciliùs possint comprehendere. Plurima pòrrò hîc prætermittuntur, quæ alii Geographi fusè recensent, nè Pœseos tyrones, pluribus alioquin occupationibus scholasticis distenti, nimia rerum mole obruantur. Unde quod alias semel atquæ iterum præfati sumus, hîc denuo juvat repetere: nimirum Opuscula hæc nostra omnia nîl nisi Rudimenta, ac Progymnasmatata quædam esse, quibus Juventutem nostram Gymnasticam ad decretoria Academicorum certamina præparamus, atquæ instruimus. In Opusculo hoc, prout & in præcedenti tertio Opusculo, illa, quæ fusiùs in gratiam Germanicæ Juventutis sunt proposita, prætermittuntur, sexto Opusculo inferenda. Quorum in locum aliquantò uberior Regni Poloniæ descriptio ponitur Geographica, desumpta ex celebri inter scriptores Poloniæ Authore, Simone Starowonski, sed in compendium redacta. Appendix quoquæ de arte scutaria prætermittitur, cujus vitem subit appendix de Insignibus Episcopatum ac Provinciarum Poloniæ & M. D. L. Item de stemmatibus variorum extraneorum Regnorum & Provinciarum, desumpta ex libello edito Varsaviæ sub titulo: Flos Regnorum, seu compendiosa Poloniæ orbisquæ totius descriptio.



# Rudimenta Geographica.

## P A R S I.

### De Globo.

#### C A P U T I.

De Globo ejusq; partibus generatim.

*1. Quid est Geographia?*

Geographia à Græco: *Ge*, idest *terra*, & *Grapho*, seu *scribo* nomen trabens *descriptio terræ* est.

*2. Ecquod Geographiam inter & Cosmographiam discrimen?*

Cosmographia non terram tantum, sed mundum hunc aspectabilem universum, quidquid nempe cœli terræquè ambitu continetur, describit.

*3. Quid est Sphæra armillaris?*

Instrumentum est Mathematicum ex variis circulis, armillarum instar artificiosè inter se inflexis, coagmentatum, cœlum simul, terramquè referens.

*4. Quid*



4. *Quid est Globus artificialis?*

Est effigies quædam Globi naturalis, seu terrestris, seu sideris.

5. *Quot circuli primarii in Sphæra æquè ac Globo utroque numerantur?*

Decem, sex nempe maximi, sive majores, & quatuor minores.

6. *Quinam majores sex?*

Æquator, Horizon, Meridianus, Zodiacus, Colurus Æquinoctialis, & Colurus Solstitialis; qui duo tamen ad institutum nostrum minùs sunt scitu necessarii. Omnes hi circuli dividunt Globum in duas partes æquales.

7. *Quinam minores quatuor?*

Duo Tropici, & totidem Polares, qui Globum in duas secant partes inæquales.

8. *Quod gradus circulus quivis complectitur?*

Trecentos, & sexaginta.

9. *Quid quadrans est? quid semicirculus, & Hemisphærium?*

Quadrans, quarta circuli pars est. Semicirculus, sive Hemicyclus est circulus dimidiatus; Hemisphærium autem dimidium sphæræ.

10. *Quid est centrum?*

Est punctum in sphæra aut circulo medium à quo omnes lineæ ad peripheriam ductæ sunt æquales.

11. *Quid est Diameter, quid Semidiameter?*

Diameter ex græco: *Dia*, id est per, & *Meteo* seu: *metior*, est recta quæcunque linea per centrum ducta, & in utraqûe circuli superficie terminata, cujus dimidium dicitur Semidiameter.

12. *Quid sunt lineæ, & circuli paralleli?*

Qui æquali undiquè spatio abs se invicem distant.

13. *Quot sunt circuli paralleli in Globo?*

Quamquam plurimi hujusmodi circuli describi possint; ad confusionem tamen vitandam octoni ab Æquatore ad Polum Arcticum, totidemquè ad Antarcticum per denos quosque Meridiani gradus duci solent, ut gradus eò distinctiùs numerari, indequè terræ latitudo dignosci possit.

14. *Cur Globi figura rotunda est?*

Quia terra, quam representat, pariter rotunda est.

15. *Unde verò constat, terram esse rotundam?*

Ex eclipsibus præcipuè lunaribus, ubi terra umbra rotundam projicit in Lunam, id quod fieri haud posset, nisi terra pariter rotunda esset.

16. *Cur montes præalti nil obstant terræ rotunditati?*

Quia hi, cum toto terrarum orbe comparati, sunt instar arenularum, Globo adhærentiū.

17. *Quid sunt Poli, & Axis mundi?*

Cum corpora cœlestia motu continuo, & velocissimo ab Oriente in Occidentem quatuor & viginti horarum spatio circumagantur, necessario meridiem, ac septentrionem versùs, duo debent esse puncta immobilia, in quibus tanquam cardinibus cœli machina circulum volvatur. Hæc puncta sive cardines vocantur Poli à Græco: *Poleo*, idest verto. Linea porrò ab uno Polo ad alterum imaginatione nostra per terræ centrum.

centrum traducta, vocatur *Axis mundi*; sicut enim rota circum axem, ita cœlum circum lineam illam imaginariam vertitur, rotaturquē, terrā semper manente immotā.

18. *Quot sunt Poli?*

Duo, Arcticus à Græco: *Arctos* seu *ursa*, sive Borealis, & Ant arcticus, sive Australis. Ille semper supra, hic semper infra nostrum Horizontem fixus hæret.

## CAPUT II.

### De Æquatore, & Zodiaco.

1. *Quid est Æquator?*

Est circulus maximus, ab utroquē Polo æqualiter, hoc est; gradibûs nonagenis distans, Globumque in duo hemisphæria, Boreale, & Australe dividens. Dicitur quoquē *Æquinoctialis*, quia Sole Æquatorem attingente, dies noctibus sunt æquales. Hunc naturæ lineam appellant.

2. *Quid est Zodiacus.*

Zodiacus à Græco: *Zodion*, seu *animal*, est latus ille circulus in Sphæra, ex obliquo bis interfecans Æquatorem, à quo ex una parte Septentrionē versùs usquē ad Tropicum Cancrī, ex altera versùs meridiem usquē ad Tropicum Capricorni declinat.

3. *Quid est Ecliptica?*

Est circulus per medium Zodiacum ductus, qui etiam *orbita*, seu via Solis dicitur, quia per hunc Sol quotidie uno propè gradu ab Occidente Orientem versùs progreditur, donec du-



odecem Zodiaci signa peragrandò cursum annum trecentis sexaginta quinque diebus, & sex ferme horis absolvat. Ecliptica porrò dicitur à Græco: *Ekleipeo*, seu *deficio*, quia in hac fiunt eclipses Solis, & Lunæ, quoties in eadem sibi vel occurrunt, vel opponuntur.

4. *Quanam duodecem illa signa?*

Sunt Aries, Taurus, Gemini, Cancer, Leo, Virgo, Libraquè, Scorpius, Arcitenens, Caper, Amphora, Pisces.

Priora sex dicuntur Borealia, posteriora Australia. Ex his signa verna sunt: Aries, Taurus, & Gemini. Æstiva: Cancer, Leo, & Virgo. Autumnalia: Libra, Scorpius, & Arcitenens. Hyemalia: Caper, Amphora, & Pisces.

5. *Cur Zodiacus in Globo quoquè terrestri describitur?*

Tametsi & hic, & alii circuli in cœlesti potius Globo mente, & cogitatione nostra describi soleant; tamen terrestri quoquè Globo respondent. Ac Zodiacus quidem hyemis, æstatisquè vicissitudines, dierum ac noctium incrementa, aut decrementa, itèm abi, quo, quantoquè tempore Sol quorundam populorum vertici rectà incumbat, ob oculos ponit, &c.

## CAPUT III. De Meridiano.

1. *Quid est Meridianus?*

Est circulus maximus, qui per utrumquè Polum transiens, Æquatorem ex transverso intersecat,

secat, orbemquè in duo hemisphæria, Orientale nempe, & occidentale æqualiter dividit. Dicitur Meridianus, quòd Sol diurno motu ab ortu in occasum tendens, ut primùm attigerit hunc circulum, omnibus sub eodem Meridiano Boream, vel Austrum versùs positis, meridiem afferat.

2. *Qua ratione, & cur Meridianus mutabilis est?*

Licèt in Globo æneus ille circulus perstet immobilis; tamen si Globus vel tantillum Ortum, aut Occasum versùs moveatur, alius continuò erit Meridianus, ut proinde, quot in Æquatore puncta, tot possint esse Meridiani, quorum omnium vices obit immobilis ille circulus.

3. *Quot Meridiani Globo inscribi solent?*

Sex & triginta per denos quosque Æquatoris gradus ducuntur, quorum unus dicitur *Meridianus primus*: quia ab hoc initium fit numerandi gradus longitudinis, ab Occidente Orientem versùs. Hunc alii per insulas Azores, alii per Hesperides, sive Promontorii viridis, alii per Insulas Canarias, Tenerifam, Palmam, vel Ferri &c. dicunt.

4. *Quid est Circulus horarius in Sphæra, vel Globo?*

Est parvus ille circulus Meridiano infixus, inquè horas bis duodenas distributus cum indice mobili, qui si rite aptetur, monstrat, quanta ubique terrarum sit hora.

❧ ) 10 ( ❧

# CAPUT IV.

## De Horizonte.

### 1. *Quid est Horizon?*

Horizon à Græco: *Orizo*, seu *desinio*, *termino*, est circulus maximus, universam mundi sphaerā itā dividens, ut alterum hemisphaeriū super terram exstet, alterum sub terra condatur. Et hunc in Globo exhibet latus ille circulus ligneus, totum Globum ambiens, cui inscribi solent 32. Venti, ac proinde omnes Plagæ mundi: itē Calendarium Romanum, & 12. signa cælestia, in tricenos singula gradus distributa, ut indè inquiri possit, quoto in gradu cujusq; signi Sol qualibet die assignata consistat.

### 2. *Quod præcipuum Horizontis officium?*

Ortum, & Occasum Solis, ac proinde dierum, & noctium quantitatem, & varietatem ostendit.

### 3. *Quid nominis est Zenith, & Nadir?*

Zenith nomen Arabicum, Latinis est cœli punctum, cujusquæ vertici rectā incumbens. Nadir contrā est punctum è diametro oppositum, Antipodum cervicibus imminens. Illud vocari quoquæ solet *punctum verticale*, hoc *punctum pedale*.

### 4. *Cur Horizon circulis est mutabilis?*

Sicut Meridianus æneus omnium Meridianorum, itā Horizon ligneus in Globo vicem supplet omnium Horizontium, qui ad minimā loci mutationem pariter mutantur, non quidem physicè, & ad oculum, sed mathematicè,

&



secundum rationem. Unde duplex est Horizon, sensibilis sive apparens, & intelligibilis sive verus. Prior est omnis ille terræ, cœliquæ tractus, qui in patenti campo undiquæ in oculos incurrit, ita ut cœlum terræ circumcirca adhærere videatur. Posterior est circulus ille maximus, qui imaginatione nostra per centrum terræ transiens totam mundi sphaeram in duo hemisphæria superius, & inferius dividit.

## C A P U T V.

### De Tropicis.

#### 1. Quid sunt Tropici?

Sunt circuli minores, ab Æquatore tres & viginti gradus cum 30. minutis distantes, ultra quos Sol nunquam progreditur; sed ut primum illuc pervenerit, mox cursum sistens retrorsum se convertit; quamobrem Tropici, à Græco verbo *Trepo*, seu: *verto* vocantur.

#### 2. Quid sunt Tropici?

Duo: Tropicus nempe Cancræ sive æstivus, & Tropicus Capricorni sive hybernus.

#### 3. Quis cursus Solis annuus?

Ineunte vere, annoquæ Astronomico, trium mensium spatio ab Æquatore Septentrionem versus Sol progreditur ad Tropicum Cancræ, ab hoc totidem mensibus regreditur ad Æquatorem. indequæ tertio trimestri Austrum versus ad Tropicum Capricorni, à quo quarto trimestri revertitur ad Æquatorem & principium Arietis.

## CAPUT VI.

### De circulis Polaribus.

#### 1. *Quid sunt Circuli Polares?*

Sunt duo: circuli minores, tribus & viginti gradibus, & 30. minutis à suo quisquè Polo distantes, quorum alter, qui Polum Arcticum ambit, arcticus sive Borealis, alter verò quia Polo Arctico opponitur, Antarcticus sive Australis appellatur.

2. *Nam hi, atque circuli à nobis descripti re ipsa in cælo terrave inveniuntur?*

Minimè, sed sola ratione, & imaginatione eos concipimus.

#### 3. *Quem in finem iidem fuere excogitati?*

Ut eorum adminiculò Globi partitionem faciliùs animò concipere possimus, & comprehendere.

## CAPUT VII.

### De quatuor mundi Cardinibus, sive plagis.

#### 1. *Quanam quatuor plagæ, seu cardines mundi?*

Oriens, Occidens, Septentrio, & Meridies, quas omnes Æquator, & Meridianus in Horizonte designat, Oriens quoquè dextra, & Occidens læva mundi plagæ à Geographis appellatur.

#### 2. *Quæ plagæ intermedia?*

Hæ quaternis illis plagis cardinalibus interjacent, suntquè univèrsum duodetriginta, è quibus

quibus itidem quatuor præcipuè attendi debent: Oriens nempe & Occidens æstivus, ubi Sol in Solstitio æstivo oritur, & occidit. Oriens itèm & Occidens hyemalis, ubi Sol in Solstitio hyemali oritur, & occidit. Omnibus his plagis respondent venti, quorum quatuor Cardinales & 28. intermedii, universim 32. numerantur.

## C A P U T VIII.

### De longitudine, & latitudine locorū.

#### 1. *Quid est latitudo loci?*

Est distantia loci ab Æquatore versùs Polum Arcticum, vel Antarcticum. Illa Borealis, hæc Australis est latitudo.

#### 2. *Quid est longitudo loci?*

Est distantia cujusquè loci à primo Meridiano ortum versùs usquè ad Meridianum loci.

#### 3. *Unde initium ducitur numerandi gradus latitudinis, & longitudinis?*

1. Gradus Latitudinis numeramus in Meridiano, incipiendo ab Æquatore Polum versùs.

2. Gradus Longitudinis numeramus in Æquatore, incipiendo à primo Meridiano, & ab Occidente orientem versùs progrediendo.

#### 4. *Undenam appellatio Latitudinis, & Longitudinis?*

Licèt Globus per se nec Latitudinem habeat, nec Longitudinem, quia tamen spatium terræ nobis cognitæ occasum inter & ortum à Lusitania per Europam, & Asiam ultra Sinas proten-



prorensum longius est, quàm alterum ab ultimis Sueciæ finibus usquè ad extremam Africæ oram meridiem versùs porrectum, ideo illud *Longitudinem*, hoc verò *Latitudinem* appellabant veteres.

5. *Quid est elevatio, sive altitudo Poli?*

Est Poli ab Horizonte distantia, quæ semper latitudini loci æqualis est; nam quot gradibus vertex loci ab Æquatore, totidem Polus ab Horizonte distat.

6. *Quæ Poli altitudo sub Æquatore habitantibus? Et quid est sphaera recta?*

Illis nulla esse potest Poli altitudo, cùm uterquè Polus Horizonti incumbat, ac proinde neuter attollatur. Atque hic situs Globi sphaera recta appellatur, quando nempe uterquè Polus Horizonti, & Æquator vertici incumbit.

7. *Quàm Poli altitudinem haberent, siquid sub Polis ipsis habitarent? Et quid est*

*Sphaera parallela?*

His summa esset altitudo Poli, utpote qui rectà vertici immineret; Æquator autem, & horizon ibi concurrerent, essentquè paralleli, ac proinde & Sphaera parallela.

8. *Quam demum Poli altitudinem habent, qui nequè sub Polo, nequè sub Æquatore, sed utriquè obliquè interjacent? Et quid est Sphaera obliqua?*

His alia atquè alia est Poli altitudo, prout nempe à Polo minùs, magisque sunt remoti. Quò propinquior autem regio quædam Polo est, eò major ibi est altitudo Poli. Omnis porro hic Globi situs Sphaera obliqua dicitur.

) 15 (

C A P U T IX.

De Zonis.

1. *Quid sunt Zona?*

Sunt spatia quædam, seu circuli lati Æquatori paralleli, inter 2. Tropicos, & Polares circulos comprehensi, quibûs veluti cingulis, & fasciis totus Globus terrestris circumdatur, & cingitur.

2. *Quot sunt Zona?*

Quinquè à Geographis numerantur. Duæ frigidaë, Septentrionalis, & Australis. Duæ temperatæ, itidem Septentrionalis, & Australis, & una torrida.

3. *Quæ sunt Zona frigida?*

Quæ inter circulos Polares, & Polos ipsos locatæ, ob Solis diuturnam absentiam, & remotionem nimiam immodico frigore vexantur.

4. *Quæ sunt Zona temperata?*

Quæ Tropicos inter ac Polares circulos quasi in medio frigus inter & calorem positæ sunt, unde & temperatæ dicuntur.

5. *Quid est Zona torrida?*

Est spatium inter duos Tropicos comprehensum, & ab Æquatore bifariam divisum, cujus pars, quæ ad Septentrionem vergit, Torrida Borealis, quæ ad plagam Meridionalem, australis dicitur.

6. *Cur vocatur torrida?*

Quòd continuo Solis, nunquam in spatium egredientis, ardore quasi torreri, atquè idcirco à nemine inhabitari posse olim putabatur.

Verùm

Verum passim à mortalibus incollitur, longioris temperie noctis, crebrisquè imbribus nimium calorem mitigantibus.

## C A P U T X.

### De diversis anni temporibus in diversis Zonis.

1. *Quæ anni tempora Zone torridæ incolis accidunt?*

Qui sub ipso Æquatore habitant, duas quotannis habent æstates, quia Sol bis eorum vertici incumbit, & duas quasi hyemes; quando nempe Sol versùs Tropicos recedit.

2. *Quenam anni mutationes in Zonis frigidis?*

Hic ob nimiam Solis remotionem perpetua ferè hyems est, frigusquè ingens.

3. *Quæ anni, temporumquè vicissitudines accidunt Zone temperata incolis?*

His quatuor sunt anni tempora: Hyems nempe, Ver, Æstas, & Autumnus.

4. *In qua Zona continetur Germania?*

In Zona temperata Septentrionali.

5. *Quando Germanicis in regionibus initium est Hyemis, Veris, Æstatis, & Autumnus?*

Hyems initium sumit 22. Decembris, quando Sol Tropicum, & signum Capricorni attingit. Ver autem 21. Martii, quando Sol Æquatorem, & punctum Arietis ingreditur. Æstas verò 22. Junii, quando Tropicum & signum Cancræ: Autumnus demum 23. Septembris, quando Sol ad Æquatorem reversus, signum Libræ subit.



) 17 (

# CAPUT XI.

## De Climatis.

### 1. Quid est Clima?

Clima à Græcò *Clino*, seu *inclino*, minor Zona, si-  
ve terræ spatiū est duob9 parallelis comprehen-  
sum, in quo dies longissimus dimidia semper  
horâ crescit. Hæc porrò climata ab Æquatore  
ad circulos Polares gradatim descendunt, ita ut  
inter parallelum extremum unius, & extre-  
mum alterius climatis dies longissima differat  
semihorâ. Quò propiùs tamen hæc climata ad  
circulos Polares accedunt, eò sunt contractio-  
ra. Nam clima primum & Æquatori proxi-  
mum gradus 8. & 25. minuta, in Meridiano  
numeranda; sequentia gradus semper paucio-  
res; postrema verò non nisi minuta aliquot, e-  
aquè identidem pauciora latitudine sua con-  
tinent.

### 2. Quot sunt climata?

Quatuor & viginti Septentrionalia, & toti-  
dem Australia. Cum enim ab Æquatore, ubi  
dies perpetuò est 12. horarum, usquè ad cir-  
culum Polarem, ubi dies longissimus est 24.  
horarum, dies crescat horis duodecim sive 24.  
semihoris, totidem hodierni Geographi nume-  
rant climata. A circulo verò Polari ad ipsum  
usque Polum sex alia climata statui possunt, in  
quibus differentia non est semihorarum, sed  
mensium, ut nempe in finè primi climatis dies  
longissimus sit unius mensis, duorum in secun-  
di, trium in tertii, quatuor in quarti, quinque  
Opusc. 5. in

in quinti, & in fine sexti, sive ad Polum ipsum sex mensium.

3. *Unāenam sciri potest, quanto sub climate  
quilibet locus situs sit?*

Supputandæ erunt semihoræ, quibus dies longissimus superat diem Æquinoctialem, sive 12. horarum: si enim hunc superat semihoris actonis, uti in plerisque Germaniæ nostræ locis, hæc sub octavo sunt climate; si septenis, aut novenis, sub 7. aut 9no erunt climate.

## C A P U T XII.

**De diversis effectibus cursûs Solaris.**

1. *Unde dies, & nox oritur?*

A Solis vel præsentia, vel absentia. Quamdiu enim Sol supra Horizontem nostrum moratur, dies est; nox verò, quàm diu infra eundem delitescit.

2. *Quantum diei, noctisque spatium sub  
ipsis Polis?*

Dies ibi sex mensium est, hocquè elapso nox semestris ingruit.

3. *Undenam tam longa dies?*

Inde, quòd Sol sex mensibus supra Horizontem, qui cum Æquatore ibi parallelus est, commoretur, perpetuoquè in orbem circumiens, sex signa percurrat, donec infra Horizontem sex mensibus latens, noctem semestrem efficiat, uti in Sphæra parallela ad oculum patet.

4. *Quæ dierum noctiumquè diversitas in Zonis  
frigidis?*

Pro varietate climatum dies ibi longissimus est  
vel 5.

vel 5. vel 4. vel 3. vel 2. vel unius mensis, ut  
suprà dictum est: idemquè est de noctibus, quæ  
quò longiores sunt, eò dies sunt breviores.

5. *Quàm longa dies, & nox sub Æquato-  
re habitantibus?*

His anno toto dies noctibus sunt æquales,  
sive 12. horarum, uti in Sphæra recta videre li-  
cet.

6. *Quantum diei noctisque spatium sub Zonis  
temperatis?*

Varium pro varietate climatum. Sic sub cli-  
mate vicesimo quarto & ultimo ultra Sueci-  
am dies longissimus est 24. horarum; apud nos  
verò sub climate octavo dies longissimus est 16.  
horarum.

7. *Cur dies versus circulos Polares magis sem-  
per, magisque crescunt?*

Ob majorem Poli, atque adeò Tropici alti-  
tudinem, quem ubi Sol attigerit, longissimum  
efficit diem.

8. *Quid est aurora? quid Crepusculum?*

Aurora est prima diei lux ad Orientem an-  
te Solis adventum conspicua, quando Sol de-  
cem & octo gradibus ab Horizonte distat; eo-  
què magis augefcit, quò Sol Horizonti fit pro-  
pinquior. Crepusculum verò est lux illa, quæ  
post Solis occasum conspicua sensim minuitur,  
donec tandem Sole infra Horizontem decem  
& octo gradibus depresso, penitus evanescat.

9. *Quinam Ascii, Periscii, Heteroscii, &  
Amphiscii?*

Ità distingui solent terræ incolæ pro diversita-

re umbræ, Græcè: *Skta*, quam tempore meridiano projiciunt. Ascii Græcè: *Askioi*, sive umbrâ carentes sunt, qui nullam habent umbram meridianam. Tales sunt omnes Zonæ torridæ incolæ, quoties Sol verticem eorum transit. Periscii Græcè: *Periskioi* sunt, quorum umbra in orbem spargitur. Tales forent, qui directè sub Polis habitarent, & Sphæram haberent parallelam. Heteroscii Græcè: *Eteroskioi*, sunt, qui umbram meridianam semper projiciunt vel versùs Boream, vel versùs Austrum. Tales sunt, qui degunt in Zonis temperatis, vel frigidis extra Polos: nam qui Boreales incolunt Zonas, semper projiciunt umbram versùs Septentrionem; qui verò Australes, versùs meridiem. Amphiscii Græcè: *Amphiskioi* sunt, quorum umbræ meridianæ modò sunt Boreales, modò Australes, prout nempe Sol nunc signa Borealia, nunc Australia percurrit. Tales sunt omnes, qui intrà Zonam torridam, & non sub ipsis Tropicis habitant.

10. Quinam Periaci, Antæci, & Antipodes?

Periæci Græcè *Perioikoi*, à Græco: *Peri*, seu circa & Græco: *Oikeo*, seu habito, sic dicti sunt, qui sub eodem Meridiano, & Parellelo habitant; ità tamen ut in Parallelo unus distet ab altero 180. gradibus, & in Meridiano inter utrumque medius sit idem Polus. His idem clima, eadem Poli altitudo, eadem anni tempora. At quando uni meridies, alteri medianox est.

Antæci Græcè: *Antoikoi*, quasi contrà habitantes sunt, qui sub eodem quidem Meridiano,

sed



sub diversis Parallelis æqualiter ab Æquatore versùs utrumquè polum distantibus habitant. His simul medius dies, & media nox est; at cū dies crescunt Borealibus, Australibus decrescunt, & cū ver illis, his autumnus, cumquè illis æstas, his hyems est, &c.

Antipodes Græcè: itidem *Antipodes*, à Græco: *Anti*, seu *contra*, & Græco: *Pos*, latino *pes*, *Antichthonēs*, à Græco: *Chthon*, seu *terra*, sunt, qui pedes nobis directè obvertunt, atque in eodem quidem meridiano, sed in diverso sunt hemisphærio. Hi nobiscum eundem habent Horizontem, sed diversam ejus faciem, & æqualem Poli altitudinem; sed Australem illi, nos Borealam. Cū Sol illis oritur, nobis occidit, cū illis meridies, nobis media nox est; cū illis dies, aut nox longissima nobis brevissima; cū æstas illis, nobis hyems ingruit, &c.

## CAPUT XIII.

### De usu Globi.

I. Quo pacto rite collocandus Globus?

1. Globum colloca in mensa, aut tabula plana, ità ut ejus Horizon sit mundi Horizonti parallelus. 2. Polum pro loci tui, ubi versaris, latitudine attolle ab Horizonte. 3. Ità Globum converte, ut meridianus respondeat lineæ meridianæ, quam monstrat pyxis nautica, in basi Horizontis locata; Polusquè Arcticus respiciat Septentrionem, Antarcticus Meridiem.

B 3

Si

Si defit acus magnetica correcta, aut alia linea meridiana in plano ducta, servire utcunque poterit structura templorum antiquorum, in quibus ara summa constructa est ad Orientem.

2. *Qua ratione altitudo Poli sive latitudo cujusbet loci inveniri potest in Globo?*

Verte Globum, donec locus, cujus latitudinem inquiris, subjaceat Meridiano æneo, in quò si numeraveris gradus ab Æquatore usque ad locum datum, habebis latitudinem quæsitam, simulque Poli altitudinem, quæ semper latitudini æqualis est. Unde inventa loci latitudine, attolle totidem gradibus Polum ab Horizonte, locumque subde Meridiano, & in hoc à Polo Horizontem versùs numera gradus, & habebis altitudinem Poli.

3. *Quomodo invenienda longitudo loci?*

Locum, cujus longitudinem scire cupis, applica Meridiano æneo Globi: indè in Æquatore numera gradus usque ad primum Meridianum versùs Occasum (vel si à primo Meridiano numerandi initium fit, Ortum versùs) & habebis longitudinem quæsitam.

4. *Quo pacto inveniendus loci Horizon, & Meridianus?*

Attolle Polum, prout locus datus exigit; tum locum hunc subjice Meridiano, ut Globi verticem occupet, & habebis Horizontem simul, ac Meridianum.

5. *Qua ratione possum cognoscere, quòta ubivis terrarum quovis tempore sit hora?*

Locum, quem incolis, colloca sub Meridiano æneo,

æneo, & indicem horarum applica horæ datæ in tuo loco. Indè si scire cupis horam in plagis orientalibus, volve Globum ab Oriente versùs Occidentem; versùs Orientem verò, si horam quæris in plagis occîdentalibus, donec locus, cujus horam indagas, subjaceat Meridiano æneo. Tunc enim index horarius monstrabit horam quæsitam.



## P A R S II.

### De mappis, seu chartis Geographicis.

#### C A P U T I.

#### De Planisphærio terrestri.

##### 1. *Quid est Planisphærium terrestre?*

Est mappa sive charta Geographica universalis, quæ totum terrarum orbem in plano depictum exhibet.

##### 2. *Ecquodnam discrimen Globum inter & Planisphærium?*

Ille terrarum orbem in Globo, vel Sphæra; istud eundem orbem in duo hemisphæria divisum, in plano sive charta ità exhibet, quasi Globus in Geminas æqualiter dissectus sit partes, ambæquè juxtim jaceant.

3. *Quid sibi volunt diversa lineæ in Planisphærio descriptæ?*

Hæ vices subeunt circulorum in Globo descriptorum, uti sunt Æquator, ejusquæ Paralleli, sive Æquatores secundarii 16. per denos quosque Meridiani gradus ducti: Meridianus primus, & secundarii 34. Duo itè Tropici, & totidem Polares. Æquator ab occasu in Ortum per utramquæ hemisphærium rectæ, sed crassioris instar lineæ extenditur, & in 360. gradus, quorum 180. in uno, totidemque in altero sunt hemisphærio, dividitur, initio factò à primo Meridiano. Meridianus hic ambit utrumquæ hemisphærium, ità ut duo appareant Meridiani, qui tamen ità sunt considerandi, tanquam in unum coaluissent. Meridiani secundarii sunt lineæ incurvæ intra Meridiani primarii ambitum per denos quosquæ Æquatoris gradus ductæ versùs utrumquæ Polum, ubi lineæ hæ omnes concurrunt; si tabulæ sint rotundæ; non itè si quadratæ. In Planisphærio porro Parallelos arctius in medio conjungi, disjungi verò in extremitate necesse est, id quod in Globo minime accidit.

## C A P U T II.

### De mappis Geographicis generatim.

1. *Quid est Chorographia? Quid Topographia?*  
 Chorographia est Regionis (Græcè *Chōra*,) descriptio; Topographia verò est peculiaris cujusdam loci (Græcè *Tēpos*,) v. g. urbis cum circumjacente tractu descriptio.

2. *Quit*



2. *Quid est mappa, seu charta Geographica?*

Est accurata sitûs terræ, vel ejus partium in plano, & charta adumbratio.

3. *Quotuplicis generis sunt mappæ?*

Duplicis: aliæ enim sunt universales, quæ orbem terrarum universum, depictum exhibent; aliæ particulares, & hæc vel *maiores*, in quibus maiores orbis partes, ut Europa, Asia, Africa, America depinguntur, vel *minores*, in quibus vel regnū quoddam, aut provincia, vel regionis duntaxat pars, tractûsve aliquis delineatur.

4. *Quid in mappis universalibus præcipuè attendendum?*

In harum, imò & quarumcunque mapparum aspectu facies ad Polum Arcticum, sive Septentrionem, qui in superiore parte mappæ inscribitur, convertenda est; sic enim ad dexteram erit ortus, ad sinistram verò Occasus. Indè quoque patebit, quæ regiones cum præsentē hac comparatæ, sint orientales, quæ occidentales, Boreales, & Australes. Considerandum itēm, quæ regiones cis aut ultra Æquatorem, quæ ad dextram primi Meridiani, quæve ad sinistram. Dein qua sub Zona aut climate sit quælibet regio, quæ ejusdem latitudo, & longitudo Geographica, vel etiam Physica, hoc est, quot contineat milliaria in longitudine, latitudine & circuitu; quæ loci hujus ab altero distantia, &c.

5. *Qua ratione in mappis inveniendæ longitudo, & latitudo loci?*

Longitudinem indicant lineæ transversæ,  
B 5. Æqua-

Æquatori, aut ejusdem Parallelis respondentes, quæ ad supernam, infernamque mappæ oram ab ortu in occasum ductæ *Scale longitudinis*, quòd in iis numerantur gradus *longitudinis*, vocari solent. Quæ verò lineæ in dextra sinistraquæ mappæ margine à septentrione in Meridiem ducuntur, ac Meridiano respondent, appellantur *Scala latitudinis*, sive quod idem est, *elevationis Poli*.

6. *Cur mappis plerisquæ pyxis nautica, vulgò compassus appingi solet?*

Ut lingulæ, quæ lilii formam refert, semperquæ Septentrionem respicit, beneficio, mappa ad quatuor mundi plagas aptari possit. Quamquam plerumquæ pars mappæ superior Septentrionem, inferior Meridiem, sinistra occasum, dextima Ortum teneat.

7. *Quo pacto regiones, earumquæ limites, urbes item & pagi, &c. discerni possunt?*

Limites punctis indicantur; regiones verò ipsæ diversis discriminantur coloribus. Urbes turribus, nec rarò castella, oppida, arces, monasteria, pagi, &c. certis quibusdam notis discernuntur.

8. *Qua ratione locorum distantia indagari potest?*

Per scalam milliarium, mappis plerisquæ apponi solitam.

### C A P U T III.

De variis dimensionibus Geographicis.

1. *Quid est Gradus?*

Est trecentesima sexagesima circuli pars.

2. Quot milliaria Germanica continent Gradus?

Quindecim: quod tamen de gradibus in circulis maximis intelligendum; nam in minoribus, quales sunt Paralleli, Tropici, &c. Gradus quilibet eò pauciora continent milliaria, quò propiùs circuli illi ad Polum accedunt.

3. Quot milliaria Germanica trecenti, & sexaginta illi gradus conficiunt?

Quinques mille, & quadraginta; tot enim milliaria totus terrarum orbis complectitur.

4. Quid milliare Germanicum? quid Gallicum? quid Italicum?

Germanicum duarum est horarum, sesquihoræ Gallicum, Italicum ferè semihoræ. Advertendum tamen, nullam ferè gentem æquis ubiquè uti intervallorum dimensionibus; nam sicut Germanis pro regionum diversitate milliaria alia sunt majora, alia minora, alia communia, quorum quindecim unum constituunt gradum in circulis Globi majoribus, ità Hispanis quoquè & Gallis *leuca*, & milliaria aliis gentibus sunt inæqualia.

5. Quid, & quotuplex est Minutum?

Minuta alia sunt horaria, alia Geographica. Minutum Geographicum est sexagesima pars gradus, constans dimidiâ horâ sive quarta parte milliariis Germanici. Minutum horarium est sexagesima pars horæ, quod Minutum dividitur in minuta secunda, & secundum in tertia.

6. Quomodo scala milliarium applicanda?

Unus circini pes. uni, alter alteri loco, cujus distantia quæritur, infigatur. Indè circuli scala

læ milliarium admoto, mox patebit, quot miliaribus locus unus ab altero sit sejunctus.

7. *Quæ sunt minores mensuræ, ex quibus tantquam partibus milliare constat?*

1. Granum hordei secundum latitudinem dispositum. 2. Digitus. 3. Palmus, qui duplex est, *major* sive *Spithamæ* duodecem digitorum, & *minor* quatuor digitorum. 4. Pes. 5. Passus, qui itidem duplex est, *major* sive *compositus*, qui & *Geometricus* dicitur, quinque pedum, & *minor* sive *simplex*, duorum pedum cum dimidio. 6. Stadium. 7. Milliære Geometricum sive Italicum, mille passuum. 8. Leuca bis mille passuum, sive duplex milliære Italicum. Geometrarum memoriæ causâ mensuras omnes hisce versiculis sunt complexi.

Quatuor è *Granis* *Dignitus* componitur unus. Est quater in *Palmo* *Digitus*, quater in *Pede* *palmus*.

Quinque *Pedes* *Passum* faciunt; *Passus* quatuor què *centum*.

Viginti quinque *Stadium* dant; sed *Milliare*.

Octo dabunt *Stadia*, & duplicatum dat tibi *Leucam*.

## C A P U T IV.

### De variis vocabulis Geographicis.

1. *Quid est Oceanus?*

Est universa aquarum moles, terris passim infusa, orbemque universum immenso propè ambitu circumplectens, qui in varia maria, & sinus distribuitur.

2. *Quid*



2. *Quid est Sinus?*

Est maris pars, in terræ continentis gremio longius se insinuans, quæ si latior sit, ampliorisque accessus, nec in terram longius procurrens, *Baya* vulgò dicitur.

3. *Quid est Fretum?*

Est mare inter duas terras angusto tractu decurrens, & duo maria conjungens.

4. *Quid est Euripus, seu vortex maris?*

Est vorago, seu gurgis maris, ubi aqua cochleæ instar in se contorta, proxima quæque magno impetu absorbet. Ex Euripis nominatissimus est Chalcidicus, Eubæam inter & Achajam, qui septies quotidie absorbere, & revomere undas dicitur. Item maximus ille vortex seu Euripus ad Norwegiam, uti & Charibdis in freto Siculo, &c.

5. *Quid est Bosphorus?*

Bosphorus, sive Bosporus à Græco *Bous Boos*, seu *bovis*, Græcè *Poros trajet*us, quasi bovis tractus, duplex celebratur: unus Thracius, qui est fretum angustum inter Byzantium in Europa, & Chalcedonem in Asia, quatuor stadiis patens, unde utrinque cantus gallorum, latratu canum, clamoresque hominum exaudiri possunt. Alter Bosphorus Cimmerius appellatur, estque fretum angustum inter Tauricam Chersonesum in Europa, & Sarmatiam in Asia,

6. *Quid est Æstuarium?*

Est quasi sinus quidam aquis marinis repletus ex inundationibus exæstantis pelagi.

7. *Quid*

7. *Quid sunt Brevia, & Syrtes?*

Brevia sunt loca maris vadosa, & sabulosa, ubi congestis arenarum cumulis quasi aggere quodam naves cinguntur, mergunturquè. Syrtes speciatim appellantur duo loca periculosissima in mari Africano, à Græco *Suro* seu *traho*, quoniam arenam copiosam saxaque ingentia trahunt, & huc, illucquè transferunt, & accumulunt, sic appellatæ. Plures itèm alii scopuli in mari latentes, quibus allisæ naves pereunt, Syrtes vocari solent.

8. *Quid est Portus?*

Est locus ad sinuosum maris littus à natura vel arte ità aptatus, ut indè solvi, appelliquè navigia, atquè à piratarum, & hostium insidiis, cœli itèm marisque injuriis secura esse possint. Locus porrò, ubi naves anchoris tenentur, ac vel onerantur, vel exonerantur, *Rheede*, vel *Rhayde* vulgò dicitur.

9. *Quid est Continens, quid Insula, Péninsula, Isthmus, Promontorium, Alpes, & Pyla?*

1. Continens est terra longo tractu alteri terræ ità-cohærens, ut nullo mari sejungatur.
2. Insula contrà, terra est aquis undiquè cincta.
3. Péninsula, Græcè Chersonesus, terra est, quæ aquis ità circumdatur, ut tamen aliqua sui parte continenti adhæreat.
4. Isthmus est perangustus terræ limes inter duo maria, Péninsulam cum continente, vel cum alia Péninsula connectens.
5. Promontorium est mons in mare longius procurrens.
6. Alpes non tantùm sunt montes

montes illi præalti, qui Italiam à Gallia Germania-  
 que separant; sed ii quoque omnes, qui tractu  
 continuo per totam propemodum Europam  
 brachia quasi exporrigunt, variaquè à variis  
 regionibus trahunt nomina. 7. Pylæ à Græco  
*Poly* seu *porta* sunt angustæ montium fauces si-  
 ve aditus.

10. *Quid est littus? quid ripa?*

Littus sive ora est terra mari adjacens, quæ  
 fluctibus alluitur; Ripa verò est terræ extremæ  
 ora, quæ utrinquè flumine alluitur. Littus  
 propriè de mari dicitur, sicut Ripa de flumi-  
 nibus. Longior porrò littoris tractus, sive ora  
 littoralis, appellatur vulgò.

11. *Quid est fons, torrens, fluvius, lacus,  
 stagnum, & palus?*

1. Fons est aqua scaturiens, ac velut sali-  
 endo, aut ebulliendo è tellure prorumpens.  
 2. Torrens est aqua magno fluens impetu è  
 copiosis aut diuturnis imbribus vel soluta ni-  
 ve nascens, & nonnunquam propè deficiens.  
 3. Fluvius est aqua jugiter decurrens fluens-  
 què, è pluribus rivis, ac torrentibus collecta.  
 4. Lacus est aqua quiescens ex pluribus, aut  
 etiam rivo vel fluvio interfluente, perennibus  
 lymphis abundans. 5. Stagnum est minor lacus.  
 6. Palus est aqua quiescens, cœnosa, putrida-  
 què ex pluviis ut plurimum, nivibusquè, aut  
 tenuioribus fontibus, & rivulis collecta, ac sub-  
 inde, sicca præsertim æstate, evanescens.

12. *Quid sunt Ostia?*

Sunt fluviorum exitus, per quos in mare, vel  
 alium etiam fluvium exonerantur. CA.

32 ( )  
C A P U T V.

De Globi terraquei divisione.

1. *Quasnam in partes orbis terrarum dividitur?*

In terram, & aquam. Terra rursus dividitur in duas prægrandes insulas, quarum quæ in planisphærio dextrum occupat hemisphærium, vetus orbis, quæ sinistrum, novus orbis appellatur.

2. *Quas in partes orbem veterem divisere antiquiores Geographi?*

In tres, Europam nempe, Asiam, & Africam. Quanquam ex his ipsis & regiones, & insulæ, & maria complura id temporis incognita prorsus erant, quæ posterorum solers detexit industria. Sed & hac nostra ætate novi æquæ ac veteris orbis regiones non paucæ, præsertim, quæ utrique Polo circumjacent, nobis adhuc sunt ignota.

3. *Quod novo orbi nomen?*

Hic à Christophoro Columbo Genuensi 1492. primùm detectus, ac postea Americo Vesputio Florentino, qui magna ex parte eundem illustravit, America est appellatus.

4. *Quem situm quatuor hæ orbis partes obtinent?*

Europa Septentrionem, Asia Orientem, Africa Meridiem, America Occidentem spectat.

C A P U T VI.

Divisio aquarum.

1. *Quas in partes dividitur Oceanus?*

Hic à quatuor orbis plagis, dein etiam à variis, quas alluit, regionibus varia trahit nomina.



2. *Quid est Oceanus Septentrionalis, sive Glacialis?*  
 Qui ad Septentrionem recedens vehementi frigore congelascit.

3. *Quid est Oceanus Orientalis, Eous, sive Indicus?*

Qui Orientem versùs ultra Asiam, & Chinam porrigitur.

4. *Quid est Oceanus Australis, sive Æthiopicus?*

Qui Æthiopiam partemq; Africae Australem alluit.

5. *Quid est Oceanus Occidentalis, sive Atlanticus?*

Qui ultra Hispaniam, & Lusitaniam Occidentem versùs procurrit, nomenquè trahit ab Atlante monte maximo, qui ab ea Oceani parte per totam Africam se extendit.

6. *Quid est Mare Pacificum, vulgò Mar del Zur?*

Quod Asiam inter & Americam, & terram Australem incognitam, sive Magellanicam interfusum, ab Hispanis *Mar del Zur*, id est: Mare Australe, & *Pacificum* à fluctuum placiditate nominatur.

7. *Quid est Mare Septentrionale, vulgò Mar del Nord?*

Quod Americam inter, Europam & Asiam, ad Æquatorem usquè protenditur.

8. *Quid est Mare Gallicum, Germanicum, Hybernium, Indicum, &c.*

Diversæ sunt Oceani partes, quæ à regionibus, quas alluunt, sic appellantur.

9. *Quid est Mare Mediterraneum?*

Pars est Oceani Atlantici, qui à Solis occasu

su per fretum Gaditanum irrumpens inter Europam, Africam, & Asiam medius quasi diffunditur; unde Mare *Mediterraneum*, & *Inter-num* dicitur.

10. *Ubinam Mare Nigrum, sive Pontus Euxinus?*

In Turcia Europæa Asiam versùs, in quòd Danubius se evolvit. Dicitur *Nigrum* ob perpetuas ferè nebulas Mari huic incumbentes.

11. *Ubinam Mare Album?*

Septentrionem versùs ad extrema Moscoviæ littora; quo nomine Barbari etiam Mare *Ægæum* appellant ad distinctionem Maris Nigri, sive Ponti Euxini.

12. *Ubi Mare Rubrum, sive Erythraum?*

Ægyptum inter & Arabiam, sinus idcirco *Arabicus*, & *Tbalassu Erythra* sive *Erythrea*, *Mare Rubrum* dictum, vel ob rubras arenas; vel à Rege Erythra, in insula Ogyri ibidem sepulto; vel potius ob rubram plantam, quam Æthiopes *Zuph* vocant, in Mari hoc copiosissimè germinantem.

13. *Quid est Archipelagus?*

Est mare plurimis insulis interceptum, quale est 1. *Ægæum*. 2. *Mexicanum* ad insulas *Antillas*. 3. *Archipelagus S. Lazari* ad insulas *Marianas*. 4. Ad insulas *Maldivas*, quarum incredibilis numerus in Mari Indico.

14. *Quid est Propontis, sive Mar di Marmora?*

Est Mare illud, quod ab Hellesponti angustiis, sive freto *Dardanellorum* ad Thracium usquè Bosphorum protenditur. Dicitur *Propontis*, à Græco *Pro*, ante & *Pontes* mare, quasi vesti-

vestibulum Ponti Euxini. Hodie *Mar di Marmora* ab adjacente insula, & urbe Marmora appellatur.

15. *Ubinam Mare Caspium, sive Mar de Sala?*

Mare Caspium, sive Hyrcanum (hodie *Mar de Sala*, & *Mar de Bachu*, itè *Mare Clausum*) Persiam inter, Tartariam magnam, Moscoviã, & Georgiam (vulgò *Gurgistan*) concluditur, nequè alteri Mari, nisi fortè per occultos meatus, miscetur. Unde Ptolomæus maluit lacum appellare, cùm pedibus circuii possit. In hoc Mare Oxus fluvijs, & Volga ingenti aquarum mole sese evolvunt.

16. *Ubi Mare Balticum, Sinus Finnicus, Bothnicus, & Livonicus?*

Mare Balticum (olim *Sinus Codanus*, vulgò *de Ost-See*, sive mare Orientale) Daniam, Sueciam, Livoniam, Prussiam, Pomeraniam, & Poloniam interjacet, atquè in tres iterum Sinus se diffundit, Bothnicum nempe, Finnicum, & Livonicum. Verùm hæc omnia clarius ob oculos ponent mappæ Geographicæ, de quibus modò agendum.

## C A P U T VII.

### Mappa Geographica Europæ.

1. *Quanam sub Zona sita est Europa?*

Partem potissimam sub Zona temperata Septentrionali.

2. *Qui Europæ termini.*

Hanc ad Orientem Obius fluvijs ab Asia; ad Meridiem Mare Mediterraneum ab Africa  
C dister-

determinat. Ad Occidentem Oceanus Atlāticus, ad Septentrionem Mare Glaciale interjacet.

3. *Quæ Europa in mappa Geographica species?*

Virginis sedentis, cujus diadema Lusitania, caput Hispania, monile montes Pyrenæi, collum & pectus Gallia, brachium sinistrum Britannia magna, & Hibernia, dexterum Italia Sub leva axilla Belgium, sub dextra Helvetici fœderis sunt Provinciæ. Reliquum corpus est Germania, Polonia, Hungaria; genua Dania, Suecia, Norvegia, toga Moscovia; syma Turcia Europæa, & Græcia.

4. *Qui præcipui Europæ fluvii?*

1. Tanais fluvius est Moscoviæ. 2. Poloniæ Vistula Borylthenes. 3. Germaniæ Danubius, & Rhenus. 4. Italiæ Tiberis, & Eridanus, sive Padus. 5. Angliæ Tamesis. 6. Galliæ Rhodanus, Sequana, & Ligeris. 7. Hispaniæ Iberus, & Bætis. 8. Lusitaniæ Tagus, & Durius.

5. *Qui Europæ montes celeberrimos?*

Præ omnibus commemorandæ sunt Alpes, quæ Italiam à Gallia, & Germania sejungunt: quippe non tantum montes Pyrenæi, qui Galliam ab Hispania separant; sed Sabaudia quoque, Vallesia, Helvetia, Rhetia, Tyrolis, ditionis Salisburgensis, Carinthia, Carniola, Stiria, &c. montes item Carpathii, qui Poloniam ab Hungaria, & Sudeti, sive Gigantei, qui Bohemiam à Silesia determinant, Alpina sunt brachia.

6. *Quid*



6. *Quid de Sylvis memorandum?*

Sicut montes, ita & sylvæ, licet diversis appellentur nominibus, ab Alpibustamen omnes incipiunt, indequè continuo quasi tractu quaquaversum se propagant. Inter omnes principatum tenet Sylva Hercinia, quæ.  
 1. Ad Britgojam, & in ditione Fürstenbergensi Sylva Nigra. 2. In Palatinatu inferiore Ottonia. 3. In Episcopatu Bambergensi *Steigerwald* 4. Inter Lohnam, & Sigam fluvios *Westerwaldia* sive *Occidentalis*. 5. Francofurtum inter & Abbatiam Fuldensem *Speshart*. 6. In Principatu Grubenhagensi, & Anhaltino *Hercinia Hartzwald*. 7. In Thuringia *Thuringica*. 8. In Bohemia *Bohemica* appellatur, &c. Hæc Franconiam ab Hassia, & Thuringia, Bohemiam à Voilandia, Palatinatu superiore, & Bavaria dispoſcit, & in Moraviam, totumq; ferè Noricum, Hungariam, Transylvaniam, Valachiam, Moldaviam, Poloniam, Russiam, Moscoviam, &c. porrigitur.

7. *Quod miliaribus Europa circumſcribitur?*

Longitudo ejus summa à promontorio Sæcro Lusitanix (Capo S. Vincente) ad Obii usquè fluminis ostium miliaria Germanica circiter nongenta; latitudo verò maxima à Tænaro (Capo Matapan) Peloponnesi promontorio ad extremū usque Lappiæ Norwegicæ promontorium Boreale, vulgò *Nord-Cap* miliaria ampliùs quingenta complectitur.

8. *Quanam inter quatuor orbis partes principatum obtines?*

Europa, quæ licet magnitudine cæteris longè sit inferior; bellicæ tamen laudis gloriâ, artium humanitatis, & literarum culturâ, negotiationibus, morum ac vitæ politioris disciplinâ, alitquæ prerogativis principem sibi locum jure vindicat.

9. *Quanam præcipue Europa partes?*

Novem majores, totidemquæ minores;

10. *Quanam majores novem?*

1. Scandia, sive Scandinavia peninsula, Norwegiam, & Sueciam complectens, cui Daniâ jungimus. 2. Moscovia, sive Russia. 3. Polonia. 4. Turcia Europæa. 5. Germania. 6. Britânia magna, hoc est Anglia, & Scotia, adjunctâ Hiberniâ. 7. Italia. 8. Gallia. 9. Hispania, cui addimus Lusitaniam.

11. *Quæ novem minores Europa partes?*

1. Belgium. 2. Lotharingia. 3. Helvetia. 4. Sabaudia, quæ Galliam inter & Germaniâ sitæ sunt. 5. Hungaria. 6. Transylvania. 7. Valachia. 8. Moldavia. 9. Tartaria minor, quæ Poloniam, & Turciam Europæam interjacent.

12. *Quæ alia Europa divisio?*

Dividi hæc etiam potest in regiones continententes, peninsulas, & insulas.

13. *Quæ Peninsula?*

1. Scandinavia. 2. Chersonesus' Cimbrica, ubi nodie Jutia, & Slesvicum. 3. Chersonesus Taurica, sive Tartaria Crimæa. 4. Peloponnesus.

ponesus, five Morea. Cōtinentes sunt reliquæ regiones, paulò antè memoratæ; è quibustamē Italia etiam inter peninsulas numerari potest.

14. *Quæ Insula.*

1. In Oceano sunt Anglia, Scotia, Hibernia, Islandia cum minoribus aliquot. 2. In Mari Baltico Seelandia, Finnia, pluresquē aliæ minores. 3. In Mediterraneo Sicilia, Sardinia, Corsica, Candia, five Creta, Balearis major, five Majorica, Balearis minor, five Minorica, &c.

15. *Quæ Regiminis forma in Europa?*

Triplex 1. *Monarchica*, ubi unus sōlus rerū potitur. 2. *Aristocratica*, ubi Optimates imperant. 3. *Democratica*, ubi plebs ipsa dominatur, vel saltem ex hac deliguntur populi præsides. Siqui porrò ex triplici hac classe subiectos sibi populos propè ut mancipia habent, suis duntaxat rationibus commodisquē intenti, ii Tyranni appellantur.

16. *Quæ in Europa lingua usitata?*

Quatuor matrices, Græca nimirum (cujus tamen usus hodie rarissimus) Latina, Teutonica, & Sclavonica. E *Latina* Italica, Gallica, & Hispanica; è *Germanica*, Suecica; Danica, Belgica, & Anglica; è *Sclavonica*, verò Bohemica, Polonica, Russica, &c. ortum traxere.

17. *Quæ antiqua Europe divisio?*

1. Magna Peninsula Scandinavia Sueciam, & Norwegiam. 2. Sarmatia Europæa Moscoviam, Poloniam & Lithvaniam. 3. Illyricum Dalmatiam, Bosniam, Croatiam, Istriam, Fo-

rum Julium, &c. 4. Scythia Europea Transylvaniam, Valachiam, Moldaviam, & Tartariam minorem. 5. Thracia Romaniam, sive Turciam Europeam. 6. Mœsia Serviam, & Bulgariam. 7. Pannonia Hungariam regionesquæ conterminas complectebatur. Germania porro, Gallia, Italia, Hispania, Britannia, &c. pristinam appellationem etiamnum retinent.

## C A P U T VIII.

### De novem majoribus Europæ partibus.

Exordium ducimus à Polonia nostra, postea ad Germaniã, indè ad Septentrionẽ digressi, à Peninsulã Scandinavia ad Lusitaniam usque gradum faciemus.

### §. I.

## POLONIÆ REGNUM.

#### 1. *Qua regiones contermina?*

AD Septentrionem Borussia, Curlandia, & Livonia, cum Moscoviæ parte, ad Ortum itidem Moscovia, ad Occidentem Silesia, Marchia Brandenburgica, & Pomerania, ad Austrũ Valachia, Transylvania, & Hungaria.

#### 2. *Qui fluvii præcipui?*

Vistula Cracoviam, Varsoviã, Thorunium, &c. alluens, infra Dantiscum Mare subit Balticum; Borysthenes verò & Tyras in Pontum Euxinum sese exonerant.

#### 3. *Quæ*

3. *Quæ cæli affectio locique natural?*

Aër perfrigidus quidem, sed salubris, nisi quod in Lithvaniæ quibûsdam locis palustribus crassior sit, & intalubrior. Terra frumento, cera, melle, sale, pice, metallis, pecore, jumentis, feris ac piscibus omnis generis abundat.

4. *Quæ præcipuæ Regni Polonici partes?*

i. Polonia propriè dicta. 2. Magnus Lithvaniæ Ducatus. 3. Borussia regalis sive Polonica, &c.

5. *Quæ regni hujus urbes præcipuæ?*

Cracovia Regni totius, Vilna Lithvaniæ Mætropolis est, Varavia Regum sedes.

6. *Qui Polonorum genius?*

Sunt fortes, & animosi, atque adversùs Turcas aliosquè Ecclesiæ hostes prorsus intrepidi, equo ut plurimum merere soliti, nobilitatis avitæquè libertatis apprimè tenaces, &c.

7. *Quæ regiminis forma?*

Partim Monarchica, partim Aristocratica cum Democratia permixta.

8. *Quæ religio?*

Catholica; tolerantur tamen alicubi Lutherani, Calvinistæ, aliquè Sectarii, quos Dissidentes vocant.

*Quæ brevissimè Autor Opusculi exposuit, ea fusiùs ex Starovolscio laudato Proponuntur.*

SITUS POLONIÆ.

Regnum Polonia, cum adiacentibus sibi provinciis, extenditur in longum, à tricesimo



octavo gradu, ad quinquagesimum quartum, ab occasu æstivo, versus ortum hibernum, amplius quam per ducenta quadraginta milliaria Germanica. In latum verò à montibus *Carpathiis*, usque ad mare *Balticum* seu *Venedicum*, per ducenta plus minus milliaria. Ab occasu cingitur *Marchia Brandeburgensi* & *Pomerania ulteriore*. A septentrione mari *Venedico* & *Sarmatico*, cujus adversa littora *Gothi* atque *Sueci* tenent. Ab ortu *Moscovia*, & campistris *Scytharum* solitudinibus. A piaga denum *Australi*, *Valachia*, *Hungaria*, atque *Silesia*.

Regio tota fere plana & aprica est, nisi qua ad fines *Hungariae* accedit, montana & sylvestris. Quò longius autem inde recedit, eò lenius declivis est, magisque culta, & meliore gleba. Nisi quod in medietate minoris *Poloniae* *Calvus mons* supereminet, in quò monasterium est *S. Crucis* nomine, lignoque, in quò *Salvator noster* pependit, celebre: reliqui colles fere in toto Regno sunt potius quam montes. Sylvestris sane fuit superioribus temporibus pleraque omnis *Polonia*: sed nunc ubique diligenter excolitur, frugum leguminumque ferax, & pratis abundans. Et quamvis cœli intemperiem nimium laborat; pomaria nihilominus non infrequentia & fructuosa passim habet: in quibus pyrorum, malorum, prunorum, persicorum, cerasorum, & nucum bonitas & varietas certat cum *Ungaricis* & *Italicis*. Sunt & vites pluribus in locis, quarum uva esui quidem non insuaves sunt, præter-

rim si æstas & autumnus temperiem suam fervent: sed vinum inde expressum acerbius, ubi defæcatum est. Nequè negat solum Polonicū castaneas, mora, cotonia, ficus, amygdala, crocum, oryzam, pepones, melopepones, herbas & flores omnis generis, & alias hortenses Italiæ delicias, palatumque lenocinia. Nec metalla fossiliaquè defunt, ut suis locis dicetur plumbi, ferri, æris, cupri, argenti & auri. Avium quoque & altilium magnam habet copiam; Itemquè jumentorum omnis generis, & ferarum; cervorum videlicet aprorum, urorum, luporum, sciurorum, dorcærum, leporū, onagrorum, bisontium, caprarum, urorum, pantherarum, mardurum, vulpium, rosomacorum, lutrium & castorum. Similiter piscium diversorum, quotquot nominari possunt: nam fluvii, lacubus, piscinis atquè stagnis supra modum abundat.

Inter fluvios tamen præcipui sunt *Vistula*, *Donajecius*, *Sanus*, *Nieper*, *Varra Notesius*, *Duna*, *Nemenus*, *Nester*, *Prutus*, *Bugus*, *Bohus*, *Pripius*, *Narva*, *Drevantia*, *Beresina*, *Boristhenes*, omnes fere navigabiles. Sed sigillatim, quamlibet provinciam cum suis qualitatibus videamus.

## MAIOR POLONIA.

**T**Ota in universum Polonia extenditur in longum per nonaginta milliaria Germanicæ; incipiens à *Marchia Brandeburgensi* ab occidente, usquè ad *Vislocam* fluvium; qui è *Car-*  
*pathiis*

*pathis* montibus profluens, *Russiam* à *Polonia* determinat, & quatuor à *Resovia* milliariis *Sano* illabitur. Latitudinem verò habet 50. mill. à prædictis montibus *Carpathis* usquè ad oppidum *Parcoviam*, in confinibus *Litvæniæ* positum. Dividiturquè in *Majorem* & *Minorem*. MAIOR versus occasum est, tota fere plana & fluvii irrigua, nisi quòd *Cujavie* nonnulla pars clivosa est, collibusq; moliter & ad fertilitatem commode distincta. Habet à meridie *Silesiam*; *Marchiam* ab occasu & *Pomeraniam* ulteriorem: *Prussie* partem & *Masoviam* à septentrione, à quibus *Vistula* determinatur: ab ortu verò *Minorem Poloniam*, variis, iisq; ignotis terminis divisam, sed quos inter *Pilza* fluvius præterlabitur. Tota autem hæc *Majoris Poloniæ* amplitudo, in octo *satrapias* dividitur: in *Palatinatum* videlicet *Posnaniensem*, (cui & *Wschovensæ* territorium adjungitur) *Calissensem*, *Siradiensem*, *Lanciciensem*, *Brestensem*, *Inovladislaviensem* (& hæc duæ *satrapiæ* vulgo *Cujavia* dicuntur) *Ravensem* & terram *Vielunensem*.

## POLONIA MINOR.

TAM in longum, quàm in latum, quinquaginta fere milliaria Germanica, MINOR POLONIA habet; & in tres communissime *satrapias* seu *Palatinatus* dividitur, *Cracoviensem*, *Sandomiriensem*. & *Lublinensem*, hoc ipso ordine, quo nunc sunt enumerati, versus Aquilonem & ortum æstivum sitos. Et à septentrione quidem *Masovia*

atq;

atque *Podlachia* tractui, ab occidente *Majori Polonia*, ab ortu *Ruthia*, à meridie verò *Ungaria*, & *Silesia*, finitima est. Quoquè propius accedit ad fines *Ungariae*, hoc magis montana est & sylvestris: quo longius autem inde recedit, eo lenius declivis est, magisque culta, & meliore gleba. Tamen in medietate quoque *Sandomirienſis* terra, aliqua ex parte leniter montata, seu verius clivosa apparet: Uno *Calvo monte* excepto, in quo Monasterium *Benedictinorum* est, *S. CRUCIS* nomine lignoque celebre; tum aliud ad radices ejus, duobus miliaribus inde *S. CATHARINÆ*, *FF. Minorum* de observantia.

*CRACOVIEſIS* Palatinatus, præter suos quatuor districtus (*Cracovienſem* videlicet, qui duo territoria complectitur, *Xiaznense* & *Proſſoviense*, *Leloviense*, *Biecense*, & *Sandecense*, in quos dividitur) etiam tres Ducatus in se continet, *Oſvecimenſem*, *Zatorienſem*, *Severienſem*, qui partes sunt *Silesia*, & Comitatum *Scepuſienſem*, qui est pars *Ungariae*, tredecim oppida continens, inter quæ *Luboulia* precipuū locū sibi vindicat, arcem munitissimam, & in ea perpetuas excubias habens; *Podolinicia*, quoquè Collegio *Piarum Scholarū* percelebris. Reliqui verò omnes hujus satrapia districtus, tres & nonaginta populationes, præter pagos & villas continent, templis, Monasteriis, & castellis exornatas. Ac præter istas, sunt etiam arces in editioribus locis & rupibus extructæ, *Melſtinum*, *Rabſtinum*, *Tencinum*, *Landſcorona*, *Moravica*, *Xianſia*, *Ogrodenecia*, *Lipovecia*;

*povecia, Ociecium, Visnec, Pilcia, Sorstenum, Bobrek, Spitzkovic, Soben & cætera. Sed sunt & Monasteria ad munitionem pariter & commoditatem habitatorum exædificata, & vicis pagisue non longe distantibus frequentata, Tinecense, Magilense, Bielanense. Calvaria, Miechoviense, Stelcense, Visnicense, Sciriciense, Hebdoviense, Alvernense, Stanantecense, Andreoviense, Preroviense, Gidlense, Mstoviense, & Czenstochoviense.*

## LITHUANIA.

**S**ylvestris sane fuit superibus temporibus ple-  
raquè omnis *Lithuania*, sed à *Sigismundi Senioris* temporibus ad hodiernam usque diem, optimorum Regam studio, diuturnam pacem hæc, nunc ubiquè diligenter excolitur, frugum leguminumque ferax, & pratis, hortis, pomariis, abundans: villis pagis, oppidis, castellis, recentiorisq; fabricæ ædificiis, non modò in urbibus, sed etiam in prædiis refertissima: Fluvios complures, & lacus ingentes, sed piscosos passim habet. Extenditurquè à confinio satrapia *Lublinensis*, usque ad terminos *Livoniae*, in longum per nonaginta milliaria Germanica, in latum per quadraginta & amplius; à finibus *Prussiae* ab occasu, ad *Alba Russiae*, (quæ ad magnum Ducatum *Lithuaniae* spectat) contermina versus ortum: Et dividitur communissime in hos tres Palatinatus, *Vilnensem*, *Tro- censsem*, & *Brescianensem*.

RUS-



PRout Regi *Polonia* amplissima *Russia* regio subicitur, extenditur in longum ab ora *Potensensi*, ad confinia *Livonia*, per ducenta plus minus milliaria; in latum verò à *Polonia Minori* aut *Lithuania*, versus ortum usquè ad vastos *Tartarorum* campos, aut *Moscoviam*, per centum viginti. Dividiturquè in *Russiam albam*, quæ ad Magnum Ducatum *Lithuania* spectat; & in *Russiam rubram*, quæ propriè dicitur *Roxolaria*, & ad *Poloniam* pertinet. Nam tertia pars, ultra *Tanaim* & fontes *Borysthenis* posita, dicitur *Russia nigra* ab antiquis, à recentioribus autem vulgo obtinuit. *Moscoviam* appellari; quod totum illud imperium, quaquà latum est, ab urbe & fluvio *Mosua*, dicatur communiter *Moscovia*: quæ olim *Sarmatia Asiatica* vocabatur. Nostra autem cis *Borysthenica Russia*, *Sarmatia Europea*; & *Polonia* ipsa propriè *Vandalia*. Tota hæc in universum regio, frugum, ferarum, pecoris, piscium & mellis copiam infinitam habet; præsertim in *Podolia*, ubi ex dictamno & aliis bene olentibus herbis ac floribus ab apibus colligitur. Nobiles audaces sunt & strenui omnes, quin & agrestes ad bellum prompti, loriceis, sclopetis, hastis, aliisque plurimis armis, præcipuè autem cuspide venatorum & pharetrâ utuntur.

## RUSSIA RUBRA.

NObilissima hæc provincia, lacte & melle abundans, ab Austro *Ungariam*, *Moldaviam*

Et *Bessarabiam*, habet; ab Euro *Scythia* desertata, & potentissimum *Moscovia* Principem, à septentrione *Albam Russiam*, *Stiro* Et *Pripecio* fluminibus disjunctam, ab occasu verò *Minorem Poloniam*, *Visloca* Et *Vepro* fluviiis quasi notioribus terminis divisa. Complectiturquè in se septem amplissimas *Satrapias*, *Russiae Palatinatum*, inprimis deinde *Podolia*, *Volhynia*, *Belza*, *Braslavia*, *Kiovia*, & terram *Chelmensem*, *Haliciensemquè*.

## RUSSIA ALBA.

Quæ Magno Ducatui *Lithvania* adiacet subiacetque, *Russia* vulgo dicitur *Alba*; partim quòd incolæ eum colorem præferant; partim quod nivibus campi cooperti diutius quàm alibi durent, & inspectantibus omnia alba repræsentent, ut etiam in naturam animalium color iste transeat; Siquidem ibi & lupos & urfos, lepores, vulpes aliaquè tam domestica, quàm sylvestria animalia passim alba videre est, quæ nihilominus in aliis locis nata alium colorem habere solent. Regio est omnium rerum quæ ad victum spectant feracissima, filiginis, hordei, avenæ, tritici, ciceris, cannabis, lini, mellis, lupuli, ceræ, pecoris, piscium, avium, & ferarum: hæque sunt divitiæ ipsorum, quas partim *Duna* fluvio, in *Livoniam* ad emporium *Rigense* transmittunt, partim *Nemeno*, per *Lithuaniam* *Regiomontum* in *Prussiam*. Dividitur autem hæc nobilissima provincia, in sex maximos *Palatinatus* *Smolenscensem*, *Polocensem*, *Novogrodensem*, *Vitepscensem*, *Mscislaviensem*, *Minscensem*. PRUS-

❧ ) 49 ( ❧  
P R U S S I A.

**P**Russia quamvis eodem cum *Polonis* Regno contineatur, peculiare tamen consilium publicum, peculiare leges, peculiaris judicia, comitia, ærarium, ac belli gerendi rationem diversam antiquitus habet. Estquæ amplissima regio, plerisque sinuosis flexibus ubique amœna, & opportunis portibus maris *Baltici* maxime commoda. In latitudinem 50. in longitudinem verò circiter sexaginta milliaribus extenditur. Et ab occasu *Pomeraniam*, ab Austro *Masoviam*, *Litvaniam* cum *Samogitia* ab ortu, à septentrione demum mare *Balthicum* seu *Sarmaticum* habet; atque urbium illustrium, oppidorum, artiumquæ frequentia, optimis incolarum divitiis, opibusquæ ac terræ ipsius ubertate, supra modum claret. Metallorum quidē ferax non est, sed pecoris omnigeni inæstimabili copia, piscationibus, venationibusquæ & sylvis fructuosissimis, atque aëris demum temperie, cum amœnitate conjuncta, prædita est. Merces quas è *Polonia*, *Russia*, & *Litvania* accipit, maximo suo commodo trans mare mittit; & vicissim in *Poloniam* importat, quicquid *Europa* universa, & *India* dives gignit, omnia fere per commutationem à transmarinis mercatoribus accipiens. Hinc vulgo simul & nobilitati res ibi lautior, quam in reliquis partibus Regni, vestitusque & habitatio cultior; quod totum prisca frugalitas, non modo conservat, sed etiam indies auget.

Opusc. 4<sup>um</sup>.

D

Habet

Habet autem *Prussia* præcipua flumina *duodecim*, *Vistulam*, qui *Silesiam*, *Poloniam*, *Masoviam*, & *Prussiam* præterlabitur *Nemenum*, ex *Alba Russia*, per *Litvaniem* & partem *Samogitie* decurrentem, *Derevantiam*, *Elbingam*, *Veseram*, *Passariam*, *Allam*, *Pragelum*, *Ossam*, *Drebnicam*, *Licam* & *Laviam*. Præterea lacus plurimos, piscibus omnis generis exundantes; in his nominatissimus est *Habus*, ad quindecim milliaria in longitudinem, in latitudinem verò duo milliaria plus minus habens: augusta valde insula *Neringa* à mari disjungitur; ubi succinum sive electrum (*ambram* etiam externi vocant, quàm fluctibus appulsam ad littora homines nudi obviam euntes, parvis retibus excipiunt & extrahunt; mollem primum, sed mox in aëre durascentem, quæ torno deinde ac scalpro varie conformatur) sicut & in omnibus *Prussiae* littoribus colligitur. Est & alius lacus aliquanto amplior isto, cognomento *Curoniensis*, sed in *Prussia Ducali*: reliqui omnes fere minores.

Duplex autem est *Prussia*, *Regia* & *Ducalis*: hæc dictæ, quod hæc *Ducem Marchionem Brandenburgensem*, *Regi Poloniæ* vectigalem, pro Domino agnoscat; illa, directè *Regno Poloniæ* incorporata, neminem pro principe superiore, nisi *Regem* ipsum veneretur. Et *Ducalis* tanè minoribus oppidis frequens est admodum, & quidē nec iocultis, nec immunitis, quæ ultra sexaginta numerantur: habetque metropolim *Regium montem*, urbem emporio claram, tribusquē oppidis & arce magnifica insignem; longitudinis gradu

gradu 43. lat. 54. In qua, Academiam quorū  
quē *Albertus* ex *Magistro Ordinis Teutonici* pri-  
mus *Dux* factus, Anno 1544. erexit: sed quia  
Hæreticis professoribus regendam commisit,  
ideo hucusque incognita habetur, nec efflore-  
scit ingeniis. Cives ibi etiam variis Sectis in-  
fecti templa *Lutheri* ad huc temporibus Catho-  
licis erepta, suis prædicatoribus gubernanda  
dederunt. Quare serenissimus rex *Sigismundus III.*  
cum à *Duce* illo Anno 1621. homagium *Var-*  
*savia* reciperet, legem imposuit, ut Catholicis  
liberum religionis exercitium maneret, *Dux-*  
quē ipse templum illis à fundamentis erigeret,  
& omnibus requisitis ornaret, Clerumquē in-  
super sufficientissime ditaret. Quod primo sta-  
tim anno factum est, ut in possessionem venit;  
alias enim Ducatu ipso privari debebat, sicut  
etiam, si subditis suis provocaciones ad Regem,  
in causis majoribus prohibuisset.

*Regia* autem *Prussia*, tribus satrapiis distincta  
est, *Culmensi*, *Marieburgensi* & *Varmiensi*. *Mi-*  
*chaloviense* autem territorium est in satrapia *Cul-*  
*mensi*, quæ ad meridiem spectat. *Varmiensis* ad  
Aquilonem, subiecta Episcopo suo, & sacro  
Ecclesiæ ejus collegio, Regis *Poloni* majestati  
agnoscentibus. Media est *Marieburgensis*, quæ  
sola fere plana & declivis est. Reliqua *Prus-*  
*sia* pleraquē omnis collibus molliter, & ad fer-  
tilitatem amœnitatemque, commode distincta  
est.



# POMERANIA.

*Pomerania* nomine generaliter id totum vocatur, quicquid à *Vistula* incipiens, usquè in *Cimbriam*, littori maris *Balthici* adjacet. quod post quàm in *Germanica* gentis ditionem cessit, cuilibet parti, inter fluvios majores in mare decurrentes sita, peculiare nomen, vel ab eventu, vel à loci natura, pro libitu imposuerunt. Propriè autem nunc *Pomerania* dicitur ille tractus, qui inter *Oderam* & *Vistulam* fluvios extenditur ad littus *Balthicum*: cujus partè citeriorem Rex *Polonia* possidet; ulterior proprium principem habet, ad Imperium *Germanicum* spectantem. Qui tamen nomine olim *Lemburgi* & *Bithoviae*, Regis *Poloni* beneficiarius fuerat, juraveratque ritu solenni in verba ejus, quemadmodum & *Dux Prusiae* (sed nunc jam ad coronam *Polonia* rediit, & provinciae *Prusiae* adscripta est, sub jurisdictione Palatini *Pomeraniae*.) *Regia Pomerania*, quæ iisdem moribus & legibus cum *Prusiae* est, nec nisi titulo solo ab illa differt, & fluvio *Vistula* disjungitur, *Gedanum* urbs metropolis est, longitudinis gradu 41. lat: 54. maris *Balthici* emporium celeberrimum, copia & varietate mercimoniorum, partim maritimarum, ex toto occidente & septentrione, partim terrestrium, ex diversis mundi partibus & fluviatilium, maxime *Vistulae* præterlabentis opportunitate abundans adeo ut aedificiorum tam privatorum, quàm publicorum, pulchritudine, incolarum & ex-

ternorum multitudine, civium divitiis, propugnaculorum firmitate, machinarumquæ & instrumentorum bellicorū numero, cum præcipuis *Europæ* urbibus certare possit. Quæ cum hæretica tota sit, *Officialem* tamē seu *Vicarium* Episcopi patitur, & coram illo omnes hæretici variarum sectarum causas disceptant, præsertim in materia matrimonii. Quamvis enim hæc latrapia proprium Episcopum non habeat; in spiritualibus tamē tota subest Episcopo *Vladislavienti* seu *Cujavie*, qui se etiam Episcopum *Pomeraniæ* scribit, & in ea non contemnendas possessiones habet? etiam in suburbanis *Gedansibus*, ubi Templum & Collegium pro erudienda juventute PP. Soc; JESU habent; Dominicani autem, Carmelitæ & Moniales in urbe ipsa, sicut & vicarius Episcopi.

M A S O V I A.

IN Meditullio quasi Regni *Polonia* sita est *Masovia*, quatuor satrapiis distincta, *Plocensi* nimirum Palatinatu, *Podlachico*, & eo, qui peculiariter *Masoviae* nomen retinet, atque Terra *Dobrinensi*.

*Masovia ipsa, quæ Episcopam nullum, Palatinum autem Generalem habet, atquè Castellanos septem, Cernensem, Varsaviensem, Visnensem, Visegrádensem, Zacrocimensem, Ciechanoviensem, & Livensem. In spiritualibus, autem, partim subest Episcopo Posnaniensi, partim Plocensi, partim Luceoriensi. Et quia ampla provincia est, ideo in duodecim territoria dividitur, in Cernen-*

*se, Visnense, Zembroviense, Varjaviense, Nurense, Vissigrodiense, Zakrocimense, Ciechanoviense, Lom-  
zense, Rozanense, Macoviense & Livense. Præter-  
que prædicta oppida, quæ suorum territorium  
capita sunt, habet complura alia notabiliora  
multo, ut Pultoviam, Episcopi Plocensis residē-  
tiam latericiis domibus, & arce in scopulo pul-  
chre exstructa, hortisque ac pomariis amœnif-  
simis nobilem, quasi in insula *Narvæ* navigabi-  
lis fluvii sitam, in qua & *Societatis Jesu* Cle-  
rici insigne studium habent, & Collegium Ca-  
nonicorum Templum magnificum beneque  
provisum.*

## SAMOGITIA.

*S*atrapiam ea nullam habet, sed *Præfecturas*  
permultas: summusquæ ejus *Toparcha*, vulgo  
*Capitaneus* locum in Senatu Regni, cum *Epi-  
scopo & Castellano*, habet cum præter ipsum, nul-  
lius urbis, aut regionis *præfecto*, locum habere  
in Senatu liceat, nisi fuerit aliquâ aliâ digni-  
tate majore ornatus: puta *Cancellarii, Marschalci,  
Palatini*, aut *Castellani*. Regio hæc satis ampla  
& fertilis est, sed sylvis tota inumbrata: à se-  
ptentrione *Livonia* contermina, mariquæ *Bal-  
thico*: ab Occidente *Prusiam Ducalem* in vicini-  
a habet: à meridie & ab ortu *Lithvania* adja-  
cet. Civitates tam Regias, quam nobilium cō-  
plures habet, sed penitus omnes ligneas; præ-  
ter *Counam*, ad *Crononis* seu *Nemini* litus sita,  
collegio *Societatis Jesu*, & *Monasteriorum* ce-  
lebritate illustris; in qua *Germani* mercatores,  
supe-

superiori ætate lateribus & lapidibus elegantius ædificare cœperunt: nunc reliqui in colæ quoq? eodem studio tenentur, illosquæ superare contendunt. Sed turba in humilibus casis habitat, quæ ut plurimum ad lacus, rivos, & flumina sitæ sunt, stramentis aut assereculis intectæ: præter prædia domosquæ nobilium, quæ amphiores sunt & cultiores Terram non ferro sed ligno proscindunt, quæ tamen non est arena, sed tenax & fertilis satis. Equos adeo parvos habent, ut vix credibile sit ad tantos labores eos posse sufficere, quibus foris in bello ad trahenda onera, domique in colendis agris utuntur. Episcopum habent *Romana* obedientiæ, qui, uti diximus, cum suo *Castellano* & *Capitano* ad *Senatum* Regni pertinet, & Cathedram suam atquæ residentiam *Mednicia* tenet.

## L I V O N I A.

ULTIMO, Regno *Poloniæ* accessit *Livonia* seu *Lieslania*, regio amplissima, siliginisquæ & frumenti perdives, pecoribus ac jumentis domesticis omnis generis maxime abundans (quæ omnia deinde fluviis *Duina* & *Nerva* ad portus maris, atquæ inde in *Hollandiam*, *Scotiam* & *Angliam* transmittit), lacubus fluviisque piscosis, & sylvis ad venationem idoneis referta: in quibus habet ursos, alces, vulpes, lynces, marturos, castores, & omnis generis animalia, quæ ex *Moscovia* veniunt; Siquidem eam ab oriente contiguam sibi habet, & *Nerra* tantum flu-

viò ab illa separatur. A septentrione cum *Suecia* regno & *Finlandia* Ducatu, per maris *Baltici* sinum viciniam gerit: ab occidente non nihil *Prussia* adharet. A meridie verò *Samogitia* & *Lithuania* jungitur. Extenditurquè in longitudinem nonaginta milliaribus Germanicis, in latitudinem verò quinquaginta. Et dividitur in octo territoria, *Leitlandiam* videlicet, *Vikelandiam*, *Curlandiam*, *Semigaliam*, *Estlandiam*, *Virlandiam*, *Hariam*, *Gervandiam*què: quæ singula nunc bellis per tot annos sævientibus cum *Sueco* atrocissime vastata sunt, & à diversis principibus possidentur, hoc est à *Mosco*, *Sueco*, *Dano*, & Rege *Polonia*, qui præcipuas ibi arces & civitates possidet: habetquè in ea septem Senatores ad Consilium regni generale pertinentes, puta *Palatinum*, *Castellanum*, & *Episcopum Vendensem*, *Palatinum* & *Castellanum Parnaviensem*, & *Palatinum* atquè *Castellanum Derpatensem*, ac præterea vasallum non contemnendum, *Ducem Curlandiae* & *Semigaliae*. *Riga* totius *Provinciae* metropolis, quàm fluvius *Duina* amplissimus, una cum arce alluit: urbs ipsa muro firmissimo, propugnaculisquè & turribus densis undiquè munita; item, vallo inexcusso, tribus ordinibus tormentorum apto, fossisquè duabus ex utraquè parte circumducta, & stipitibus acutis circumnepta: Instrumentisquè insuper bellicis, ac tormentis æneis, & comearu copioso, tum militibus stipendiariis, pacis & belli tempore bene provisa. Magnum in ea est & celeberrimum emporium: & quā-



vis duobus miliaribus distet à mari, navesta-  
men omnigenæ, facillime de mari sub ipsa ur-  
bis mœnia deveniunt & redeunt Ubi verò flu-  
vius mari illabitur, & arx *Dunamunda* inex-  
pugnabilis, natura opportunitatequæ loci, du-  
obus à *Riga* miliaribus. In ea omnes naves ex  
ultra marinis regionibus venientes, merces lu-  
as indicare, teloniaque persolvere coguntur:  
iterumquæ excutiuntur in *Blokaus*, munitione  
sita medio loco inter *Rigam* & *Dunamundam*.  
Hæc igitur tam dives atquæ potens urbs, di-  
versas hæresium Sectas in se continens, mole-  
ste ferebat valde, quod piissimus Rex *Societa-  
tis Jesu* Clericos illis dedisset, & Collegium  
pro instituenda juventute in urbe fieri jussis-  
set. Similiter quoquæ *Pernavia*, *Derpaci* & *Ven-  
da*. Quare meruentes sibi, ne cura horum pa-  
trum, hæresis ipsorum extirparetur, tempore  
quò nos cum *Turca* bello gravissimo in *Vala-  
chia*, occupati fuimus, concitatis circumvicinis  
urbibus ad rebellionem, *Suecum* ad se cum e-  
xercitu evocarunt, & ut fautorem ac promo-  
torem suæ religionis portis apertis admiserunt;  
unde nobis postea bellum cum ipso difficilli-  
mum, non in *Livonia* modò, verum etiam in  
*Prussia*, simili scelere hæreticis urbibus eum ad  
se evocantibus per annos aliquot duravit.

## INGENIA POLONORUM.

**I**ngenia Polonorum sunt aperta & candida, ut-  
quæ *Joannes Boterus*, in suis *Relationibus* in-  
quit, falli, quàm fallere magis apta, minimequæ

proterua aut pertinacia, sed tractabilia & placida: unde imprimis exemplis commouentur. Sunt autem *Principibus* & *Magistratus* suis satis morigeri æque omnium provinciarum populi, & ad comitatem, civilitatem, benignitatem, & hospitalitatem prompti, ita, ut ignotos & externos non modo libenter suscipiant hospitio, sed etiam invitent, & omni officio prosequantur: Et non solum ad convictum atque familiaritatem quorum libet faciles, verum etiam ad mores & imitationem eorum, cum quibus vivunt, externorum præsertim, flexibiles. Teneam, æratulam litteris addiscendis impendunt, ut *vernacula* & *Latina* lingua legere & scribere sciant: unde ne in medio quidem *Latio* tam multos reperiās, cum quibus latine loqui possis, & ubi tam in *Cancellariâ* Principis, quam in curiis *Parlamentorum*, inferiorumque omnium judicum subsellis causas decisas & munimenta lingua Latina descripta videas. Adultiores, si plebei sunt, agrorum cultivationi, opificio, aut mercaturæ sese addicunt: nobiles verò, militiæ, sacerdotio, & ministeriis opulentiorum. Utrique autem libenter peregrinantur, & earum gentium linguas ad quas perveniunt, cupide & facile discunt. Sunt enim docilia hominum ingenia, & valent quocunque intenduntur: sed tamen alienis inventis perdiscendis ea magis accomodant, quam ut novi aliquid ipsi excogitent, & excellere magnopere ulla re studeant. Nihilominus non defuere nobis insignes *Mathe-*  
*matici,*

*thematici, Astrologi, Dialectici, Oratores, Pœtæ, Philosophi; tum Medici, Jurisconsulti atquè Theologi, qui & Rempublicam & Ecclesiam, ingenio suo atquè scriptis illustrarunt. Ac super sunt etiamnum clara patriæ suæ lumina, quorum monumenta quanquam nondum in lucē prodierunt, laude tamen quam merentur non carebunt.*

In opificiis attamen nostrates minus elaborant, sed externis plerisque opificibus antiquitus usi sunt, & utuntur etiam nunc non paucis.

Rem porro familiarem diligentius curare, non ita pridem occœpimus idque ab extraneis, passim quæstus causa ad nos concurrentibus, concitati; unde velut invidia quadam, parandis divitiis & avaritiæ totos jam nos ita dedimus, ut quod olim *Senatoris* filiæ *centum* marcarum dos fuerat, nunc simplicis alicujus nobilis filiæ (quinimo & mercatoris jam) *centum millium* florenorum dos esse solet.

Et non modo præstantiores genere, exoticis pannis & pellibus utuntur, verum etiam inferiores & plebei serico, purpura, & auro vestiuntur: passimquè jam equos argento exornari, in vasis argenteis comedere, argento altaria etiam in villis & pagis onerare, argentoquè, auro, margaritis & gemmis vestiri mos inolevit, nec restat aliud nisi ut aurum & argentum comedamus; Cum majores nostri satis haberent, si ex agris & prædiis suis honeste cum familia viverent, non luxum exteruorum aut splendorem confectarentur: Unde litium  
nunc

nunc origo & civium assiduæ discordiæ. Nec rei militaris tanta cura, quam superioribus seculis existit, cum quisquè privatum commodum sectetur, & cupiditate ductus lucrum non gloriam aut famam bonam quærat. Existere tamen semper, & etiam nostra hac ætate, multi virtute bellica præstantes viri (de quibus sigillatim, prout & de viris eruditis, scriptimus) ut *Moschovitici, Livonicis, Tartaricis, Turcicisque* expeditionibus, atq; hoc ultimo bello *Prussico*, videre licuit. Nec emarcuit vulgo in *Polonis* vigor ille animorum, laudisque bellicæ studium, si modo virtuti sua præmia non deessent.

## N O B I L I T A S

### P R Æ R O G A T I V A.

**P**Opulus *Polonus* in equestrem ordinem sive Nobilitatem, atquè plebem distinguitur primo; deinde in Ecclesiasticum & secularem statum. Nobilitas ad regimen atquè defensionem patriæ segregata, plebs ad agriculturam, mercaturam, & opificia: ex utrisq; autem ad colendum DEUM sacerdotes fiunt. Nobiles antiquitus vocabuntur milites, nunc communissime dicuntur Equites, ab equestri militia, cui sunt obnoxii. Habentquè multas & magnas prærogativas, quæ partim Regum & principum munificentia firmatæ sunt, partim moribus & institutis invaluerunt. Censenturquè ii tantum nobiles esse, quorum majores virtutis ergo in eum ordinem allekti, gentilitio signo

signo donati sunt: aut qui nunc ipsi hoc meruere virtute sua, & publico Ordinum Regni consensu, militiæ à principe sunt adscripti. Præstabilius tamen habetur, nobilem natum esse, quam factum. Nasci autem patre simul & matre nobilibus oportet, legitimo conjunctis matrimonio; quia nothi nobilibus quamvis & illustribus orti, non censentur in familiis, neq; nobilitatis prærogativis fruuntur. Porro amittitur nobilitas his duobus modis, Principis decreto nimirum, ob admissum dedecus, & atrox aliquod facinus, & sordidi quæstus cupiditate; si quis videlicet desertis militiæ & agricultura studiis, mercaturam amplectatur, aut caponationem artemve aliquam mechanicam exerceat. Est autem pari dignatione omnis Polonica nobilitas: nec ullum patritiorum, Comitumque, aut Ducum discrimen; omnes jure æquali & libertate gaudent: omnes una simul *Regem* sibi eligunt, leges in Comitibus per suos *Tribunos* santiunt, bella vicinis indicunt, fœdera cum illis statuunt, tributa imponunt, cuedendæ pecuniæ modum præscribunt, & omnē penitus Reipub: administrationem in manibus ipsi habent. *Rex* tantum cū *Senatu* judiciis & deliberationibus præsidet, & quæ illi concluderint moderatur, & sua autoritate pondus addit, nomenquē tabulis & titulum Regium præscribit. Item, honores & beneficia distribuit, magistratus creat, & bonos præmiis pro libitu, malos verò pœnis, non nisi cum scitu omnium Ordinum regni afficit; ne forte, si ipse vitæ



& necis jura teneret, ad tyrannidem prolaberetur. Unde neminem è nobilitate captivare potest, etiam in crimine perduellionis, nisi jure convictum: nec captum capite plecti, nisi sententiis *Senatorum* rogatis; qui itidem sunt ex nobilitate delecti, & paribus prærogativis cū illis vivunt. Quare multos ex humili loco ac tenui fortuna videbis, non modo ad mediocres, verū etiam ad summos nonnunquam honores, amplissimasquē facultates & opes, *Regum* beneficentia, ob virtutem proVectos, paucos autem ob scelerum atrocitatem ab illis punitos: quod à nobilitate maxima semper honestatis ratio habeatur, et si in summa paupertate fraudem facere, promissum fallere, pejerare, mentiri, probrosum & infame est: & si quid ejuscemodi in probri loco cuiquam obiciatur, præsertim ab ejusdem ordinis viro, non tam legibus & magistratuum judicio, quā ferro manuque vindicatur. Cum autem *Rex* causas & actiones nobilium, per appellationes ad judicium suum devolutas, expedire ob occupationes, quæ illi semper maximæ, non usquequaque potuisset, consultum illi esse volentes justitiæ & rebus suis, eam judiciorum formam, non ita pridem adinvenierunt, quæ alibi *Parlamentorum* est, apud nos *Tribunal* appellatur: quo singulis annis, ex singulis provinciis, omnium consensu viri è nobilitate præcipua eliguntur, & ad loca jam perpetuo destinata mittuntur, ut causarum differentias secundum leges & statuta decident. Quod cum

ſit ultimæ iſtantiæ, provocatio ab eo non datur, niſi ex paritate ſententiarum cauſa aliqua remittatur ad Comitia: *Regi & Senatui* diſcutienda atque determinanda: Cum extra Comitia, *Rex* ſiſci tantum cauſas cognoscere poſteſt, aut differentias inter tenutarios in bonis ſuis regalibus: tum quoquè civitatum, oppidorumquè Regni controverſias, quæ jure *Saxonico* utuntur. Quod ſi *Rex* quandoquè ab officio ſuo deſlecteret, & vel in judiciis, vel in aliis rebus ac modis, publicas libertates ſuorum opprimere aſpiraret, authoritate *Senatoria*, qui ad hoc attentandum juramento ſunt obligati, & per vices in Regia manere tenentur, facile prohibetur: ſæpiusquè illi acerrime ſententias dicunt, cum de Repub: deliberant, & *Regem* imprudentius regnantem objurgant, atque ſic uno conſenſu ſanctiſſima majorum inſtituta & communis patriæ chariſſimas leges, ad extremum vitæ defendunt.

## LEGES & STATUTA.

**L**Eges olim Poloni ſcriptas nullas habuere, ſed ab origine imperii, uſque ad *Casimiri Magni* tempora, jus omne in Principiis arbitrio erat Licetq; ante ejus tempora, & Chriſtiani jam per longam ætatem fuiſſent, & literarum ſcientias optime callerent, ut paſſim in *Senatu* & *Magiſtratibus* tam ſæcularibus quam Spiritu- alibus reperiuntur, Doctores legum & artium magiſtri, prout in veteribus monumentis cui- què videre licet: Nuſquam tamen lex aliqua

aut statutum Principis scripto promulgabatur, sed moribus tantum & consuetudinibus antiquis regnum administrabatur: lites verò & causæ privatorum, arbitrio bonorum virorum determinabantur, qui Principis jussu, provinciarum judices erant. *Casimirus* itaque *Tertius*, ob prudentem Regni administrationem, *Magnus* cognominatus, primus ipse & nobilibus leges certas scriptas dedit: & urbiæ plebi jura à vicinis *Saxonibus* accipere ex facili permisit, quod assiduis supplicationibus *Germanorum*, qui passim tum in *Poloniam* habitatum lucri causa veniebant sollicitaretur, ut similem patriæ suæ urbium administrationem haberent, & inter *Sarmatas* jurium ignaros, *Consulum* & *Advocatorum* honore, advenæ emerent. Atque hinc mos invaluit, ut omnes *Polonia* civitates, in hodiernum jure *Saxonico* (quod vulgo *Magdeburgense* vocatur, quia ex illa metropoli tum *Saxonie* urbe fuit allatum) tum plebiscitis quælibet propriis, & *Constitutionibus Regis*, utantur. Nobiles autem, tam ad regimen politicum, quam ad privatorum causas determinandas, jus peculiare suum habent: partim à *Regibus* superioribus, qui post *Casimirum Magnum* usque ad ætatem *Sigismundi Augusti* inclusive regnarunt, vigore legis traditum; quod volumine singulati à viris doctis complexum, *Statum Regni* vocatur: partim quod recentioribus & nostris jam temporibus, ipsimet sibi in Comitibus publicis, approbant. *Reus* tamen *Regibus* cum *Senatu*, conscripserunt, & vocantur

Con-

*Constitutiones.* Quæ pro rei & temporis exigentia, sæpius immutantur, abrogantur, aut reassumuntur, omnes ex æquo provincias regni obligando, licet nonnullæ jura sua pragmatica habeant; præsertim *Litvania & Volhynia*, quæ in decisionibus causarum propria statuta sua observant: tum *Prussia* quoque, *Ducalis* juxta ac *Regia*, quæ omnis fermè jure *municipali* utitur, quod vulgo *Culmense* vocatur; tribus civitatibus exceptis, *Elbinga*, *Brunsb erga & Franburgo*, quæ *jus Labecense* amplexæ sunt.

## REGIMEN POLITICUM.

*Poloniæ* regimen est compositum de tribus primis & simplicibus *Rerumpub: formis*, quæ vel *unius*, vel *paucorum* imperio, vel *multorum* omniumve quadam æquabilitate juris continetur. Habemus siquidem *Regem*, non successionem, sed electione creatum, qui est absolutus executor legum in Comitibus factarum. Habemus *Senatum*, è præcipua nobilitate selectum & ad custodiam earundem legum deputatum. Habemus *Municipales Nuncios* liberis uniuscujusque provincie suffragiis electos, & ad statuendas in Comitibus leges, velut *Tribunos* aliquos designatos, qui & *Regis* potentiam, & *Senatus* nimiam auctoritatem restringunt.

Et sic unanimi omnium studio, certis sane iisque angustis finibus, regia potestas, in sacrum & equestrem ordinem, & utrique subiectis.

Atos homines, atque bona, circumscripta est. Ac in sacerdotes quidem, jam inde ab initio susceptæ religionis Christianæ, Rex nihil prorsus juris habet. De equitis verò capite & fama, non nisi in comitiis cum *Senatu*, judicat: certis aliquot causis exceptis. *Senatu* verò & *Tribunib:* inconsultis, nequè bellum cuiquam facit, uti supra, diximus, neq; fœdus publice, cum quoquàm icit, neque tributa, vectigalia ac telonia nova instituit, neq; leges novas scribit, aut monetam signat, neque alienat quicquam de bonis regni, neque transcribit quemquam in ordinem equestrem, neque rem ullam majorem ad *Rempub:* pertinentem statuit aut facit. Bene autem ipse *Episcopos* & *Abbat*es nominat, *Palatinos*, & *Castellanos*, *Marschalcos*, *Cancellarios*, *Thesaurarios*, *Duces*que militiæ creat, redditus coronæ dispensat, & præfecturas distribuit, Comitia indicit, magistratusq; omnes & judices eligit. Denique universos *Reipub:* honores, solus prout illi placet & lubet confert: habetque in manu omnes modos remunerandi, beneficioque afficiendi quoscūque voluerit.

## R E L I G I O.

**C**hristianam religionem *Polona* gens, abjecto semel impio dæmonum cultu, septingentis circiter jam annis constanter retinet, religionemq; colit, hæreticarum novationum insolentem & impatiens, avorum nostrorum ætate, quan-





natis vicibus penes *Episcopos* maneret. Major-  
 què *Secretarius* Regni semper ex *Ecclesiasticis*  
 esset; frustra reclamantibus adversariis fidei,  
 qui sub extremam aetatem *Sigismundi Augusti*  
 Regis sapientissimi, & potissimum interregno-  
 rum tempore nimium invaluerant: Cæterum  
 diligenti vigilantia sanctissimorum Præsulum,  
 sapientiumq; Regum (studio maximè verò pi-  
 etate Divi *Sigismundi III.*) vix non omnes jam  
 eradicati fuerunt. Verum *Græcanici* ritus ho-  
 mines, in *Russia & Lithvania*, passim legibus an-  
 tiquis tollerantur, sicut & *Armeni*: partim Pō-  
 tifici Romano per obedientiam subiecti, par-  
 tim non; qui *Episcopos* suos, & complures Ab-  
 bates habent: & ritibus atquè institutis *Eccle-*  
*siaisticis* magis, quam dogmatibus religionis à  
 nobis dissentiunt. Sunt quoquè & *Hebræi* pas-  
 sim in toto regno, & *Scythæ Mahometani* in *Li-*  
*thvania & Volhynia*, qui suos quoq; ritus & su-  
 perstitiones habent; sed qui neminem à fide  
 Catholica avocant, aut malo suo exemplo in-  
 ficiunt, ut assolent Hæretici. Fides igitur Ca-  
 tholica in toto Regno præcipua habetur, ma-  
 gnusquè ut par est, omnibus sacerdotibus ho-  
 nor habetur, solo sacerdotii nomine: & omnes  
 Romanum Pontificem, ut summæ sedis *Epi-*  
*scopum*, ut omnium *Episcoporum* patrem, ut  
 universalis *Ecclesiæ* caput, ut *Apostolicum* re-  
 verenter agnoscunt.

# De mappa Geographica Imperii Germanici.

11. *Quis bujus situs? qui termini?*

Meditullium ferme Europæ tenet, atque ad Septentrionem Mari Germanico, & Baltico: ad ortum Hungariâ, & Poloniâ: ad Austrum Italiâ, & Helvetiâ: ad occasum Galliâ, & Belgio terminatur.

2. *Qua Germaniæ magnitudo?*

Ab occasu ortum versûs ad ducenta; à septentrione meridiem versûs ad centum quinquaginta; toto verò ambitu suo ad sexcenta miliaria Germanica complecti dicitur.

3. *Qui præcipui Germaniæ fluvii?*

Hi quatuor; Danubius, Rhenus, Albis, & Odera, sive Viadrus. 1. Danubius omnium Europæ maximus, oritur in arce Doneschingensi Fürstenbergicæ ditionis, indeq; Ulmam (ubi illerâ amne auctus lintrium patiens est) Dilingam, Donawerdam, Neoburgum, Ingolstadium, Ratisbonam, Strauburgam, Passavium, Lincium, Viennam, &c. præterfluens, amplius sexaginta fluviiis celebrioribus receptis, in Pontum Euxinum se exonerat. 2. Rhenus in monte Adula sive S. Gothardi binis fontibus, quorum Borealior Rhenus anterior. Australior Rhenus posterior nuncupatur, scaturiens, perq; lacum Acronium, qui & Constantiensis, Brigantinus, & Podamicus appellatur, suum profle-

quens cursum, Scaphusiam, à qua haud procul absunt cataractæ Rheni majores, & Laufsenburgum, ubi cataractæ minores, Basileam, Brisacum, Argentoratum, Spiram, Wormatiā, Moguntiam, Coloniā, &c. præterlabitur, donec in Belgio in alia atquè alia divisus cornua inter arenarum tandem cumulos absorbetur.

3. Albis in Bohemiæ, & Silesiæ limitibus nascens, Dresdam, Misenam, Wittembergam, Magdeburgum, & Hamburgum præterfluit, ac demum vastissimo Ostio in Oceanum Germanicum se effundit. 4. Odera in Silesiæ, & Moraviæ confinibus ortus Silesiam, & Marchiam Brandenburgicam rigat, inq; Pomerania citeriore in aquarum sinum, sive lacum diffusus, tribus Ostiis mari miscetur Baltico.

4. *Quæ porro terra indoles?*

Frumento, vino, pascuis, pecoribus, feris, leguminibus, arborum fructibus omnis generis: metallis itè & mineralibus, rebusquè cæteris ad vitam non commodè tantum, sed delicate quoq; ducendam abundat.

5. *Qui Germanorum mores?*

Ad artes, & scientias omnes apprimè sunt idonei, utpote ad quas nec ingenium ipsis, nec industria deest. Typographiam, Chalcographiam, pulverem nitratum, bombardas, aliàquè plurima Germani invenère. Fortitudine porro ac virtute bellica ità semper prestabant, ut idcirco Germani, quasi *prorsus viri*, & *Allemani*, omnes *viri* fuerint cognominati. Admirationi olim omnibus erat adolescentum continentia,

tinencia, conjugatorum fides thori inviolabilis, candor, fidelitas, sinceritasq; summa, & immota præcipuè in Orthodoxa Religione constantia. Sed fidem propè superat Germanorum in fundandis dotandisq; Templis, Monasteriis, Sacerdotiis; Xenodochiis, aliisq; pietatis monumentis liberalitas, & munificentia, quàm vel saxa ipsa hodieq; loquuntur. At verò laudes has plurimùm obscuravit cum luctuosissima illa tot millium Germanorum ab avita fide, religioneq; Orthodoxa defectio; tum inconsultū prorsus peregrinas uti vestes, ita & mores imitandi studium. Unde aliarum nationum simii haud injuriā appellari solent, qui utinam earundem potiùs virtutes, ac prærogativas, quàm vitia, & abusus æmulari studerent.

6. *Qua in Imperio Germanico regiminis forma?*  
Monarchia, Aristocratia permixta.

7. *Qua ibidem Religio?*

Fuit hæc inter præcipua inclytæ Germaniæ decora, quòd jam indè à tempore illo, ex quo nomen dare cœpit Religioni Catholicæ, constantiâ verè Germaniâ in eadem semper permaneris immota, *fidei ac labii unius*, quo ad Lutherus impia novarum rerum molitione confusionem plùs quàm Babylonicam, & chaos horrendum invexit. Unde factum, ut in luctuosissima alia rerum omnium conversione, ac perturbatione secta queque Lutherana, & Calviniana pluribus in locis Religionem Catholicam antiquissima sua statione, quàm per tot sæcula tenuit, dejecerit.



8. *Qui Ordines, Statusque Imperii Romano-Germanici?*

1. Imperator tanquam Caput. 2. Electores Sacri & Profani. 3. Archiepiscopi, & Episcopi. 4. Ordinum Magistri. 5. Duces ac Principes laici. 6. Principes Abbates, & Praepositi. 7. Abbates, & Antistites non Principes. 8. Imperii Comites. 9. Equites, & Nobiles. 10. Urbes Imperiales.

9. *Quae Imperii Germanici divisio?*

Hoc Maximilianus I. An: 1512. divisit in decem, ut vocant, *Circulos*, quorum tres: Austriacus nempe, Bavaricus, & Suevicus Danubio; tres: Rhenanus nimirum Superior, & Inferior, ac Westphalicus Rheno; tres item: Franconicus, Saxoniae Superior, & Inferior Mæno, Albi, & Oderâ fermè circumscribuntur. Circulum Burgundicum, qui Burgundiae antehac Comitatum, à Gallis postea occupatum, & Belgii Provincias tum Batavorum defectione, tum armis Gallicis ab Imperio magnam partem avulsas, complectebatur, silentio praetermittimus. Circuli hujus Director erat Hispaniae Rex.

### §. III.

De magna Peninsula Scandia, sive Scandinavia.

*Quae haec Europae pars?*

Extrema Septentrionem versùs, Sueciam, & Norwegiam complectens. Nos Daniam quoque.

quæ adjungimus, utpote conterminam, & eide-  
dem, cui Norwegia, Domino subiectam.

## SUECIA.

### I. *Qui Sueciæ limites?*

Ad Septentrionem Lappiâ Norwegicâ, ad  
Ortum Moscoviâ, ad Austrum Mari Baltico,  
& Curlandiâ, ad Occasum Norwegiâ clauditur.

#### 2. *Quæ aqua?*

Mare Balticum, sinusq; Bothnicus, & Fin-  
nicus, cum multis lacubus locisq; paludosis.

#### 3. *Quæ aura?*

Perfrigida; attamen, in parte præsertim  
Australi, ubi pauciores sunt paludes, pura, op-  
pidoquæ salubris, ita ut non raro incolæ vitæ  
ultra centum annos producant. Pars porro  
Septentrionalior ob crebras paludes insalu-  
bris est.

#### 4. *Quæ soli fertilitas?*

Id de Europa universa generatim dicen-  
dum, regiones Boreales eò minùs esse frugi-  
feras, quò propiùs ad Polum accedunt; con-  
trà quò longiùs indè recedunt, eò esse ferti-  
liores. Superior igitur Sueciæ tractus cum ob  
frigoris inclementiam, tum ob frequentes pa-  
ludes sterilis admodum est. Australior verò,  
non obstante sex mensium peracri hyeme, tri-  
tico, pascuis, sylvis, cervis, alcibus, mustelis  
alpinis, &c. abundat. Nec usquam æris venas  
oppulentiores reperias.

#### 5. *Quæ præcipua Sueciæ partes?*

1. Gothia. 2. Suecia propriè dicta. 3. Lap-

pia Suecia. 4. Finnia. Ingria porro, & Livonia ditionis hodie sunt Moscovicæ.

6. *Quæ Regni Metropolis?*

Holmia, quæ multis è Mari prominentibus scopulis cingitur.

7. *Qui Suecorum mores?*

Sunt frigoris, Indiæ, laboris patientes, robusti, bellicosi; imò & truculenti. In quod maximo suo damno experta est Germania nostra, centum abhinc annis, quando in patriâ, Religionisquæ Orthodoxæ excidium Sueci, à Germanis heterodoxis evocati, immanitate plus quam barbara sæviere in Catholicos

8. *Quæ regiminis forma in Suecia?*

Olim nihil gravioris momenti licebat Regi suscipere, quin prius quatuor regni ordines, nempe Ecclesiasticorum, Nobilium, Civium, & Rusticorum in consilium, adhiberet, quoad anno 1680. Carolo XI. suprema ab iisdem potestas est concessa; quâ tamen à Carolo XII. oblitu Ulrica Eleonora, Regis defuncti soror, cum Friderico Hasslo. Casselano, thori regniquæ consorte, se denuo abdicavit.

9. *Quæ ibidem Religio?*

Lutheri ubiquæ doctrina, velut Evangelium, recepta est.

## N O R V E G I A.

### I. *Qui regni hujus termini?*

Ad Septentrionem, & Occidentem Oceanus Germanicus, ad Meridiem sinus Scagensis, seu Danicus, ad Ortum perpetuus montis tractus, quò à Suecia sejungitur.

2. *Quæ aqua?*

Occidentem versùs in Oceano Germanico est vortex sive Euripus omnium maximus (vulgò *Mál-Strom*) qui naves oneraria, & vicina quæquè absorbet.

3. *Quæ terra indoles?*

Regio hæc ob desetta, & inhospita tesqua, horridaq; montium altissimorum juga partem potissimam aspera est, & inculta; frugum tamen sat ferax, ubi solùm culturæ patiens est. Arbores ibi prægrandes, malis navibusq; fabricandis aptissimæ; æris itèm, magnetis, picis, pellium, ac piscium, asellorum præcipuè marinorum, qui in vicino Mari capiuntur, magna copia.

4. *Quæ Norvegia partes?*

Sex complectitur Provincias. 1. Bahusiam, quæ Suecorum est. 2. Aggerhusiam. 3. Bergensem, ubi Berga Metropolis, Regni Præfecti sedes. 4. Stavangriam. 5. Nidrosiam. 6. Wardhusiam.

5. *Qui Norvegorum mores?*

Gens est rudis; in arte tamen fabrili probè exercitata, algoris, inedia, ac laboris tolerans, piscatuquè & venatione ut plurimum vitans.

6. *Quæ eorundem religio?*

Et hi Lutheri placita, tanquam dogmata Evangelica, amplectuntur.

7. *Qui, qualesquè Lappones?*

Hi triplicis sunt generis. 1. Qui ad Boream sunt remotissimi, Daniæ Regi parent. 2. Qui

ad

ad Ortum habitant, sub Moscorum sunt imperio. 3. Reliqui, iique potiores sinum Bothnicum versùs. Sueciæ Regi subsunt: genus hominum barbarum, sylvestre. superstitiosum, ac veneficiis infame, qui ventos navigaturis vendere dicuntur. Equorum loco rangiferos, cervis haud multum absimiles, vehiculis jungunt, seu trahis, quibus brevissimo temporis spatio maxima conficiunt itinera.

## D A N I A.

### 1. *Quæ Rēgni hujus consinia?*

Ad Septentrionem, & Occidentem Mare Germanicum, ad Orientem sinus Scagensis, & Mare Balticum, ad Austrum Holsatia.

### 2. *Quæ aqua?*

Præ cæteris memorandus sinus Scagnensis (aliis Codanus, aliis Danicus, Juriam inter & Sueciam ac Daniæ insulas) ex quo triplex in Mare Balticum transitus, nempe 1. per fretum Balticum minus Jutiam inter & Fioniam. 2. per fretum Balticum majus Fioniam inter & Seelandiam 3. per fretum Sundicum (inter Helsingam Scaniæ, & Croneburgum Seelandiæ urbem) tam angustum, ut tormentis utrinque incesse possint navigia. quæ hic vela demittere, & constitutum à Daniæ Rege portorium pendere coguntur.

### 3. *Quod cæli solique ingenium?*

Aura perfrigida est; terra frumento, pascuis, equis ferisque abundat.



4. *Quæ Daniae Provinciae?*

1. Jutia peninsula, olim Cimbrica Chersonesus. 2. Seelandia, & Finnia Insulae majores, cum multis aliis minoribus.

5. *Quæ Regni Metropolis?*

Hafnia in insula Seelandia, ubi portus insignis.

6. *Qui Danorum mores?*

Navigationibus etiam remotis jam olim assueti, mercimoniis præcipuè dant operam, ad scientias æquè atq; arma tractanda idonei.

7. *Quod Regimen?*

Monarchicum.

8. *Quæ Religio?*

Verâ Evangelii doctrinâ repudiata, Luthe-  
ro adhæsere, non paucis tamen Catholicorum  
ceremoniis retentis.

§. IV.

M O S C O V I A.

1. *Qui Moscoviæ fines?*

Ad Septentrionem Mare habet glaciale, ad  
Occidentem Lappiam Norvegicam, Poloniam,  
& Sueciam, ad Austrum Tartariam minorem,  
Circassiam, Mare nigrum, & Caspium, ad Ori-  
entem Tartariam majorem, sive Asiaticam.

2. *Qua aqua?*

Fluvii Volga, Obius, Tanais, Dvina, &c.  
Lacus Ladoga longus 36. latus 20. milliaria  
Germanica, & Lacus Onega, qui longitudine  
50. latitudine 18. milliaria completi dicitur.

3. *Quæ*

3. *Quæ terræ indoles?*

Regio hæc spatiis ingentibus diffusa in mediterraneis ferè plana est; ad oras verò maritimas in montes assurgit altissimo, plena passim sylvis, lacubus, & majoribus fluminibus, quorum aquæ ingenti labore sumptuq; at non minore operæ pretio compendioq; per factitios alveos sive *Canales* jungi nuper, committiquè cœpêre, ut indè in Maræ Balticum, & Caspium, Pontumquè Euxinum navibus liber pateat accessus. Aura potiore anni partem frigidissima est, quam æstas subinde excipit tã fervida, ut serant alicubi ineunte Junio, Julio exeunte metant. Feris sylvæ abundant. Loca deserta non pauca, in Siberia præsertim, ubi prætiosæ murium Ponticorum, & Mustelarum Scythicarum pelles, quas ut integras servant, bestiolas illas telis obtusis, inq; nasum ferè directis, dejiciunt ex arboribus.

4. *Quæ Moscoviæ partes?*

Quatuor præcipuæ 1. *Russia Occidentalis*. 2. *Russia Orientalis*. 3. *Tartaria Moscovitica*. 4. *Lappia Moscovitica*, quibus aliæ multæ Provinciæ nuper Suecis ereptæ accessêre, nempe *Livonia*, *Ingria*, *Careliæ* pars, ubi mediis in aquis Sinûs Finnici ad Nievæ ostium An: 1703. ædificari cœpta est urbs longè munitissima *Petersburgum*, ut taceam urbes regionesquè alias Persico bello partas.

5. *Quæ Metropolis?*

*Moscua*, quæ omnium Europæ urbium amplissima esse perhibetur ad Moscum amnem.

6. *Quæ*

6 *Qua incolarum mores?*

Gens hæc rudis omnino erat, barbara, & inculta, quoad Petrus I post varias Europæ regiones peragratas bonarum artium disciplinas, cumquæ his mores pariter cultiores politioresquæ hæc in terras cœpit invchere.

7. *Qua ibidem regiminis forma?*

Imperiota prorsus ac despotica; nam subiecti omnes perinde habentur atquæ mancipia, quorum & bona omnia, & vita ipsa è Czari pendet arbitrio. Nequæ plebii solum, sed & optimates ob lævia sæpe delicta si non morte, fustuario certè mulctari solent.

8. *Qua Moscorum religio?*

Hic cum Græcis Schismaticis fermè conveniunt.

## §. V.

# TURCIA EUROPÆA.

### 1. *Quos hæc habet terminos?*

Ad Septentrionem Poloniam, & Hungariam; ad Ortum Pontum Euxinum; ad Austrū Mediterraneum, ad Occasum Mare Adriaticum.

### 2. *Qua præcipua ejusdem partes?*

1. Bulgaria, Bessarabia, Thracia, sive Romania, Græciaquæ universa, quæ uno omnes nomine *Romelia* appellantur, atquæ à supremo Præfecto *Beglerbeg* dicto, cujus sedes urbs *Sophia* Bulgariæ Metropolis, administrantur. 2. Bosniæ, Creatiæ, Dalmatiæ, & Serviæ pars.

3. Inz

3. Insulæ Creta, sive *Candia*, centum olim urbibus frequens, & Eubœa vulgò *Negroponte*, cum aliis Archipelagi Insulis, quarum plerisque nova hodie nomina indidère. Has inter est Insula Pathmos, sive *Palmosâ*, ubi S. Joannes Apocalypsin scripsit.

3. *Quæ Imperatoris Turcici sedes?*

Adrianopolis primùm, donec sedes regia Constantinopolim (Turcæ Stambol vocant) Anno 1453. à Mahomete II. captam est translata.

4. *Quæ Turcarum ingenia?*

Gens hæc atrox, truculenta, & barbara, ad regnorum, bonarumquæ artium excidium nata, non propria virtute, sed Principum Europæorum dissidiis, gravissimisquæ Pseudochristianorum præcipue ipsis adeò Turcis pejorum, flagitiis ad tantum dominationis fastigium est grassata.

5. *Quæ Turcarum religio?*

Nefariis omnes impii Mahometis superstitionibus sunt dediti, quibus immistis Schismatici Græci, Deo & Ecclesiæ rebelles, miseram serviunt servitutem.

6. *Quæ celebriores antiqua Græciæ Provincie?*

1. Macedonia, ubi Thessalonica, hodie *Salonichi*. 2. Albania, sive *Arnaut*. 3. Epirus. 4. Ætolia, ubi Actium promontorium. 5. Achaja, nunc *Livadia*, ubi olim Athenæ urbs Academia toto orbe celeberrima, mons Parnassus, aliæque antiquitatis monumenta. 6. Thessalia,

salia, sive Janua, ubi Campi Pharsalici, amœ-  
nissima Tempe, mons Olympus, &c. 7. Pello-  
ponnesus, sive Morea, ubi Corinthus, Sparta, &c.  
fuerat.

7. *Quis Græciæ hodiernæ status?*

Nobilissima hæc regio, omni antehac disci-  
plinæ genere longè excultissima, sedes  
nunc est ignorantie, meraquè barbaries.

8. *Quæ terra fertilitas?*

Hæ aliæq; Turcicæ ditionis Provinciæ erant  
olim cultissimæ, rerumq; omnium affluentia re-  
fertissimæ; quæ tamen hodie ob incolarum,  
vel inscitiam, vel inertiam magnam partem  
neglectæ jacent.

§. VI.

B R I T A N N I A

1. *Qui hujus situs?*

Undiquè Mari cingitur, ad Septentrionem  
Caledonio, ad Occasum Hibernico, ad Austrum  
Britannico, ad Ortum Germanico, ubi Batavi  
magnum quotannis quæstum ex halecum ca-  
ptura faciunt.

2. *Quæ Britannie divisio?*

Insula hæc, omnium Europæ maxima, An-  
gliæ, & Scotiæ regna complectitur, & Britan-  
nia magna appellatur. Huic Occidentem ver-  
sus adjacet Hibernia, quæ cum pluribus aliis  
insulis minoribus Britannicæ Regi subjecta est.

3. *Qui fluvii præcipui?*

In Anglia Tamesis, Tavus in Scotia, ubi  
Opusc. 4. tum. F qua-



quatuor magna æstuaria, quæ Scoti *Fyrth* vocant, in Hibernia Senus.

4. *Quæ urbes primariæ?*

Angliæ Londinum, Scotiæ Edenburgum, Hiberniæ Dublinum.

5. *Quæ celi affectio soliquè natura?*

In Anglia aura humidior, crassiorquè, temperata tamen. Terra ut ut fertilissima, vinum tamen non profert. Lana, stannum, & equi Anglici præ reliquis commendantur. Asperioris, & cœli, & soli est Scotia; unde minor frugum, maxima verò piscium. halecum præcipuè ac salmonum copia. In Hibernia ob crebros lacus, & paludes aër gravior, minusquè salubris est; prata tamen pecoribus, lacus piscibus, maximè salmonibus, abundant.

6. *Quis incolarum genius?*

Hi quamdiu religioni veræ adhæserant, miris passim laudibus efferebantur; at postquam ab ea defecere, toti patiter à se ipsis degenerarunt. Adeò nempe si non unica, optima certè morum magistra religio est Orthodoxa, quæ si exulare cogitur, vera pariter virtus, honestas, politia, &c. exulet, necesse est. Quòd si populo hujusmodi fœdifrago veræquè religionis desertori ferociiores insuper animi impetus natura indidit, quid, nisi casus tragicos, turbulenta, dira, funesta quæquè expectes?

7. *Quæ regiminis forma?*

Monarchia, cum Aristocratica, & Democratica permista.

8. *Qui*

Catholica tantopere olim floruit, ut multæ Europæ Provinciæ, ac nostra præcipuè Germania primos Orthodoxæ Fidei Magistros, & Apostolos Britannia deberet. At verò post horrendum illud schisma ab Henrico VIII Ecclesiæ DEI propugnatore primùm strenuò, dein hoste infensissimo introductum, merum diversarum sectarum chaos hodiequè lugentes conspiciamus.

9 *Quis antiquæ Britannie status?*

Hæc Albion primùm, tum à Romanis victoribus Britannia appellata est. Præfidiis exinde Romanis ad Galliam defendendam avocatis, Britanni Anglos, Saxonum Coloniam, contra vicinorum hostium incursiones in subsidium advocârunt, à quibus strenuè primùm adjuvi, dein contra fidem datam patriâ pulsi, partim in extremum Gallix angulum sedem nomenq; transulère, partim in montes Cambriæ (Walliam hodie vocant) se recepère, retenta in hanc usquè diem antiquæ Britannia linguâ. Britannia subinde à novis incolis Anglis Anglia vocari cœpta est.

§. VII.

I T A L I A.

1. *Qui ejus termini?*

Italia, ocreæ figuram referens, Septentrionem versùs à Germania, Helvetia, & Gallia, Alpibus submovetur; cætera verò mediterraneo undiq; Mari cingitur.

2. *Qui fluvii præcipui?*

Padus, quem Pòetæ Eridanum vocant, Tiberis, & Athesis.

3. *Quæ terra fertilitas?*

Tanta, ut Europæ Paradisus appellari haud injuriâ possit; nam vinum generosum, poma optima omnis generis, sericum, resque alias ubertim suppeditat.

4. *Quæ Italia divisio?*

In superiorem, mediam, & inferiorem dividi percommode potest. In parte superiore, seu Boreali septem sunt Ducatus, nēpe Sabaudia, Pedemontium, Mons-Ferratus, Ducatus Mediolanensis, Parmensis, Mutinensis, & Mantuanus. Tres itēm Respublicæ, Veneta, Genuensis, & Lucensis. In Italiæ medietullo ditio est Summi Pontificis, & magnus Hetruriæ Ducatus: in parte inferiore, seu Australi regnum Neapolitanum. Italiæ circumiacent Insulæ majores: Sicilia, Sardinia, Corsica, & Melita, cum minoribus quibusdam.

5. *Quæ urbs Italia primaria?*

Roma, Imperii primùm profani, imò & veteris orbis universi caput; indè verò Imperii Ecclesiastici, non per veterem duntaxat, sed novum insuper orbem quaquaversus dilatati Metropolis, Summiq; Pontificis, & Christi in terris Vicarii sedes.

6. *Quæ religio?*

Sola hic religio Catholica sedem fixit stabilem, nullis unquam inferorum machinis evertendam.

7. *Qui*

7. *Qui Italorum mores?*

Perspicaci sagacique sunt ingenio, ac rerum omnium capaci. Dicuntur tamen astuti, subdoli, gloriæ, vindictæ & pecuniæ tenaces non minus quàm appetentes, ac medium quodammodo tenere Hispanicam inter gravitatem, & levitatem Gallicam.

8. *Qua prisca Italia divisio?*

Pars Italiæ superior, ubi Pedemontium, Mediolanum, Parma, &c. Gallia *Cisalpina*, sive *Togata* vocabatur. Versus Dominium Venetum erat Gallia *Transpadana*; *Cispadana* autem versus agrum Florentinum. Omnis hic Italiæ superioris tractus post Longobardorum irruptionem Longobardia dicta est. In media Italia erat Etruria, sive Tuscia, Græcis Tyrrhenia, hodiernis Italis Toscana. Campania Romana, cujus caput Roma, majorem Latii antiqui partem continet, ubi olim Latini, Sabini, Rutuli, Volsci &c. Ducatus Spoletanus *Umbria* Marchia Anconitana Picenum nominabatur. In Italia inferiore erat 1. Samnium, ubi hodie Beneventum. 2. Campania Felix, ubi Neapolis, Capua, Nola, &c. 3. *Græcia magna*, Apuliam, & Calabriam, quæ inferior regni Neapolitani pars est, complectebatur. In antiqua Calabria erat urbs Tarentum. Hodierna Calabria Siciliam versus protenditur.

F 3

§. VIII.

## G A L L I A.

### 1. *Qui regni hujus limites?*

A Septentrione Mari Britannico (nautæ Canalem, Galli *la Manche* sive *manicam* vocant) partequè Belgii; ab Occasu Oceano Atlantico; à Meridie montibus Pyrenæis, quibus ab Hispania sejungitur, & Mari Mediterraneo; ab ortu Sabaudia, Comitatu Burgundiæ, Lotharingiæ, & parte Belgii terminatur.

### 2. *Qui celebriores Gallia fluvii?*

Sequana, Ligeris, Garumna, & Rhodanus.

### 3. *Quæ cæli soliquè affectio?*

Cæli temperies salubris; solum oppidò fecundum, præcipuè in Provincia versùs Mare Mediterraneum, Vina Campana, & Burgundica passim commendantur.

### 4. *Quæ Gallia diviso?*

Duodecim complectitur Provincias, quarum tres, Insula nempe Franciæ, Provincia Aurelianensis, & Lugdunensis meditullium ferme obtinent. Tres ad Septentrionem recedunt, Britannia nimirum, Normannia, & Picardia. Tres Orientem spectant, nempe Delphinatus, Burgundia, & Campania. Tres tandem, Provincia videlicet, Occitania, & Aquitania Austrum versùs, Mari Mediterraneo, & Hispaniæ adjacent.

### 5. *Quæ Gallia Metropolis?*

Lutetia, sive Parisii ad Sequanam.

### 6. *Quis*



6. *Quis Gallorum genius?*

Sunt festivi, comes, affabiles, ad res gerendas non minùs, quàm excogitandas prompti, & expediti, variis in artibus, ac scientiis exercitati; sui tamen, rerumq; suarum immodici æstimator, leves, instabiles, novarum semper rerum, atquè elegantiarum in vestitu præsertim, architecti, quibus aliarum nationum oculos fascinant, & loculos emungunt.

7. *Quæ ibidem regiminis forma?*

**Monarchica.**

8. *Quæ religio?*

Catholica nisi quòd hæresis Janseniana, Vaticanis licèt fulminibus toties percussa, totòquè orbe reliquo exulare iussa, in Gallia salyllum magno identidem molimine quaritur, inventura haud dubiè, nisi Regis Christianissimi, totquè virorum, purpurâ, intulis, togâ, sagòquè, virtute itèm, & doctrinâ omnigenâ conspicuorum zelus, & invictâ constantiâ totis viribus obniteretur.

9. *Quæ Gallie antiquæ divisio?*

Generatim dividebatur in Galliam Cisalpinam, & Transalpinam. Cisalpina complectebatur maximam Italiæ Borealis partem, ubi Insubres agrum Mediolanensem, Ligures Genuensem, Taurini Pedemontium, &c. incolerent. Gallia Transalpina in Comata, & Braccata; Comata rursus in Belgicam, Celticam, & Aquitanicam dispertiebatur. Gallica Belgica hodie pars est Belgii, & Germaniæ. In hac Ubii, circa Coloniam, Vangiones circa

Wormatiam, Tribocci circa Argentinam, &c. confedère. Gallia Celtica agrum Lugdunensem, Britanniam, Normanniam, &c. Aquitania verò Vasconiam, Occitaniam, Agrum Aurelianensem, &c. complectebatur. Gallia Braccata, five Narbonensis *Provinciam* propriè dictam, & Delphinatum, &c. complexa, appellabatur Provincia Romanorum, quia hi inde initium fecère Galliae sub imperium suum redigendæ.

## §. IX.

# HISPANIA.

## 1. *Qui Hispaniæ limites?*

A Septentrione Oceanum respicit Cantabrium; ab Ortū æstivo montes Pyrenæos; à Meridie, & Ortū hyberno Mare Mediterraneum; ab Occasu Lusitaniam, & Oceanum Atlantici-

KLXVII.

## 2. *Qui præcipui Hispaniæ fluvii?*

Iberus, & Bætis, five *Guadalquivir*. Tagus itèm Durius, & Anas, five *Guadiana*, qui tres etiam Lusitaniam rigant.

## 3. *Quæ cæli soliquè natura?*

Aër, in partibus præcipuè Australibus præfervidus interdiu, noctu frigidiusculus, ac penetrantis cujusdam, stomachoq; adversantis acrimoniæ. Unde hic, perinde atque in Italiæ locis quibusdam, periculosum perhibent, apertis fenestris noctu somnum capere. Solum admodum fertile est, longè fertilius futurum, si diligentius excoleretur.

## 4. *Quæ*

4. *Qua Hispania divisio?*

Ex pluribus constat regnis, ac provinciis. In ipso ferè meditullio regna sunt Castellæ veteris, ac novæ cum regno Legionis: Gallæcia, Austria, & Biscaya, sive Cantabria versus orâ Oceani Septentrionalem ab Occasu in Orrum procurrunt. Montibus Pyrenæis adjacent Navaria, Aragonia, & Catalonia: Mari verò Mediterraneo regna Valentia, Murcia, Granata, & Andalusia.

5. *Qua Hispania Metropolis?*

Madritum, in castella nova, ubi sedes regia.

6. *Qui genti huic mores?*

Hispani profundo reconditoq; sunt ingenio, severiorum magis disciplinarum, quàm artium liberalium cultores; circumspecti, auctoritatis, gravitatis, secretiq; apprimè tenaces; quoque in deliberationibus, & consultationibus tardiores, eò in rebus semel decretis sunt constanter. Ac licet à labore rusticano, & opificiis ut plurimum abhorreant, virtutis tamen bellicæ, præsertim Caroli V. & Philippi II. temporibus eximia prorsus dedere specimina, laborum quorumvis patientissimi.

7. *Qua regiminis forma?*

Monarchica.

8. *Qua religio?*

Non nisi Catholica, quam cum Rex're & nomine *Catholicus*, tum rerum hæreticarum quaesitores ità sartam adhuc rectamque contervârunt, ut nulli hæreticorum sedem illic stabilem capere in hanc usquè diem licuerit.

9 *Quæ antiquæ Hispaniæ divisio, & appellatio?*

Hæc Hesperia quoq; ultima (quo nomine ab Italia, *Hesperia* simpliciter vocari solita, dicebatur) Iberia item & Celtiberia appellata, atque in Hispaniam citeriorem, & ulteriorem divisa est. *Citerior*, sive Tarraconensis, dimidia erat Hispaniæ pars, quæ Romæ fuerat vicinior; *ulterior* verò Lusitaniam, & Bæticam, ubi hodie Andalusæ, & Granatæ regna, complectebatur. Trans fretum Herculeum Mauritania erat Tingitana, Hispanicæ tunc conditionis. In Celtiberia eminebat urbs Numantia, post diutinam obsidionem à Scipione tandem deleta.

## LUSITANIA

sive

## PORTUGALIA.

### *1. Qui regni hujus termini?*

A Septentrione, & Oriente Hispaniæ contermina est: ab Occasu, & Meridie Oceano Atlantico alluitur.

### *2. Qui fluvii?*

Præcipuus est Tagus, ad cujus ostium urbs est Ulyssipo, Lusitaniæ Metropolis sedesque regia.

### *3. Quæ terra indoles?*

Solis calorem venti, à Mari identidem spirantes, mitigant; hinc cœli temperie, ac fertilitate Lusitania Hispaniam superat, vino, oleo, arborum fructibus, pascuis, &c. dives.

### *4. Quæ*

Completitur Lusitaniam, sive Portugaliâ propriè dictam, & Algarbiam.

5. *Qui Lusitanorum mores?*

Sunt frugales, & ad rem suam attentî; liberales nihilominus erga egenos, Deoque dicatos homines; in templis exornadis piè prodigi; religione in DEUM Deiq; Matrem nulli secundi; scientiis itèm, mercimoniis, & armis, clari.

6. *Quæ ibidem religio floret?*

Sola Catholica, perinde atque in Hispania.

7. *Quo nomine prisci Romani regionem hanc appellabant?*

Pars hæc erat Hispaniæ ulterioris, Provincia Lusitanica nuncupata.

## C A P U T IX.

Novæ minores Europæ partes.

### §. I.

De quatuor minoribus partibus, seu regionibus, Galliam inter & Imperium Germanicum interjectis, Belgio nempe, Lotharingia, Helvetia, & Sabaudia.

## B E L G I U M.

1. *Quis regionis hujus status?*

Hæc urbium magnificentia, & frequentia pagorum, & negotiandi opportunitate, pluribusq; aliis prærogativis, totius Europæ regio flo-



florentissima merito censebatur, eo præsertim tempore, quo uni parebat Domino universa. At post plurium Provinciarum ab Religione Orthodoxa, Regeq; Catholico defectionem, accedentibus insuper Gallorum irruptionibus, & continuis propè belli calamitatibus de pristino illo splendore haud parùm deperdidisse visa est.

2. *Quæ Belgii hodierni partitio?*

Dividitur in Belgium Austriacum, Gallicum, & Fœderatum, sive in Belgium Catholicum, & Acatholicum.

3. *Quæ Belgii Catholici Provincia?*

Ex his Domus Austriaca possidet partem potissimam quatuor Ducatum Brabantiae, Limburgi, Geldriae superioris, & Luxemburgi, ac Flandriae Comitatus: partem itèm Comitatus Hannoviae: Comitatum Namurcensem, Marchionatum Antverpiensem, & Dominium Mechliniense. Gallicæ verò ditionis sunt Artesiae Comitatus cum parte Brabantiae, Flandiae, Hannoniae, & Luxemburgi.

4. *Quæ fœderati seu Acatholici Belgii Provincia?*

Hæ septem: quæ vulgò *Hollandia* appellari solent, nempe duo Comitatus, Hollandiae, & Zelandiae: quatuor Dominia, Frisense, Groningense, Transsalanum, & Ultrajectense cum Geldria inferiore, quò Zutphania quoquè Comitatus pertinet.

5. *Quæ Belgarum mores?*

Gallo-Belgæ Gallis uti linguâ habitûque, ità & moribus propiùs accedunt. Flandro-Bel-

gæ verò, à Flandria, nobilissima Belgii Provincia appellati, Germanis magis sunt moribus, ut pote sinceri, candidi; perhumani, gnavi, industrii frugales, labori à teneris assueti, ingeniosi, & ad omnes scientias, & artes idonei non minus, quàm expediti. Præcipuam tamen operam dant faciendæ mercaturæ, cum ob majorum fluminum alveorumque factitiorum frequentiam.

*6. Quæ Belgii urbes præcipuæ?*

In Brabantia Bruxellæ, Lovanium, Antverpia, Mechlinia, &c. In Flandria Gandavum, Bruga, Ostenda, Ipræ, Novoportus, Tornacum, Menena, &c. In Hannonia Montes, Athum, &c. Limburgum itèm, Luxemburgum, Chiniacum, Namurcum, Caroloregium, Ruremunda, &c. quæ pluresque aliæ urbes omnino insignes Austriacæ Domui sunt subjectæ. Galli porrò Atrebatum, Cameracum, Gravelinam, Insulas, &c. Batavi verò Amsterodamum, Rotterodanum, &c. occupârunt.

## LOTHARINGIA.

*Quæ, qualisque hæc regio?*

Regni Austrasiæ pars olim erat. Hodie in gemios Ducatus, Lotharingiæ nempe præfatus sumptæ, & Ducatum Barrensem dividitur, estquè magnorum Heroum patria. Et quamvis montosa sit ac saltuosa, frumenro tamen, vino, & pecoribus, &c. abundat. Urbs Princeps est Nancejum, Ducis sedes. Incolæ Gallice ut plurimum loquuntur. Ad Lotharingiam quoque

quoque pertinebant tres nobilissimi Episcopatus Metensis, Tullensis, & Virodunensis, quos Gallia Rex Henricus II. An. 1552. ab Imperio Germanico avulsit, Jurisdictione tamen Ecclesiastica penes Archiepiscopum, & Electorem Trevirensensem in hanc usque diem remanente.

## HELVETIA.

### 1. *Quæ regionis hujus natura, & constitutio?*

Tota ferè montibus veluti nativis propugnaculis obvallatur, ac in tredecim territoria, seu *Cantones* distinguitur, è quibus Lucerna, Uria, Sunitia, Subsylvania, sive Underwaldia, Tugium, Friburgum, Solodorum cum parte Glaronæ, & Abbatiscellæ, cum Vallesia itèm universa, pluribusquè aliis urbibus, ac locis fœderatis in avita semper religione perstitère immobiles: Tigurum verò, Berna, Basilea, & Schapusia, cum parte Glaronensium, & Abbatiscellanorum, &c. Zwinglium infamem illum Fidei Orthodoxæ desertorem, ac transfugam secutæ, prisca progenitorum suorum religione adjurata, novitiæ sectæ adhærere.

### 2. *Quæ terra, & incolarum indoles?*

Terra lætis undique pascuis viret; indè incolæ ex pecuaria permagnum capiunt quæstû. Quantus porrò Helvetiorum Orthodoxorum in Fide Catholica, Christiquè Vicario defendendo jam olim fervor fuerit & constantia, indè patet, quòd Julius II. An. 1512 Helveticos Pontificia dignitatis propugnatores, & defen-

fores; ac Leo X. An: 1515. *Ecclesiæ defensores* appellare non dubitaverit. Helvetiorum quoque fidelitas, sinceritas, temperantia, industriosa sedulitas, ac virtus præsertim bellica passim celebratur ab Historicis. Regimen alicubi Aristocraticum, alibi Democraticum est.

## S A B A U D I A.

1. *Quid de hac generatim dicendum?*

Sabaudia Ducatui ab Austro Pedemontium à Septentrione lacus Lemanus, ab Occasu Gallia, ab Ortu Valesia est contermina. Aura ob crebros montes, perpetua rigentes glaciæ, frigidior est; regio tamen populosa, nec infœcunda. Incolæ admodum industrii sunt, & laboriosi. Monticolæ relicto passim solo patrio, Ægæis mercibus distrahendis regionatim lucellum quærunt.

### §. II.

Quinq; reliquæ Europæ partes, Poloniam inter & Turciam Europæam, Hungaria nempe, Transylvania, Valachia, Moldavia, & Tartaria minor.

## HUNGARIÆ REGNUM.

1. *Quis Hungariæ situs, atque divisio?*

Ad septentrionem montibus Carpathiis à Polonia, Silesia, & Moravia sejungitur: ad Ortum Transylvaniæ, & Valachiæ; ad Austrum Sclavoniæ & Serviæ; ad Occasum Austriæ contermina est; dividiturque in Superiorem, & Trans-

Transdanubianam Septentrionem versùs, & inferiorem, seu Cisdanubiam Meridiem versùs. Buda Regni totius caput, regiaquè olim sedes erat, Superioris Hungariæ Metropolis est Posonium, Regnum porro istud, quod fortissimum Christianæ Reipublicæ contra Turcas propugnaculum seipso fuerat, Domus Austriaca jure hæreditario possidet, utpote quod non solum in dotem pridem accepit; sed suis insuper armis iterum iterumque à præsentis exitio interituquè vindicavit.

2. *Quod soli, incolarumquè ingenium?*

Terra, licet rerum omnium copiâ ad delicias usque abundet; longè tamen uberiores ferret fruges, si diligentius excoleretur. Præ cæteris commendantur boves, vinum, & aurum Hungaricum. Incolæ magnis sunt animis, audaces, intrepidi, ad bella gerenda prompti, libertatis amantes, &c.

3. *Qua Religio?*

Jam indè à S. Stephani Regis pariter & Apostoli Hungariæ temporibus Religio Catholica semper floruit, donec Lutheri, & Calvinii, &c. sectatores non solum noxia errorum suorum zizania hic quoquè spargere, sed ipsos à deo Turcas, capitales Christiani nominis hostes in patriæ, Religionisquè Orthodoxæ excidium evocare sunt ausi. Sed posteaquam Regnum hoc universum jugo Turcico jam penitus est exemptum, spes pariter affulget, fore, ut Religio avita in antiquissimam suam possessionem postliminio restituatur.

TRAN-

# TRANSYLVANIA.

*Quid de principatu hoc prædictum commémorandum?*

Hungariæ jam olim adjuncta erat, dein propriis paruit Principibus. Nunc annis ampliùs triginta Domui subest Austriacæ. Terra, utut montibus, sylvisq; impedita, frugum tamen feracissima erat, cumq; vicina Valachia, & Moldavia olim *Dacia* vocabatur. Incolæ in tres potissimùm classes distribuuntur, in Germanos nempe, origine Saxones, Hungaros, & Siculos sive *Siculicales*, quos inter plures aliæ nationes, sectæquè diversæ degunt.

## VALACHIA, & MOLDAVIA.

*Quid de geminis hisce Principatibus cursum dicendum?*

Utraquè hæc regio suos habet Principes (Hospodaros vocant) Sultano vectigales. Terra, montosa licet ac sylvestris, frumento tamen, vino, equis generosis, armentis, & pecore abundat. Incolarum plerique Græcorum schismaticorum erroribus impliciti, aut pecuariam faciunt, aut agriculturæ dant operam, cætera bellicosi, rerum novandarum cupidi, dubiæ suspectæq; fidei.

## TARTARIA MINOR.

*I. Quæ hæc regio?*

Olim Chersonesus Taurica, hodie Tartaria Crimæa & Præcopensis dicitur, quâ Scythæ primùm, dein Tartari, ex Asia profecti, tenuere. Prin-

Opus: Acum.

G

cipem



cipem seu *Chamum* suum, qui ex *Kirai* semper familia est, ipsi quidem eligunt; sed rata omnino habenda à Sultano electio. Ea porro lege Turcis sunt subiecti, ut Sultanum, vel Vezirium, ad bella proficiscentem, cum delecta militum manu comitari cogantur, non alio numerato stipendio, nisi quod ex præda sibi vindicant.

2. *Quis Tartarorum genius?*

Domos plerique non incolunt, sed parva construunt tuguria, in acumen fastigiata, quæ caris imposita cum uxoribus, liberis, & pecoribus secum, quod lubet, circumferunt, & obviis quibusque absumptis; aliò commigrant, gens hominum barbara, bellicosa, & rapto vivere assueta.

## CAPUT X.

### Mappa Geographica Asiæ.

1. *Quis Asia situs?*

Nobis Europæis ad Orientem, partemque potissimam sub Zona temperata Boreali sita est, atque à Septentrione Oriente, & Meridie vastissimo cingitur Oceano; Occasum versus Mari rubro ab Africa, Mari verò mediterraneo, & Ponto Euxino, &c ab Europa secernitur.

2. *Quæ calis affectio?*

Aura ad Septentrionem perfrigida, in medio temperata, Austrum versus prætervida est.

3. *Quæ terre indoles?*

Septentrionem versus, ubi Tartaria major sita, terra vasta, & horrida, magnamque partem nobis incognita est. Regiones mediterraneæ

neæ uti Persia, India, China, &c. serico ro-  
matis, fructibus, gemmis, margaritis, auro,  
argentoque abundant.

4. *Quis Asiaticorum genius?*

Varius pro vario regionum situ. Nam Zo-  
næ torridæ accolæ Africanis similiore sunt,  
hoc est: inconstantes, vehementes, vafri, &  
astuti, &c. languidiores contrà ac hebetiores,  
qui ad Boream recedunt. Quibus verò miti-  
us clima obtigit, hi mitiore pariter sunt indo-  
le; molles tamen ut plurimum, delicati, & vo-  
luptatibus dediti, præsertim postquam Ortho-  
doxa Religio, optima, ut aliàs monuimus,  
morum magistra, inde exulare cœpit.

5. *Quæ igitur ibidem religio?*

Superstitio Mahometana instar luis epidemi-  
cæ totam ferme Asiam infecit. Sunt tamen i-  
bi & Ethnici, & Judæi, & Christiani non pau-  
ci: qui postremi in varias iterum sectas abiêre.

6. *Quæ Asia præ reliquis mundi partibus  
prærogativæ?*

1. Hic prima generis humani incunabula no-  
strorumq; progenitorum, & Patriarcharum pa-  
tria, ex qua deductæ in omnem terrarum or-  
bem coloniæ. 2. Hic tres illæ Monarchiæ lon-  
gè potentiissimæ, Assyriorum, Persarum, & Græ-  
corum florûere. 3. Hic artes pleræque omnes  
scientiæque inventæ. 4. Hic Theatrum erat,  
ubi ludens in orbe terrarum DEI sapientia tot  
tamquæ admiranda mundo dedit spectacula.  
5. Hic terra illa divinitus promissa, lacte, &  
melle fluens, ubi ipse DEI Filius natus, & e-  
ducatus,

ducatus, annosq; ampliùs triginta cum hominibus versatus est. 6. Indè orta DEI para, cœli terræquè Regina, Prophetæ sanctissimi, Christi Apostoli, primi illi legis Evangelicæ, ac Fidei Orthodoxæ præcones, & Doctores. 7. Hic Ecclesiæ novalis Christiquè vinea, Divinis manibus plantata, DEI hominis sudore, ac sanguine, Martyrumq; cruore irrigata, lætissimè floruit, primitiasq; tulit cœlo acceptissimas, propagines indè suas, ac germina emissura per orbem universum, &c.

7. *Quæ Asia divisio?*

Olim in Asiam majorem, & minorem; hodiè rectiùs diviseris in Imperium Turcicum, Persicum, Mogolicum, Tartaricum, & Sinicum, atq; Insulas Asiaticas.

8. *Qui potentissimi Asiæ Monarchæ?*

Turcarum Imperator, Rex Persarum, Magnus Mogol, & Imperator Sinensis, cui magna quoque Tartariæ majoris pars subjecta est.

§. I.

**Turcia Asiatica.**

*Quasnam complectitur Provincias?*

Sex: Anatoliam, Syriam, Arabiam, Georgiam, Armeniam, & Diarbechiam. Tres priores c'is, posteriores trans Euphratem sitæ sunt.

**I. ANATOLIA.**

1. *Quod regioni huic nomen? qui situs?*

Hæc, quòd Europæis ad Orientem posita sit, à Græcis Anatolia ab *Anatoly* Oriens, ab *Ital*

Italīs Levante, ab antiquis Romanis Asia minor dicta, Peninsulæ instar à Septentrione Pōto Euxino, Euphrate ab Oriente, à Meridie Mari mediterraneo, sive Lycio, & Pamphilio, ab Occidente Archipelago, Hellesponto, Propontide, & Bosphoro Thracio terminatur.

2. *Quæ terra indoles?*

Regio hæc, & cæli clementiâ, & soli ubertate, & urbium frequentiâ, & victoriis, quas tum Græci à Persis, Tum Romani à Mithridate aliisque reportârunt, longè clarissima, hodie à Barbaris neglecta, penèque deserta jacet.

3. *Quæ divisio?*

Turcæ hodie dividunt in 4. Provincias, nempe 1. in *Anatoliam* propriè dictam, quæ Occidentem & Mare Ægæum versùs olim Bithyniam, Paphlagoniam, Mysiam, Phrygiam, Lydiam, Æoliam, Joniam, Cariam, partemquæ Galatiæ complectebatur. 2. In *Anasiam*, Septentrionem Pontumquæ Euxinum versùs, ubi olim regnum Ponti, & Cappadociæ cum parte Galatiæ. 3. In *Caramaniam*, versùs Austrum, & Mare mediterraneum, ubi aliàs Lycia, Pamphylia, Cilicia, &c. 4. In *Aladuliam*, versùs Orientem, & flumen Euphratem, quæ Armeniam minorem antiquam continet. Huc quoq; pertinent Insulæ Cyprus, Rhodus, &c.

4. *Quæ celebriores hic olim urbes numerabantur?*

In Bithynia Nicæa, Chalcedon, &c. In Jonia Ephesus, Smyrna, &c. In Cilicia Tarsus: in Lydia Thyatira: in Phrygia minore Troja urbs longè decantatissima: ad Hellespontum,

sive fretum Callipolitanum Abydos, eque regione Sestos, arces munitissimæ, quas vulgò *Dardanellas majores* vocant; nam *Dardanellæ* minores in Græcia ad fauces sinus Corinthiaci utrumq; littus communiunt.

## II. SYRIA.

### 1. Quid de hac memorandum?

Syriam, sive Soriā Turcæ dividunt in tres Provincias, sive Præfecturas, Alepensem, Tripolitanam, & Damascenā, quarum singulæ à Balsa, sive Præfecto Turcico administrantur. Alepensis continet Syriæ antiquæ partem Borealem, cujus caput Alepum, urbs ampla, & commerciis florentissima. Tripolitana partē Phœniciæ, & Cælesyriæ complectitur. Urbs princeps est Tripolis ad Mare mediterraneum, ubi portus percommodus. Damascenæ Præfecturæ caput est Damascus celebre emporium ad Libani montis radices. Ad Præfecturam hanc pertinet Palæstina, cujus, uti & Syriæ solum longè fertilissimum meliorem partim culturam desiderat, idque vel ob Turcarum avaritiam, vel incolarum desidiam.

### 2. Ubinam Pentapolis, ac Mare mortuum?

Pentapolis regio olim aænissima Palæstinā inter & Arabiam, à quinque urbibus Sodoma, Gomorrha, Adama, Seboim, & Segor *Pentapolis* appellata, deflagrationis illius horrendæ reliquias longè tristissimas hodieque ostentat; universus quippe terræ illius tractus aspectu horrendus, ac summè sterilis poma profert in spe-

speciem pulcherima, sed quæ manibus contractata in cineres abeunt. Ibidem lacus est, continuum fumum, & sulphur, quasi reliquias funesti illius incendii exhalans, à bitumine, Græcè *Asphaltos*, Asphaltites dictus, tetri omnino, ac pestilentis odoris; unde nec pices, nec suæ aquis volucres. Vocatur & *Mare mortuum*, cum quod odor ejus gravissimus omnibus, vitæ præditis, adversetur, tum quod ob lentum, ac spissum bitumen nec aurâ, nec ventis moveri unquam possit.

3. Quid porrò de *Palæstina*, seu terra sancta memorandum restat?

Hæc à Chananæis primùm, hisquæ DEI monitu exterminatis, à populo Israelitico incolebatur. Termini ejus à Septentrione mons Libanus, ab Occasu Mare Syriacum (quod & Sidonium, & Phœnicium dicitur) à Meridie Arabia petraea, ab Ortus Arabia deserta. Quadrariam dividebatur. 1. In Judæam. 2. In Samariam. 3. In Galilæam. 4. In Peræam. In Judæa tribus Juda, Benjamin, Simeon, & Dan: In Galilæa Aser, Nephtali, Zabulon, & Issachar: In Samaria Ephraim cum dimidia tribu Manasse: In Peræa trans Jordanem ubi & Ituræa, & Trachonitidis regio, Ruben, & Gad cum reliqua Manassis tribu consedere. Terræ Sanctæ Metropolis, regniquæ olim Judaici sedes erat Hierosolyma, toto terrarum orbe nominatissima, hodie solo ferè nomine, & Christi sepulchro celebris.



) 104 (

### III. A R A B I A.

1. *Quid de regione hac paucis dicendum?*

Arabia triplex est, petræa, deserta, & felix, ubi varii Principes (Emiros vocant) dominantur, quorum plerique Turcis, cæteri Persis sunt vestigales. Per Arabiam petræam, majori ex parte sterilem, arenosam, ac sole torridam, populus Israëliticus, Moyse ductore, ex Ægypto in Palæstinā longo viarum circuitu est profectus. Mons ibi Sinai, & Horeb, uterque DEI cum Moyse alloquio insignis. Arabia deserta, Judæis Cedar, maximam sui partem plana est; at sterilis pariter & arenosa, ideoquē *deserta*. Arabia felix, ubi regnum Sabæ fuisse traditur, auro, gemmis, balsamo, thure, myrrhâ, aromatis, & fabis, vulgò Caffè, abundat. Inter urbes præcipuas est Mecha, Machometis patria, & Medina, ubi Pseudoprophetæ tumulus. Urbs utraque summa Machometanorum, catervatim illuc confluentium superstitione frequentatur.

2. *Quis Arabum genius, quæve cæli affectio?*

Calor ibi maximus; quem tamen rores matutini non nihil mitigant: hinc itinera noctu peraguntur. Incolæ cum armentorum gregibus pascua vagi pererrant, & Scytharum more habitant sub tentoriis, quo ad pabulū suppetit; quo absumpto aliò commigrant, latrociniiisque finitimos infestant. Qui urbes incolunt, paulò humaniores sunt, mercaturæ ut plurimum dediti, Machometis tamen erroribus omnes impliciti,

( 105 )  
IV. GEORGIA.

*Ubinam sita hæc regio?*

Pontum Euxinum, & Mare Caspium inter-  
jacet, inque plures distribuitur Provincias, quas  
inter Georgia propriè dicta, sive Gurgistan,  
ubi olim Iberia: Colchis itèm Argonautarum  
expeditione celebris, quæ Mengrelia hodie  
vocatur, atq; in tres iterum dividitur Princi-  
patus. Terra, frugifera alioquin, parùm ex-  
colitur, ac partim Turcis, partim Persis vecti-  
galis est. Religio Christiana quidem, sed erro-  
ribus plurimis inquinata.

V. ARMENIA,  
sive  
TURCOMANIA.

*Quænam hæc regio?*

Potissimam Armeniæ majoris partem com-  
plectitur. Hic eminet mons Ararat, in cujus  
præalto vertice Arca Nòé, cessante terrarum  
eluvione consedisse perhibetur. Multi quoquè  
in Armenia hæc supersunt Catholici; quos ta-  
men hæretici, Eutichiani potissimùm & Mono-  
theliæ, Machometani itèm, & Hebræi junctis  
viribus omnino exterminare nituntur.

VI. DIARBECHIA.

*Quæ hodie regionis hujus facies?*

Veteris Afsyriæ partem, Mesopotamiam, Ba-  
byloniam, & Chaldæam complectitur, regio  
olim amænissima, & deliciis plena; hodie ta-

men cū ob colonorum socordiam, tum ob  
 continuas Arabum grassationes horrida, & in-  
 culta, uti regiones p̄terque omnes Turcico  
 Imperio subiectæ. In tractu porrò illo, ubi Eu-  
 phrates, & Tigris confluunt, Paradisus fuisse  
 traditur; cujus tamen, uti & veteris Babylonis,  
 Ninives, Edessæ, Ur, Haran, turris Babel, &c.  
 vix rudera exstant.

## §. II.

### Reliquæ Asiæ partes.

### P E R S I A.

1. *Qui regni hujus termini?*

Ad Ortum Indus, ad Occasum Tigris amnis,  
 ad Boream Mare Caspium, & fluvius Oxus, ad  
 Austrum Oceanus Indicus, & sinus Persicus.

2. *Quæ divisio?*

Quinque olim partes præcipuas comple-  
 rebatur, nempe. 1. Ariam ad Ortum. sive In-  
 diam versùs. 2. Sogdianam maximè ad Se-  
 ptentrionem versùs Scythiam. 3. Parthiam i-  
 tidem ad Septentrionem juxta Mare Caspium.  
 4. Media ad Oceanum versùs Armeniam, &  
 Assyriam. 5. Persidem ad Austrum versùs si-  
 num Persicum, ad cujus fauces Armuzia urbs  
 quondam munitissima cum portu insigni, Lu-  
 sitanici tunc juris sita erat; quæ tamen, uti &  
 plura alia An: 1622. Anglorum, Machometæ-  
 nis magis, quàm Catholicis faventium, consilio,  
 & operâ Lusitanis fuit erepta, & Christiani  
 nominis hostibus tradita. Summatim Provin-  
 ciæ erant septendecim, quibus omnibus nova

pridem

pridem nomina fuere imposita. Urbes præcipuæ fuere Persopolis, ab Alexandro M. scorti hortatu in cineres redacta, Ecbatana Persiæ Regum sedes æstiva, & Susa sedes hyberna. Hodierni regni Persici Metropolis, sedesque regia est Aspahanum.

3 *Quod soli, & incolarum ingenium?*

Fluvii in regno hoc amplissimo perpauci, iique in plures diducti rivos, ad agros nimio Solis æstu torridos, & exsuccos humectandos. Provinciæ Boreales temperatiores sunt, ac fertiliores; Australes contrà præfervidæ; quædam etiam desertæ, arenosæ, ac steriles. Incolæ mercaturæ potissimum se dedunt, longèque erga externos humaniores sunt, quàm Turcæ. Ab his tamen ob diversam Alcorani. in cujus verba utriquè jurant, expositionem plurimum discrepant, acerbisque id circo odiis se mutuo prosequuntur.

## I N D I A.

1. *Quæ India divisio?*

India à flumine Indo nomen trahens, quadrifariam dividi potest: 1. In Indiam Indum inter & Gangem Septentrionem versùs, ubi magni Mogolis Imperium, de quo in Opusculo IV. meminimus. 2. In Peninsulam intra Gangem Occasum versùs. 3. In Peninsulam extra Gangem Ortum versùs. 4. In Indiam Insulanam.

2. *Quid de Peninsula intra Gangem memorandum?*

Peninsula hæc plurima complectitur regna,

in quibus Lusitani ante annos amplius ducen-  
 tos urbes locaq; alia non pauca Ecclesiæ Chri-  
 sti, Regisque Lusitanici imperio subdidere.  
 At posteaquam Batavi longo post tempore Lu-  
 sitanos pluribus in locis antiqua sua posses-  
 sione exturbârunt, non Lusitanicæ solùm, sed  
 Christianæ quoque res in Oriente plurimùm  
 accisæ fuerunt: Gor tamen, Archiepiscopi, &  
 Proregis sedes, sex munitissimis castellis por-  
 tuque insigni instructa, in Lusitanorum adhuc  
 potestate est, ubi & S. Francisci Xaverii In-  
 diarum Apostoli sanctitate, & miraculis toto  
 terrarum orbe celebratissimi corpus ab An-  
 no 1552. in hanc usque diem incorruptum  
 visitur, trecentis lampadibus ad ejus tumulum  
 jugiter ardentibus.

3. *Quæ regna nominatiora Péninsula ultra  
 Gangem complectitur?*

1. Ad Septentrionem Regnum Avæ, & Pe-  
 guanum. 2. ad Austrum Siamum, & Malacam,  
 olim *Auream Chersonesum* dictam. 3. ad Or-  
 tum Tunchinam, & Cochinchinam cum plu-  
 ribus aliis regnis.

4. *Quæ Insula celebriores in Oceano Indico?*

1. Maldivæ infra oram Malabariam longo  
 tractu ab Aquilone in Austrum porrectæ, &  
 in tredecim series distinctæ. 2. Ceylanus è re-  
 gione oræ Piscariæ, & Coromædeliæ Lusitanici  
 primùm juris, dein à Batavis occupata. 3. Su-  
 matra, Borneum ex Asiæ insulis maximis, &  
 Java infra Péninsulam extra Gangem. 4. Mo-  
 lucæ in magnas, & parvas divisæ. 5. Philippinæ

na Sinam inter & Molucas, & Mariæ Annæ inter Oceanum Orientalem, & Mare Pacificum quarum illæ à Philippo II. Rege, istæ à Maria Anna Regina Hispaniæ nomen duxere. His adjungimus insulas Japonicas, quæ ultra Sinam Orientem versùs porrectæ uni subsunt Monarchæ.

5. *Quæ India fertilitas?*

Sacharo, oryza, gossipio, lérice, aromatis omnium generis, margaritis itém, gemmisque pretiosissimis, auro, & argento, &c. abundat. Sed vix usquam gentium plantam, arboremve æquè utilem reperias atque illam, quæ nuces (*cocon vocant*) humani propè capitis magnitudine passim profert: namquæ & cibum, & potum, & vestitum, & quidquid ferme ad supellectilem vel nauticam vel domesticam necessarium est, sola suppeditat.

6. *Quid verò de religione dicendum restat?*

Jam indè à magni Indiarum Apostoli Xaverii adventu homines illic innumerati ab Ethnica, & Machometana superstitione ad veri Numinis cultum fuere adducti. At postquam hæretici Europæi in has quoque terras, quod Catholici dudum antè immensis sanè sumptibus, laboribus, periculisquæ aditum sibi aperuere, pedem intulerunt, vera indè religio, fides, pietas, &c. passim abire in exilium compulsa est, irreparabili tot millium animarum exitio. In Japonia certè res Christiana tantopere floruit, ut primitivam illam Ecclesiam in extremum hunc orbis angulum commigrâ-



migrâsse crederes. Verùm Hollandi falsis suis criminationibus, calumniis, obtrectionibus Japonum Monarcham eò tandem impulere, ut multis Christianorum millibus immanissimè trucidatis, & Christum, & ipsum adeò nomen *Christiani* Japoniâ universâ proseripsit. Solis Hollandis, utpote qui non *Christianus*, sed *Hollandos* se esse palàm diserteque profitentur, aditus in regnum hoc, quò per calcatum pergunt Christum, est concessus.

## .TARTARIA MAGNA.

*Quid de hac memorandum?*

Amplissima hæc Asiæ pars ad Occasum Moscoviâ, & Mari Caspio, ad Austrum Persiâ, Indiâ, & Sinâ ad Ortum, & Septentrionem, Mari Tartarico terminatur, dividiturq; in partes plures vix nomine Europæis notas. Hic vetus illa Scythiâ cæterior, sive intra Imaum, & ulterior, sive extra Imaum montem, Serica item, populiq; Seres suble, perhibentur. Tartari moribus sunt esferis, incultis, & barbaris. Carnes equorum, & camelorum semietudas cum lacte equino inter gulæ lautitias numerant.

## S I N A.

*Quinam Imperii hujus termini?*

Ab Oriente, & Meridie Oceanus Orientalis, qui & Sinentis à Sinis dictus; ab Occalu India; à Septentrione Tartaria magna, à qua muro illo, ad quingentas ferme leucas porrecto, sejun-

sejungitur. Regio hæc tum rebus cæteris, tum præcipuè serico tantopere abundat, ut hoc ple-  
rique omnes vestiri soleant, Herba *Thée*, &  
vasa fictilia, quæ *Porcelana* vocant, ex Sinis al-  
lata, præ cæteris commendantur. Potentissi-  
mi vastissimique hujus imperii metropolis ac  
sedes regia Pechinum est, quâ ampliorem fre-  
quentioremque urbem Orbis non habet.

## CAPUT XI.

### Mappa Geographica Africae.

#### 1. *Quis Africa situs?*

Maxima hæc orbis terrarum Peninsula exi-  
guo isthmo Asiae conjungitur, atque ad Septen-  
trionem Mari mediterraneo, ad Ortum Ery-  
thræo, & Indico, ad Occidentem, & Austrum  
Oceano Atlantico, & Æthiopico cingitur. Fi-  
gura ejus in mappa Geographica accedit ac  
cordis similitudinem, cujus pars superior zonæ  
temperatæ Boreali, medietas zonæ torridæ,  
pars inferior zonæ temperatæ Australi subja-  
cet.

#### 2. *Quæ præcipua Africae flumina?*

1. Nilus, qui à Meridie in Septentrionem  
per Abyssiniam, Nubiam, & Ægyptum pro-  
currens Mare subit mediterraneum. 2. Niger,  
qui ab Ortum Occasum versùs Nigritiam bifa-  
riam secans, in Mare Atlanticum pluribus o-  
stibus irrupit.

#### 3. *Quæ Africae magnitudo?*

Si terræ spatium metiare, triplo ferè major est  
Europâ; at si habitatorum numerum sup-  
putes,

putes, duplo fortè minor censerì poterit Nam vastissima illic terrarum spatia aut inculta jacent, aut arenis sterilibus obducuntur, aut nimio solis æstu torrentur, aut multiplici animalium noxiorum genere infestantur Alicubi tamen, in locis præsertim maritimis, & ubi irrigua sunt flumina, mira soli fertilitas: ut proinde, quidquid Africa sive boni, sive mali producit, *prodigiosum* dici possit.

4. *Quæ Afrorum indoles, & religio?*

Quamdiu religio vera, quæ efferas etiam atque indomitas gentes mansuefacit, atque ad omnem humanitatem informat, in Africa floruit, alia prorsus vitæ morumque disciplina, & cultura viguit. At postquam & hæretica impietas, & Machometana superstirio animos inficere cœpit, & corrumpere, mox ad ingenium Afri pristinamque rediére barbariem. Hodie Machometani in Barbaria præcipuè, & Ægypto: in Abassia, &c. Christiani: alibi etiam idolorum degunt cultores. Ii porro, qui Ægyptum, Barbariam, locaque finitima incolunt, albo, seu potiùs subflavo; reliqui nigro sunt colore.

5. *Quinam in Africa rerum potiuntur?*

1. Turcarum Imperator, cui Ægyptus pareret, potissimaque Barbariæ pars vectigalis, & obnoxia est. 2. Rex Fessæ, & Marochii. 3. Abassia, sive Abyssiniæ Imperator. 4. Imperator Monomotapæ.

6. *Quæ Africa divisio?*

Nos in superiorem, sive Borealem, & inferioriorem

riorem five Australem dividimus. Alii aliter partiumtur.

# §. I.

## Superior Africæ pars.

1. Quot regiones hac complectitur?

Sex: 1. Barbariam. 2. Ægyptum. 3. Biledulgeridiam. 4. Zaaram, five desertum. 5. Nigritiam. 6. Guineam.

2. Ubi Barbaria sita est?

Partem potissimam Mari mediterraneo circumjacet è regione Europæ. Regnum Fessanum, & Maroccanum, ubi olim Mauritania Tingitana erat, juxta Oceanum Atlanticum versùs fretum Herculeum porrigitur. Inde tres sequuntur Respublicæ: Algeriana, Tunetana, & Tripolitana, famosa piratarum receptacula. In tractu Algeriano olim Numidia, & in hac urbes Hippon (hodie Bona) & Tagaste erant, illa Episcopatu, hæc natalibus S. Augustini clara. Haud procul urbe Tuneto Carthago stetit, urbs quondam nominatissima Romæque æmula; cujus tamen non nisi rudera quædam exstant. Extrema Barbariæ pars, Ægyptum versùs, est Barcana regio, ubi olim Libya exterior, Cyrenaica, & Marmarica.

3. Quid de Ægypto memoratu dignum occurrit?

Ægyptus dividitur in inferiorem, mediam, & superiorem, quæ hodie Said, olim Thebais dicta est, tot virorum Sanctissimorum nutritrix. Ac licet terra pluviis rarò aut nunquam irrigetur; annua tamen inundatione Nili, qui sub

Opusc. 4um. H alt-

æstivum solstitium intumescere incipit, mirum quantum fecundatur. Regionis caput Cairus est, urbs totius Africae Amplissima. Indè haud procul absunt Pyramides miræ altitudinis. Alexandria porro, ab Alexandro M. ad oram Maris Mediterranei exædificata, de pristino illo splendore plurimum perdidit. Visebatur indè turris Pharos, mundi miraculum.

4. *Quid de Biledulgeria, Zaara, Nigritia, & Guinea memorandum?*

1. Biledulgeridia à dactylis, quibus abundat, nomen trahens, Barbariæ contermina est, longissimoque tractu ab Ægypti confinibus ad Oceanum Atlanticum protenditur. 2. Zaara, ubi olim Libya interior, leones, tigrides, struthiones, variaque monstra alit, quibus homines indigenæ haud multum absimiles. 3. Nigritiam Niger amnis perinde ac Nilus Ægyptum inundare dicitur, ac fecundare. Incolæ Hispanis ac Lusitanis plurima vendunt mancipia, quæ deinde in Americam transvecta, multis magnisque laboribus exercentur. 4. Guinea auro, ebore, rebusque aliis abundat; quocirca ab Europæis plurimum frequentatur, præsertim ab Anglis, Batavis, Danis, & Brandeburgis, qui littoribus illis, Ora præsertim *Aurea*, ob aureas arenas sic nuncupatæ, plures arces munitissimas imposuere.

§. II.

**Pars Africae inferior, sive Æthiopia.**

1. *Quot, qualesquæ regiones hæc continet?*  
 Idem sex, nempe Nubiam, Abyssiā, &c.

Zanguebariam, quæ olim Æthiopia superior, seu interior, appellabantur: regna item Congi, & Monomotapæ cum Cafreria, quæ Æthiopia inferior, seu exterior nuncupabantur.

2. *Quid de his omnibus summatim dicendum?*

1. Nubia infra Ægyptum sita, rigatur Nilo, & Nubiâ amne, alitque camelos optimos: 2. Abyssinia, sive Æthiopia propriè dicta, Abyssinorum Imperatori paret; multæ tamē provinciæ ab Imperio hoc, olim amplissimo, fuisse avulsæ. 3. Zanguebaria regio perampla, à Cafreria per longum tractum littoralem versus Mare Arabicum protensa. Lusitani Mosambicum, pluraque alia loca obtinent. 4. Regnum Congi, quod fluviiis Zairus cum aliis omnibus minoribus rigat, fecundatq; 5. Monomotapæ Imperium amplissimum, auri argenti-que ferax. 6. Cafreria, postrema Africæ pars, ab Oriente, Meridie, & Occidente Æthiopico undique Oceano cingitur, ubi promontorium bonæ spei maximè ad Austrū procurrens.

### §. III.

### Africæ Insulæ.

*Quæ celebriores Africæ insulæ?*

2. Canariæ, sive Fortunatæ, in Oceano Atlantico, Hispaniæ Regi subjectæ, quas inter eminet Tenerifa. ubi Picus omnium, ut ajunt, montium altissimus. 2. Hesperides, sive promontorii viridis, quæ & Gorgones, sive Gorgades dictæ, itidem in Oceano Atlantico è regione Promontorii viridis in Nigritia. Sub-



sunt Regi Lusitanæ. 3. Madagascaria, sive S. Laurentii in Oceano Æthiopico. Est ex præcipuis totius orbis Insulis. 4. Melita in Mari mediterraneo Siciliam inter & Tropolin, fortissimum Italiæ adversus Turcas, & Mauros piratas propugnaculum. Hanc Carolus V. An. 1530. Equitibus Melitenfibus celsit.

## C A P U T XII.

### Mappa Geographica Americæ.

1. *Quanam sub zona sita est America?*

Sub torrida, & duabus temperatis.

2. *Quis ejusdem situs?*

Ad Aquilonem Oceano Glaciali, ad Ortum Atlantico, ad Occasum Pacifico, ad Austrum freto & Mari Magellanico cingitur. Nobis Europæis ad Occidentem sita est: unde & India Occidentalis appellatur.

3. *Qui nam præcipui America fluvii?*

1. Canada, sive fluvius S. Laurentii. 2. Fluvius Amazonum. 3. Fluvius Argenteus. 4. Fluvius Grandis.

4. *Ecquod terra, & incolarum ingenium?*

Terra pro vario situ cœlique positu alicubi rerum omnium feracissima, sterilis alibi & infœcunda est. Incolæ, tamen ad res proprio Marte, & arte inveniendas minus sint prompti, & expediti: aliorum tamen opera artificiosissima examulsi non videntur imitari. Ante Europæorum in has terras adventum vivebant ferarum ritu: at nunc iis in locis, quæ Catholici Missionarii lustrâvunt, informâruntque, vitam ducunt admodum honestam.

5. *Quæ*

Olim mera hic erat barbaries, summa rerum omnium ignoratio, & immensum fœdissimum superstitionum chaos. At postquam Hispaniæ, Galliæ, & Lusitaniæ Reges religiosissimi, provincias illas, recens detectas, & Ecclesiæ Christi in primis, & suo subdidere imperio, Religio ubique Catholica floret, majoraque in dies capit incrementa. Atque hinc agnoscere licet miram Dei, Ecclesiam suam nunquam deserentis, providentiam: quippe jam inde à tempore illo, quo Apostatarum omnium coryphaeus Lucifer in lateribus Aquilonis, siue extremo Europæ angulo per Lutherum atque hosque emissarios veræ Fidei lumen omnino extinctum ibat, Deus in Asia, Africa, & America, ad extremum nempe Orientem, Meridientem, & occidentem per tot Missionarios, virosque Apostolicos multas hominum myriades puri sincerique Evangelii luce collustravit.

6. Quæ America divisio?

Dividitur generatim in duas prægrandes Peninsulas, tenui Isthmo Panamam inter & Portum Pulchrum connexas. Quæ ad Boream præcurrit America Septentrionalis, siue Mexicana; quæ verò ad Austrum porrigitur, America Australis, siue Peruana appellatur.

§. I.

America Borealis.

1. Quasnam regiones complectitur?

1. Canadam, siue, Novam Franciam, quæ

Gallorum est. 2. Virginiam, quæ Anglorum. 3. Floridam, Novum Mexicum, & Novam Hispaniam, sive regnum Mexicanum, quæ Hispanorum sunt, & duabus prioribus fertilitate, divitiis, &c. longè præstant.

2. *Quæ Insula America Borealis?*

1. Europæ maximè vicinæ sunt Azores, quæ & Insulæ accipitrum ob horum copiam, & Flâdricæ, quod à Flâdris invetæ sunt, appellantur. Subsunt Regi Lusitanicæ, & ab aliis inter Africæ Insulas numerantur. 2. Insulæ Lucajæ. 3. Antillæ majores, & minores. Harum pleræque sunt admodum frugiferæ, & partim Hispanis, partim Gallis, Anglis, & Batavis, &c. subjectæ. 4. Californiam, tractu longissimo propè novum Mexicum à Borea in Austrum porrectam, nonnulli Peninsulam esse perhibent.

## §. II.

### America Australis.

1. *Quæ ejusdem regiones præcipuæ?*

1. Terra Firma, sive Castella Aurea. 2. Paraquaya, sive Paraquaria. 3. Terra Magellanica. 4. Chile, & 5. Perua, sive regnum Peruanum, Hispanicæ sunt ditionis. 6. Brasilia verò Lusitanicæ.

2. *Quenam has inter regiones principatum tenet?*

Regnum Peruanum rebus omnibus affluens, plurimisque auri, & argenti fodinis dives, in monte præsertim Potosio, ubi venæ argenti inexhaustæ.

) 119 (

## CAPUT XIII.

### De regionibus incognitis.

1. *Quot sunt hujusmodi regiones?*

1. Arcticæ sive Boreales, quæ Polo Arctico. 2. Antarcticæ, sive Australes, quæ Polo Antartico circumjacent. Vocantur *incognita*, quia perpauca de iis explorata habemus.

2. *Quæ regiones incognita ad Polum Arcticum?*

1. Spizberga, seu *Montes acuti* inter Novam Zemblam ad Ortum: & Grœnlandiam ad Occasum. 2. Nova Zembla, Moscoviæ Septentrionali ferè adjacet, à qua freto Vaigatio dimititur. 3. Jelsonis regio ultra Japoniam, Septentrionem versùs, excurrit. 4. Gronia, sive Grœnlandia ultra Europam, & Americam Borealem porrigitur. 5. Islandia Insula Norwegiam, & Grœnlandiam interjacet. Hanc veterem illam Thulen nonnulli autumant. Est ibi Hecla mons ignivomus.

3. *Quales hæc regiones?*


Perfrigidæ admodum. Quæ ipsa causa est, quòd minùs adhuc sint cognitæ; cum ob vehementem frigus, & glaciem adiri vix possint. Hollandi quidem aliquot abhinc annis Spizbergam usque & Novam Zemblam penetrarunt; sed commorari diutiùs haud poterant. Ob nives perpetuas urfi ibi aliæque bestiæ albescent. Balenas ad Spizbergam magno numero Mari innatantes Batavi æstate capiunt. Indigenæ asperis, & incultis sunt moribus, atque idololatriæ ut plurimum dediti.

H 4

4. *Quæ*

*4. Quæ regiones incognita ad Polum  
Antarcticum?*

1. Nova Guinea infra Asiam Ortum versùs sita est. 2. Carpentaria versùs Polum Antarcticum longiùs excurrit. 3. Insulæ Salomonis Novam Guineam, & Americam Australem interjacent. 4. Quiri Regio seu Terra Australis Spiritus Sancti infra Insulas Salomonis. & 5. Infra illam Nova Zelandia Polum versùs protenditur. 6. Nova Hollandia. rerù omnium egentissima, infra Insulas Asiaticas, & Novam Guineam Occasum versùs sita est. 7. Ignium Regio Insula amplissima est, fretum Magellanicum inter & Marem, sive S. Vincentii. 8. Diemeni Regio infra Novam Hollandiam, Polum versùs porrigitur &c.



# APPENDIX

*De Insignibus sive Hidi*

## INSIGNIBUS EPISCOPATUUM & PROVINCIARUM REGNI POLONIÆ.

*Item*

*De stemmatibus variarum extraneorum Regnorum & Provinciarum.*

*Ponitur loco Appendicis de Arte Scutaria  
sive Heraldica.*

## INSIGNIA EPISCOPATUUM Regni Poloniæ.

### ARCHIEPISCOPATUS GNESNENSIS.

**L**ilia tria ad instar Stemmatis Gozdavia in campo ceruleo. Item S. Adalbertus Archiepiscopus, in Apparatu Archiepiscopali.



**ARCHIEPISCOPATUS LEOPOLIENSIS.**

Virgo Beatissima dextrâ Christum infantem portans, sinistrâ sceptrum gerens, in capite coronam, lunam sub pedibus habens: & sub luna leonem jacentem.

**EPISCOPATUS CRACOVIENSIS.**

Tres Coronæ aureæ in campo albo.

**EPISCOPATUS GUJAVIENSIS.**

Virgo Beatissima radiis circumdata, dextrâ Christum, sinistrâ sceptrum tenens, diademate redimita, & Lunæ insitens in campo aureo.

**CAPITULI POSNANIENSIS.**

De Petrus Apostolus cum geminis clavibus in dextra.

**CAPITULI VILNENSIS.**

Tres Coronæ eadêm formâ ut in Cracoviensi.

**CAPITULI PLOCIENSIS.**

Virgo Beatissima dextra sustinens Christum, manus extensas ut ad amplexum præferentem, pallio ceruleo amicta, & lunæ insitens: sub quo stemma instar anchoræ & cum

**CAPITULI VARMIENSIS.**

Porta super quam mediaturris inter alias binas eminet. In porta cancelli ferrei erecti in sublime: lateri portæ crux dimidia adjacet. Portæ supereminet mitra Pontificia coronis cincta & Cruce insignita: Mitra hæc portæ à Sede Apostolica cum specialibus Privilegiis adjecta: ut refert Marianus Costenus.

**CAPITULI LUCEORIENSIS.**

Effigies SSmæ Trinitatis Beatissimâ Virginem coronans.



**CAPITULI PRÆMISLIENSIS.**

S. Joannes Baptista vexillum parvum manu tenens cum agno eidem adstante.

**CAPITULI SAMOGITIENSIS.**

Tres Coronæ.

**CAPITULI CULMENSIS.**

Cruce sola.

**CAPITULI CHELMENSIS.**

Effigies duodecem Apostolorum.

**CAPITULI JOVIENSIS.**

S. Sophia cum S. Tribus Filiabus.

**CAPITULI CAMENECENSIS.**

SS. Apostoli Petrus & Paulus hic cum gladio; ille cum geminis clavibus in manu.

**CAPITULI LIVONIAE.**

Stemma non appositum ab Authore.

**CAPITULI SMOLENSCENSIS.**

Tres Coronæ.

*Insignia hæc Episcopatum desumpta sunt ex libro cui titulus: Corona Polonia edita per R. P. Gasparum Niesiecki S. J. qui refert à nonnullis Authoribus alia quoque stemmata assignari.*

*Reliquorum stemmatum descriptio desumitur ex libro cui titulus Flos Regnorum Editio Varsavia.*

**INSIGNIA PROVINCIARUM REGNI**

**P O L O N I Æ.**

**P**olonia Insigne, Aquila alba in campo rubeo, cum Corona aurea.

Cracoviensis Palatinatus, in vexillo Aquila candida cum Corona aurea, in campo rubeo.

Cracovia, Tres Turres cum Porta una, in qua Aquila.

Zatori-

*Zatoriensis* Districtus, spectantis ad Palatinatum Cracoviensem, Aquila alba cum litera Z. in pectore, in clypeo cæruleo.

*Sandecensis* Districtus, eodem pertinentis, clypeus divisus in duas partes, & sex campi, tres rubri, & tres aurei, in secunda parte in rubro campo novem Stellæ.

*Osviecimensis* Ducatus, ad Palatinatum Cracoviensem spectantis, Aquila nigra, cum litera O. in pectore.

*Posnaniensis* Palatinatus, Aquila candida sine Corona, in campo rubeo.

*Posnanie*, Tres Turres, in Porta duæ claves decussatim positæ.

*Sandomiriensis* Palatinatus Scutum, in quo à medio tres campi rubri, tres albi, in altera parte campus cæruleus, cum tribus stellarum ordinibus.

*Sandomiria*, Rex in Solio, & Aquila.

*Calissiensis* Palatinatus, caput Bisontis, inter cujus cornua aurea Corona per nares circulo transeunte, capus instar alveoli albus & ruber.

*Calissi*, Porta cum duabus Turribus in cujus medio crux, supra portam Tibicen.

*Siradiensis* Palatinatus, Leo ruber medius, & semi Aquila nigra cum Corona aurea in plano campo.

*Siradia*, tres Turres cum Porta, in medio Turris, Aquila.

*Vielunensis* Territorii, Agnus cum vexillo & calice, in campo rubeo.

*Lanciciensis* Palatinatus, semi Leo ruber in campo

campo albo semi Aquilâ alba in campo nigro,  
cum Corona aurea.

*Brestensis Cujaviensis*, Medietas Aquilæ, &  
dimidius Leo, aureâ Coronâ insigniti, in cam-  
po aureo.

*Kijovie Palatinatus*, ex una parte Ursus in ca-  
po albo, ex alterâ Angelus albus tenens eva-  
ngelium gladium.

*Inovlatslaviensis*, Medietas Aquilæ rubræ,  
& Leonis nigri in Campo aureo.

*Dobrinehsis*, Territorii, Caput humanum ca-  
nâ barbâ, cornutum; in Campo rubeo, delu-  
per & infra habens Coronam auream.

*Russia Ducatus*, Leo fulvus coronatus in  
Campo cæruleo, continet Palatinatus, Podo-  
liæ, Voithyniæ, Kijoviensem; Czerniechovi-  
ensem, Bractaviensem; antea fuit Regum, &  
Monedulam coronatam nigram in campo albo  
pro stemmate gerebat.

*Halicienſis Terra*, Monedula nigra cum Co-  
ronâ aurea in Campo albo.

*Ptamiſſienſis Terra*, Aquila biceps Coronata,  
in Campo cæruleo.

*Cheſmenſis Terra*, Ursus albus in Campo vi-  
ridi inter arbores.

*Zydaczoviensis*, tres Leones in Cæruleo ve-  
xillo.

*Voithynta*, In vexillo viridi Crux alba, in  
Campo rubeo & aquila.

*Podolia Palatinatus*, Sol radiatus in Campo  
albo.

*Cameneceſſis Urbis*, S. Georgius in equo dra-  
conem interimens.

*Lublinensis* Palatinatûs, Cervus in Campo rubro, in collo aurea Corona. *Lublinski*, Caper.

*Betzensis*, Gryphus albus coronatus in Campo rubeo.

*Masovia* Ducatûs, cum tribus suis Terris, Aquila alba expansis alis.

*Podlachia* cum suis Districtibus, ab una parte in vexillo Aquila alba, in Campo nigro, ab altera parte eques armatus cum evaginato gladio, fuit aliquando sub Lithvanis.

*Ravensis* Palatinatûs, Aquila nigra in Campo rubro in ejus pectore litera R.

*Bractaviensis*, Habet Crucem albam in Campo rubeo, & lunam in medio.

*Prussia* Ducatûs, continentis Palatinatûs duos, Culmensensem cum Mariæburgiensi, Aquila in Campo rubro, in ejus collo Corona aurea, sub dextra ala, manus armata cum stricto gladio.

*Pomerania* Palatinatûs, Gryphus niger in Campo albo.

*Livonia* Palatinatûs, Gryphus coloris albi cum gladio.

*Czerniechoviensis* Palatinatûs Aquila biceps Coronata.

## INSIGNIA PROVINCiarUM

M. D. LITHVANIÆ.

*M. D. Lithuania*, Insigne est Eques Cataphractus, cum mitra supra Scutum, bina Cruce signatum.

*Palatinatûs Vilnensis*, In vexillo rubro ex una parte Cataphractus Eques, ex altera, Columna

**lumnæ, albæ, antiquæ Gentis Columnarum In-**  
**signe.**

*Vilnæ, Columnæ cum Porta in medio.*

*Osmianensis Districtus, Eques in vexillo pur-*  
**pureo.**

*Lidenfis, Eques Cataphractus in vexillo cz-*  
**ruleo.**

*Wilkomiriensis, Eques Cataphractus in ve-*  
**xillo rubeo ex una parte, ex altera S. Michà-**  
**el Archangelus.**

*Bractaviensis Distr., Eques Cataphractus in*  
**vexillo roseo.**

*Palatinatus Trocensis, In vexil: lasurino E-*  
**ques Cataphractus in campo rubeo Districtus**  
**Grodzensis, ad hunc Palatinatum spectans, ut,**  
**& Distr: Caunensis, & Distr: Upitensis, eodèm**  
**Insigni utuntur, quo Palatinatus Trocensis ad-**  
**ditis literis G. C. U. in scuto Equitis.**

*Ducatus Samogitia. Ursus niger, cum circu-*  
**lo albo in collo.**

*Palatinatus Smolenscensis, vexillum rubrum,*  
**in quo Scipio.**

*Smolensci: Eques armatus in vexillo roseo.*

*Distr: Staroduboviensi: Eques Cataphractus in*  
**vexillo purpureo.**

*Palatinatus Polocensis, Eques armatus in ve-*  
**xillo rubro.**

*Palatinatus Novogrodensis, Angelus niger in*  
**campo rubeo, ex altera parte vexilli Eques**  
**armatus.**

*District: Stonimensis, Eques cataphractus in*  
**vexillo purpureo.**

*Distr:*

*Distr: Wotkoviscensis*, Eques armatus in vexillo roseo.

*Palatinatus Vitepsensis*, & *Districtus ejus Orsenfis*, Eques armatus in viridi vexillo.

*Palatinatus Brestensis*, & *Districtus illius Pivscensis*, Eques armatus: in campo caruleo.

*Palatinatus Mscislaviensis*. Eques armatus in vexillo croceo.

*Palat: Minscensis*, & *Distr: Rzeczycensis & Mozirensis*, Eques armatus in campo albo vexilli purpurei.

*Palat: Livoniae*, Gryphus albus erectus in pedes, in campo rubro cum gladio in pede dextro, in pectore autem literæ S. A. coronatæ, scilicet: *Sigismundus Augustus*, qui hoc stemma dedit *Livoniæ*, eam incorporas *Lithvaniæ*. An: 1567.

## STEMMATA VARIORUM.

### *Extraneorum Regnorum & Provinciarum.*

*Andalusie* in medio campo flavo, pomum punicum sursum erectum cum ramo, supra caput Corona Regalis absq; cruce.

*Anglia*, Olim dictæ *Britanniæ*, tres Leones unus infra alium in campo rubeo, desuper Corona Regalis cum cruce & globo, à parte dextra Leo coronatus, à sinistra Gryphus.

*Aragonia Regni*, In campo flavo circuli oblongi, 5. trabes rubræ, in sinistra parte in campo albo Crux rubra, & in quovis Crucis

An-



**angulo caput corenatum, teniis de collo pendentibus.**

*Austria*, Alaudæ sursum avolantes, item Aquilæ duæ in albo campo.

*Balearidum* Insularum in campo flavo 4. trabes, & Crux in transversum, desuper Corona Regalis.

*Bavaria*, In campo albo rhombi fenestrales oblongi, qui ex angulis prodeunt.

*Biverra*, In Medio campi albi Crux subrubra, desuper Corona Regalis.

*Bohemia*, Leo albus coronatus, cum duplici cauda.

*Bononia*, In Campo flavo tria poma punicea, desuper corona Regalis, sine Cruce.

*Brabantia*, In campo nigro Leo flavus erectus, desuper corona Ducalis, v. latrunculi rubri & albi.

*Brandenburgici* Marchionatus, in Campo albo aquila nigra coronata, desuper duæ albæ in corona Regali, sine Cruce, vel Draco.

*Brunsvicensis*, Ducatus, 2. Leones in campo albo v. Leo aureus, v. vir ferus albus, seu Sylvacius.

*Bulgaria*, In campo cæruleo luna alba.

*Burgundia*, In campo flavo tres trabes transversæ cæuleæ, desuper Corona Regalis, sine cruce.

*Calabria*, In medio campi Crux nigra, desuper corona Regalis sine cruce.

*Campania*, In campo cæruleo trabes 2.

*Cameracensis*, Archi-Episcopatus, Aquila bicops in campo flavo.

*Casti-*

*Castilia*, in campo rubro rhombus, & aliquot trabes rubræ cum crucibus cæruleis.

*Croatia & Clivia*, latrunculi rubri & albi.

*Dania*, In Campo cæruleo Coronæ, & Leones flavi tres. Item trabes cæuleæ duæ cum interstitiis albis tribus, & Crux.

*Hetruriæ* Ducum, sex globi in Campo albo, in orbem dispositi.

*Flandriæ*, In campo flavo Leopardus niger erectus, desuper corona Regalis sine cruce.

*Florentiæ*, Lilia trium foliorum, & duæ Rosæ.

*Galatiæ*, Monstrantia cum Venerabili SACRAMENTO in campo cæruleo, & ex utraque parte in longum 3. Cruces nigræ, desuper Corona Regalis sine cruce, infra campum inscriptio: *Hoc mysterium firmitus confitemur.*

*Galliæ*, Tria Lilia in Campo cæruleo, desuper Corona Regalis cum cruce.

*Gottiæ*, Currus triumphalis, in quo vexilla subtracta prominent, quibus insistit vir galeatus, dextrâ manu protensâ cum gladio, sinistrâ cum clypeo.

*Germanici Imperii*, Nigra Aquila biceps, cū Corona Cæsarea.

*Granatæ*, In campo flavo pomum puniceum fursum erectum cum ramo.

*Hispaniæ*, Varia sunt & multa stemmata siquidem sub se regna continet plura, præcipuum tamen stemma est, turres, coronæ, Leones, Leo ruber erectus.

*Hollandiæ*, In campo flavo circuli, Leo ruber  
Opusc. 4. tum. I ber

ber erectus, desuper Corona Regalis sine cruce.

*Hungaria.* Tres rubrae trahes in campo albo, crux, & super eam Corona Regalis sine cruce.

*Hybernia,* Cithara in Campo caeruleo.

*Italia,* Virgo, armis, hastis, & oleis insistent.

*Legionis,* In campo albo Leopardus coronatus, sine cruce Corona.

*Lotharingia,* Falcones tres.

*Luteturgi,* in campo albo Leo ruber erectus.

*Lusacia,* murus prominentibus arcibus, desuper campus totus ruber.

*Lusitania,* Campus albus, & intra illum 5. Scuta caerulea, circa campum in superficie rubra 7. portae flavae, desuper Corona Regalis sine cruce.

*Marchia,* Latrunculi caerulei & albi.

*Mechlinia,* In campo flavo 3. rubrae trahes, in medio trahis Aquila biceps.

*Mediolanensis* Status, tres Coronae Regales sine cruce & serpens erectus, infantem dentibus tenet.

*Moguntini* Archiepiscopatûs, Rota & Leo dimidiatus.

*Moravia,* In campo caeruleo Aquila rubra, distincta ubiq; flavis alis.

*Moschovia,* Aquila nigra biceps, in cuius pectore Eques, adinstar S. Georgii, alia stemmata in alis.

*Navarra,* In campo rubro duo Leones, unus infra alium.

*Normandia,* In campo rubro castrum cum tribus turribus.

Norve-

*Norvegia*, idem stemma, quod *Dania*.

*Peloponnesi*, In campo cæruleo Luna.

*Portugallia*, Campus partim ruber, partim flavus, & in medio duo capita humana vittata, & duo coronata.

*Rheni Palatinatus* Leones & latrunculi.

*Scotia*, Leopardus ruber in campo flavo, à partibus equi coronas in collis gerentes, desuper Leo erectus coronatus, in dextro pede cum gladio, in sinistro cum sceptro, à partibus vexilla. Vexillum dextrum habet in se crucem transversam, sinistrum habet Leopardum erectum, vel Lilia rubra, sicut & *Anglia*.

*Servia*, Idem stemma, quod *Bulgaria*.

*Silesia*. In campo pars una alba, altera flavæ, in alba est Aquila nigra, in flavæ trabes.

*Suecia*, In campo cæruleo Leones & 3. Coronæ.

*Thuringia*, ex Leonibus duobus sinè coronis, unus ruber, alter albus.

*Transylvania*, In campo flavo Leo erectus, per medium ipsius Luna cærulea crassa cum alba simili. Item tres dentes Elephantis, juxta alios Lupi, in campo cæruleo, supra Mitra Ducalis.

*Trevirensis Archiepiscopus* à dextra parte in campo albo 4. trabes cæruleæ, per quas Leo extensus, desuper corona Ducalis; à sinistra parte in campo rubro crux alba, desuper Infula cum gladio à dextris, cum scipione Episcopali à sinistris.


*Turcia*, Luna pallida cornibus erectis.


*Valachia*, In campo cæruleo Luna alba, vel  
Calvaria, seu caput hominis mortui.

*Valentia Regni*, Templum album murò albo  
circumdatum in campo rubro.

Hæc Regnorum stemmata, tum notitiæ ha-  
bendæ gratiâ, tum in certis passibus, oppor-  
tunitati consulendo hic posui; ut si subinde ta-  
lem materiam poscat occasio, Pœta notitiam  
eorum domi habeat, unde alia Regna  
honoris sibi vendicant encomium.

# FINIS.





# I N D E X


## Capitum hujus Opusculi.

### P A R S I.

#### De Globo.

Cap: I. De Globo, ejusq; partibus generatī p. 7.	
II. De Æquatore, Zodiaco, Eccliptica.	7.
III. De Meridiano.	8.
IV. De Horizonte.	10.
V. De Tropicis.	11.
VI. De Circulis Polaribus.	12.
VII. De quatuor mundi Cardinibus, five Plagis.	ibidem.
VIII. De Lōgitudine, & Latitudine locorū	13.
IX. De Zonis.	15.
X. De diversis anni temporibus in diversis Zonis.	16.
XI. De Climatīs.	17.
XII. De diversis effectibus cursūs Solaris	18.
XIII. De usu Globi.	21.





# P A R S II.

## De mappis, seu chartis Geographicis.

Caput I. De Planisphærio terrestri	23.
II. De mappis Geographicis generatim	24.
III. De variis mensuris Geographicis	26.
IV. De variis vocabulis Geographicis	28.
V. De Globi terraquei divisione	32.
VI. Divisio aquarum	ibidem.
VII. Mappa Geographica Europæ	35.
VIII. De novem majoribus Europæ Partibus.	40.

### §. I.

Poloniæ Regnum, <i>ibidem</i> Situs Poloniæ	41.
Major Polonia	43.
Polonia Minor.	44.
Lithuania	46.
Russia	47.
Russia Rubra	ibidem.
Russia Alba	48.
Prussia	49.
Pomerania	52.
Masovia	53.
Samogitia	54.
Livonia	55.
Ingenia Polonorum	57.
Nobilitatis Prærogativa	60.
Leges & Statuta	63.
Regimen Politicum	65.
Religio	66.

### § II.



## §. II.

De mappa Geographica Imperii Germanici 69

## §. III.

De magna Peninsula Scandinavia	72.
Suecia	73.
Norvegia	74.
Dania	76.

## §. IV.

Moscovia	77.
V. Turcia Europea	79.
VI. Britannia	80.
VIII. Gallia	86.
X. Lusitania	90.
VII. Italia	83.
IX. Hispania	88.

## CAPUT IX.

Novem minores Europæ partes.	91.
------------------------------	-----

## §. I.

De 4. Regionibus Galliam inter & Imperium Germanicum, &c.

Belgium	91.	Lotharingia	93.
Helvetia	94.	Sabaudia.	95.


## §. II.

Quinque reliquæ Europæ partes Poloniam inter & Turciam Europæam, &c.

Hungariæ Regnum	95.
Transylvania	97.
Valachia, & Moldavia	ibid.
Tartaria minor.	ibidem.

## CAPUT X.

Mappa Geographica Asiæ	98.
§. I.	



§. I.

Turcia Asiatica	-	100
Anatolia	ibid: Syria	102
Arabia	104 Georgia	103
Armenia, five Turcomania	-	ibid.
Diarbechia	-	ibid.

§. II.

Reliquæ Asiæ partes.	-	106
Persia	ibid. India	107
Tartaria Magna	108 Sina	ibid.

CAPUT XI.

Mappa Geographica Africæ	-	111
--------------------------	---	-----

§. I.

Africæ pars superior.	-	113
-----------------------	---	-----

§. II.

Africæ pars inferior, five Æthiopia	-	114
-------------------------------------	---	-----

§. III.

Africæ Insulæ	-	115
---------------	---	-----

CAPUT XII.

Mappa Geographica Americæ	-	116
---------------------------	---	-----

§. I.

America Borealis	-	117
------------------	---	-----

§. II.


America Australis	-	118
-------------------	---	-----

CAPUT XIII.

De Regionibus incognitis	-	119
--------------------------	---	-----

Appendix de Insignibus Episcopatum Provinciarum &c.	-	120
--	---	-----

Tabula milliarius ad finem Opusculi adjicitur.	-	
--	---	--



# TABULA POLIOMETRICA


*Distantias urbium Regni Poloniae, in quibus sunt Collegia vel domicilia Societatis representans  
Juxta exemplar antiquae similis tabulae reimpressa; Praecipuas item urbes Europae, et Metropoles Regnorum  
ac Provinciarum exhibens, ex tabula magna Poliometrica desumpta; in concursu communi distantias adinvicem exponens.*


Barum.	Antuerpia.	88.	364.	152.	88.	165.	564.	58.	88.	58.	101.	194.	1260	130.	250.	116.	270.	144.	Brabantia
116. Bidgostia.	Berolinum.	284.	70.	24.	70.	482.	158.	68.	156.	40.	190.	165.	80.	145.	40.	370.	120.	Brandeb.	
64. 50. Breſta.	Coſtantinopolis.	190.	268.	280.	225.	420.	295.	385	252	242.	366.	190.	174.	236.	545.	250.	Thracia		
114. 22. 66. Califfum.	Cracovia.	66.	190.	410.	230.	93.	210	56.	160.	180.	24.	90.	30.	410.	141.	Polonia			
12. 108. 76 106 Camenecum.	Dreſda.	100.	481	156	47.	140.	17.	158.	195.	50.	152.	31.	343.	96.	Saxonia				
130. 12. 64. 34. 126 Conecum.	Haffnia.	505.	205.	148.	245	105.	246.	102.	110.	148.	85.	430.	145.	Dania					
80. 53. 56. 36. 74. 70. Cracovia.	Hicroſolima.	616.	470.	570.	460.	396.	530.	418.	398.	450.	688.	428.	Paeſtina						
54. 52. 20. 53. 50. 59. 38. Craſnoſtavia.	Londinum.	156.	76.	170.	145.	190.	212.	303.	184.	250.	140.	Anglia							
24. 82. 34. 84. 24. 88. 65. 32. Cremenecum.	Monachium	115.	42.	150.	145.	56.	188.	66.	310.	60.	Bavaria								
58. 70. 52. 62. 52. 84. 20. 28. 45 Croſna.	Parifi.	152.	180.	315.	183.	294.	180.	250.	125.	Gallia									
134. 22. 68. 46. 126. 16. 70. 61. 88. 84. Gedanum.	Praga.	46.	200.	36.	144.	32.	355.	85.	Bohemia										
117. 14. 52. 28. 109. 20. 57. 53. 52. 71. 12. Graudentum.	Roma.	336.	125.	240.	166.	310.	55.	Italia											
50. 68. 40. 66. 44. 82. 30. 13. 26. 12. 76. 69. Jaroslavia.	ſtocholmia.	214	136.	172.	530.	280.	Svecia												
36. 78. 46. 76. 30. 92. 44. 20. 18. 22. 96. 73. 14. Leopoliſ.	Vienna.	130.	44.	374.	70.	Austria													
64. 52. 18. 50. 56. 66. 36. 6. 30. 28. 70. 53. 20. 26. Lublinum.	Vilna.	116.	495.	200.	Lithuania														
34. 80. 30. 80. 40. 96. 56. 24. 10. 40. 96. 83. 30. 18. 30. Luceoria.	Vraſlavia.	363.	104.	Sileſia															
128. 24. 62. 38. 114. 22. 66. 66. 83. 81. 6. 9. 70. 90. 59. 94. Mariaeburgum,	Ulyſippo	308.	Luſtania																
22. 84. 40. 92. 30. 108. 66. 26. 9. 48. 108. 95. 40. 26. 42. 12. 106. Oſtrogium.	Venetia.	Reipublica																	
90. 25. 48. 17. 79. 34. 20. 36. 68. 33. 44. 32. 36. 51. 31. 62. 40. 79. Petricovia.	Venetia																		
126. 18. 66. 14. 118. 20. 55. 61. 93. 80. 39. 26. 78. 88. 62. 92. 30. 104. 29. Poſnania.	Regna et Provincia																		
48. 72. 44. 70. 42. 86. 30. 18. 26. 10. 84. 63. 4. 12. 24. 30. 74. 38. 41. 80. Premiſlia.	*****																		
84. 26. 32. 24. 82. 40. 30. 35. 66. 44. 40. 27. 42. 48. 26. 56. 38. 68. 9. 35. 44. Rava.	*****																		
45. 78. 56. 78. 30. 92. 36. 28. 22. 18. 86. 69. 10. 10. 32. 28. 82. 36. 42. 88. 6. 50. Samboria.	*****																		
66. 52. 34. 47. 60. 66. 22. 12. 44. 16. 66. 53. 16. 30. 12. 32. 64. 44. 26. 64. 18. 26. 25. Sandomiria.	*****																		
35. 84. 48. 80. 21. 106. 58. 33. 20. 76. 94. 69. 28. 15. 40. 33. 104. 30. 63. 90. 22. 60. 14. 44. Stanislaopolis	*****																		
110. 6. 44. 20. 102. 21. 50. 50. 80. 62. 20. 7. 52. 72. 46. 76. 18. 88. 25. 18. 64. 20. 62. 46. 88. Torunium.	*****																		
79. 27. 28. 34. 70. 34. 30. 31. 56. 41. 35. 27. 36. 46. 34. 48. 30. 60. 23. 41. 41. 15. 48. 25. 65. 24. Varſavia.	*****																		

Regna et Provincia

\*\*\*\*\*  
\*\*\*\*\*  
\*\*\*\*\*  
\*\*\*\*\*  
\*\*\*\*\*  
\*\*\*\*\*  
\*\*\*\*\*  
\*\*\*\*\*  
\*\*\*\*\*










he

Biblioteka Jagiellońska



stdr0022055

